





5.

De

# Ulcere ventriculi perforante

*Dissertatio*

auctore

E. A. DAHLEBUP, M. Dr.

medico nosocomii regii Fredericiani secundario.



*Havniæ.*

Typis excudebat I. G. Salomon.

1841.

THE HISTORY OF THE

1791

1792

1793

1794

1795

1796

1797

1798

1799

1800

**Viro illustrissimo**

**Ola o Lundt Bang**

Dr., almæ universitatis nostræ prof. pnb. ord., medico nosocomii  
regii Fredericiani primario, Regi a consiliis status,  
Ord. Dannebrog. equiti cet. cet.

hocce opusculum

ob

*innumera amoris vere paterni erga me  
documenta animo pio gratoque*

semper colenda

sacrum esse voluit

**autor.**

THE UNIVERSITY OF CHICAGO

LIBRARY

1000

1000

1000

1000

1000

1000

1000

## Præfatio.

---

Studio illo ductus, ut inter publica ob inaugurationem regis augustissimi augustissimæque reginæ gaudia et solemnia accademica gradum accademicum impetrarem, opusculum, cujus elaborandi consilium jam ante plures annos ceperam, facultate medica invitante, conscribere incepti. Contigit enim mihi sex circiter annis abhinc ægrotam observare ulceri ventriculi perforanti succumbentem: ancilla fuit florida, robusta, optima valetudine antea gravisa; subito autem nullum morbum suspicans, nullaue causa nocente cognita, cruciatibus correpta est crudelissimis, et intra paucas horas misere

obiit. Necroscopia causam mortis quidem  
sat manifestam me docuit; indolem vero et  
originem talis ventriculi perforationis parum  
eiusque cognovi. Nam plurimi autores,  
quorum opera pervolvi, pauca et, ut fa-  
cile intellexi, minus recta de illa disputabant.  
Inter nostrates F. L. Bang solus, quantum  
scio, observationem ulceris ventriculi perfor-  
antis hæmorrhagiis stipati in "actis socie-  
tatis med. hafn." enaravit; a nullis aliis  
autem autoribus nostris hunc morbum inven-  
descriptum. Quum plures deinde casus ejus-  
dem generis mihi aliquoties accidissent offi-  
cio candidati in nosocomio regio Frederi-  
ciano fungenti, morbum proh dolor! haud  
tam rarum esse, intellexi. Parvi autem re-  
fert morbum cognoscere, nisi simul indolem  
et naturam ejusdem, deinde medelam ei op-  
ponendam comperire possimus. Quod autem  
puto nos posse nulla alia via consequi, nisi  
observationibus quamplurimis collectis et in-  
ter se comparatis. Parum certe pro parvis  
viribus meis effecissem, si opera eximia, qua



ruveilhier et Rokitansky hisce temporibus publici juris fecerunt, non consulissem. Superfluum et parum modestum fortasse videatur, me juvenem et summa illorum doctrina et experientia destitutum opus suscipere ausum esse, quod illi nuperrime tractare; in morbo autem, ut ita dicam, novo, qui ex mutationibus pathologicis, hucusque recte dijudicatis, modo cognoscitur, singula quæque observatio suum habet pretium, quatenus ad illa tamen illustranda vel augenda, quæ ab aliis jam allata sunt, valere potest. Hac re fretus opusculum meum humanitati et indulgentiæ tuæ, L. B. trado, sperans, te mihi vitio non versurum esse parvum paginarum hujus dissertatiunculæ numerum, quæ, si voluissem, haud difficile augere potuissem, observationes aliorum auctorum et sententias, ut fieri interdum solet, prolixius afferens, ac de rationibus, cur illis assentirer vel obloquerer, copiosius disputans; sed illas tantum attuli, quæ mihi

majoris momenti esse ad morbum vere illustrandum videbantur.

*Anatomica mutationum pathologicarum descriptio per se arida et minus jucunda multis quidem videtur; fundamentum autem est, quo cetera quæ de morbo habemus comperta, nituntur, qua de causa etiam ausus sum, hancce solam in hoc libello tibi porrigere; ceteram morbi descriptionem, quum parvum scribendi tempus, mihi a multis aliis negotiis relictum, ad dissertationem perficiendam haud sufficeret, in altera parte intra breve temporis spatium tibi tradere spero.*

*Iterum iterumque te L. B. oro et obsecro, ut libellum meum benevolenter et indulgenter accipias; quam sit mancum et imperfectum hoc tirocinium, me melius nemo intelligit.*

---

***Particula 1<sup>or</sup>.***



---

„Nulla est alia pro certo noscendi via, nisi quam plurimas  
et morborum, et dissectionum historias tum aliorum, tum  
propriis collectas habere, et inter se comparare.”

Morgagni de sed. et caus. morb.  
Libr. IV. Prooem. pag. 5.

---

7  
ventriculum, si structuram et functiones ejus re-  
picimus, præ ceteris omnibus organismi humani par-  
tus morbis omnis generis esse expositum, nemo  
recte dubitat. Nullum re vera aliud organum, majore  
vel minoris momenti, sæpius ægrotare, quis est,  
qui neget; neque potentiis nocivis, quæ directam  
viam exercent, solummodo afficitur, sed summa ejus  
vulnerabilitas et cum ceteris organismi systematibus  
sympathia facile demonstrat, cur in omnibus fere  
morbis gravioribus ventriculus in consensum traha-  
tur; a veritate itaque haud valde abhorrent verba  
J. B. Broussais <sup>1)</sup>): "les irritations de tous les organs

---

<sup>1)</sup> Examen des doctrin. medic. Tom. I pag. 110.

sont constamment transmises à l'estomac au moment de leur début."

Licet vero symptomata, quæ a statu ventriculi morboſo oriuntur, sat facile observemus, indolem naturam illius status indicaturi eadem facilitate haud semper gaudemus. Uti enim nullus est medicus quin ipse expertus sit, quam difficile sæpe sit inter morbos ventriculi nervosos et morbos inflammatorios omnesque illas valetudinis perturbationes, quæ functionibus hujus organi læsis sive dyspepsiæ adscribi solent, distinguere, ita jamdudum constat, gravissima symptomata, quæ morbos ventriculi vehementissimos indicare videantur, per multos annos perseverare posse, ægroque tandem mortuo, nulla tamen in cadavere inveniri signa morborum ventriculi conspicua contra vero in cadaveribus hominum, qui nunquam ex ventriculo laborare videbantur, invenimus destructiones tam ingentes, ut, quomodo sine maximis organismi perturbationibus usque eo progredi potuerint, difficile intelligere possimus. Hæc de nullo alio ventriculi morbo magis valent, quam de illi quem nominavere auctores *perforationem ventriculi spontaneam* sive *gastrobrocin spontaneam*, qui quibus hominibus optima, ut videbatur, valetudine florentibus mortem sæpenumero attulit, id quod observationes permultæ probant. Qui morbus quo periculosior est, quo frequentius occurrit, eo difficilius certe est explicare, cur ad proxima usque decennia de indole et natura ejus disquisitiones tam leve

mancas instituerint autores. Raritatem morbi ac-  
 sare non possunt; permulti enim seculi prioris au-  
 res, qui, quæ cadaveribus dissecandis observaverunt  
 morbis organismi humani, memoriæ tradiderunt,  
 mentionem faciunt de casibus, iisque haud paucis,  
 de pertinentibus; sic *Courtial*<sup>1)</sup>, *Bauhin*<sup>2)</sup>, *Mor-*  
*agni*<sup>3)</sup>, qui et suas et aliorum plurium autorum at-  
 tit observationes; *Merklin*<sup>4)</sup>, *Tyson*<sup>5)</sup>, *Baron*<sup>6)</sup>,  
*Quikshank*<sup>7)</sup> multique alii autores temporis supe-  
 rioris et recentioris, qui singulas tales observationes,  
 et raras ideoque animi attentione dignas credide-  
 runt, in multis commentariis diurnis retulere. Quum  
 perique autem horum autorum imprimis exitum morbi,  
 et mortem dico parietum ventriculi ejusdemque se-  
 ptelæ respexerint, de morbo ventriculi statu  
 ejusdemque symptomatibus, quæ perforationi ante-  
 cesserint, fere nihil disputaverint, parum eorum scripta  
 periri facere possumus. Autores tandem sub finem  
 seculi prioris viventes, observationibus superiorum  
 cum suis comparatis, disputationes, quamvis mancās,  
 instituere coeperunt ad causas et indolem perforati-

---

1) Journal des sçavants 1688.

2) Bonneti sepulchr: Lib. III. Sect. XXI.

3) De sedibus et causis morb. Lib. III ep. XXIX § 14 sq.

4) Bonneti sepulchr. obs. 48.

5) Act. erudita Lips. Suppl. Tom. 3.

6) Memoire présentée a l'Acad. royal. des sciences.

7) Anatomy of the absorb. vessel. Tom I pag. 113.



onum ventriculi explicandam. Opinione vero quædam præjudicata ducti aut modo illas observationes quæ huic respondebant, respexere, aut omnes, delectu omni et examine diligentiore omisso, miscuere. Sic nonnulli putaverunt, causam semper in scirrhus positam esse, alii in emollitione, alii in aliis. *A. Gerard* <sup>1)</sup> primus perforationem ventriculi spontaneam dissertatione speciali dignam censuit. Sedecim affert observationes, e quibus præsertim symptomata, perforationem ventriculi factam esse, indicantia eruere studet. De varia variarum perforationum natura sat imperfecte disserit. *Alibert* <sup>2)</sup> perforationem ventriculi primus in morbos nosologiæ systematicæ singulares retulit. Primæ systematis classis, *trophopathiæ*, familiam primam nominat *gasterosin*, cujus genus duodecimum est *gastrobrosis*; duas deinde gastrobroseos species habet: 1) *gastrobrosin spontaneam* et 2) *gastrobrosin venenatam*. Quæ divisio autem quam sit manca, quisque facile intelligit; non complectitur ex. gr. perforationes vi mechanica allatas nec varias earum, quæ a dynamica tantum vi proficiscuntur, species. Optime quidem *Chaussier* <sup>3)</sup>, cujus ideas in dissertatione: "considerations medico-legales sur les erosions et per-

---

<sup>1)</sup> Des perforations spontanées de l'estomac. Paris an X.

<sup>2)</sup> Nosologie naturelle ou les maladies du corps humain distribuées par familles. Paris 1807.

<sup>3)</sup> Dictionnaire des sciences med. Tom. XL articl. perforation.



érations spontanées de l'estomac," Paris 1819, *Chaisné* secutus est et diligentius explicavit, de hac materia disseruit, imprimis de natura illarum perforationum, quæ ab ulceratione, vel, ut dicit, ab erosione et emollitione proficiscuntur, quasque ab iis, quæ veneficio producuntur, ratione medicinæ forensis imprimis habita, distinguere studet. *Percy* et *Laurent* <sup>1)</sup> permultas autorum antiquorum et recentiorum ex hac materia observationes retulerunt, magnaque sagacitate recensuerunt, aetiologiam autem vix accuratius, quam superiores tractant: tres enim attulerunt perforationum classes: 1) perf. a *causa externa* productam, 2) *gangrænosam*, 3) *spontaneam*. *Richter* <sup>2)</sup> perforationes in quatuor classes divisit: 1) perf. e *gangræna locali*, 2) p. e *scirrho*, 3) p. ex *ulceratione* a) *acuta* b) *chronica*, 4) p. ex *emollitione*, symptomataque singulam quamque antecedentia et concomitantia admodum, ne dicam nimis, exacte descripsit; quæ vero sectione reperta sunt, sat leviter attulit. *Rauck* <sup>3)</sup> quatuor perforationum classes habet: 1) ex *ulceratione vera*, 2) e *ruptura tunicarum ventriculi ceterum normalium*, 3) e *ruptura tunicarum attenuatarum sine emollitione ventriculi*, 4) *ruptura ex emollitione ventriculi*. Quæ divisio et manca et

---

<sup>1)</sup> Dict. des sc. med. l. c.

<sup>2)</sup> Horn. Archiv für medic. Erfar. 1824 Sept. Oct. pag. 212.

<sup>3)</sup> Vermischte Abhandl. aus dem Gebiete der Heilkunde. Petersburg 1823. 2te Sammlung.

minus recta videtur; prima enim classis ulcera varii generis complectitur, dum in tertiam refert observationes, quæ sine dubio ad ulcerationem pertinent, opinione, quam de hisce proposuere Baillie et Voigtel, quasi falsa rejecta; hi scilicet putaverunt, eam esse solitam ulcerum simplicium ventriculi formam, qua de re tamen plura infra loquemur. *Becker* <sup>1)</sup> in dissertatione, summa cum diligentia elaborata, quæ desint, vel minus recta inveniantur apud autores, qui usque ad illud tempus de hac materia scripserant, demonstravit, atque ex observationibus, quas permultas affert, hanc eruit partitionem:

I. *Gastrobrosin per accidens*  $\alpha$ : perforationem ventriculi e causis a natura organismi humani non profectis, neque in illo dynamice progenitis, ortam.

II. *Gastrobrosin spontaneam*  $\alpha$ : a causis internis dynamicis in ipso organismo generatis productam.

Ima Classis iterum dispertitur in:

1. a) *traumaticam*, instrumentis scindentibus vel pungentibus effectam.
- b) *violentam*, post contentionem virium vehementiorem, vel contusionibus, vel lapsu ortam.
- c) *rupturam a ventriculi*, cum aër in eo ipso progignitur, *distentione* profectam.

---

<sup>1)</sup> Hufeland und Osann. Journal der praktischen Heilkunde 1827. LXIV Band 3te Stück.

## 2. *venenatam sive toxicam.*

Hæc classis continet:

### 1. gastrobr. *gangrænosam*:

- a) e *gastritide partiali*
- b) e *metastasi*
- c) e *gastritide occulta.*

### 2. gastrobr. *ulcerosam*:

- a) post *gastritidem acutam*
- b) post *gastritid. chron. s. ulcerationem chronicam*
- c) ex *ulceratione tuberculosa*, vel e *dystrophia fungosa* etc.

### 3. gastrobr. *scirrhosam*

### 4. gastrobr. ex *attenuatione tunicarum*

### 5. gastrobr. ex *emollitione gelatinosa infantium*

### 6. gastrobr. ex *emollitione ex acri secretionum natura*, seu emollitione *in adultis.*

Quæ classificatio licet omni ex parte illis, quæ supra attulimus, præstare videatur, omni tamen vitio ex caret. Cur et quo jure autor varias perforationum species variis classibus adscripserit, diligentius explorare haud licet, nisi dissertatiunculæ hujus limites, quos mihi proposui, excederem. Quæ hucusque attuli, necessaria existimavi ad materiam, de qua dissertaturus sum, illustrandam. Vidimus enim auctores temporis superioris, permultas esse varias perforationum causas, jam intellexisse, easque pro

varia mutationum organicarum, quas in cadaveribus reperissent, indole in varias classes peculiare distribuere studuisse; theoria vero magis quam experientia ducti, et opinionibus quibusdam præoccupati, multa attulere falsa et obscura. Indiligenter tamen et perperam eam imprimis perforationis causam, quæ in simplici ventriculi ulcere posita est, ad tempora usque recentissima autores tractaverunt. Nam licet ulcus hujusmodi *Chaussier* commemoraverit, et *Baillie* deinde diligentissime descripserit, posteriores tamen idem animis vix plane concepisse videntur. Sic *Becker* observationem, quam descripsit *Desgranges* <sup>1)</sup> in perforationes ex attenuatione vel absorbtione membranarum partiali ortas retulit, illam autem, quam de celeberrimo chemista *Darcet* narrat *Gerard* <sup>2)</sup>, ad ulcera pertinere censet, similitudinem utriusque facile conspicuam non respiciens. Nostri sæculi auctores, inter quos prima tenent loca *Cruveilhier* <sup>3)</sup> et *Abercrombie* <sup>4)</sup> recentissimique temporis *Rokitansky* <sup>5)</sup> diligentiores de hac materia quæstiones instituere incepere; quæ igitur infra de eadem disputabi-

---

<sup>1)</sup> Jourual de medic. 2de serie Tom XV p. 145.

<sup>2)</sup> L. c.

<sup>3)</sup> Anatomie pathalogique Liv X.

<sup>4)</sup> Pathological. and practical. researches on diseases of the stomach.

<sup>5)</sup> Oesterreich. medic. Jahrbücher 27 B.

us, illis præcipue debentur. Quum mihi contigisset plures ulcerum et perforationum ventriculi casus per hos proximos annos observare, credidi opus suscipere hand omni pretio carens, si hasce meas observationes, cum ceterorum comparatas, in lucem mitterem. Studium mutationum pathologicarum, quas dissectione cadaverum invenimus, ad notitias nostras de natura et indole plurimorum morborum illustrandas per proxima decennia multum contusse, haud ignarus, fructum tamen hujus studii magnam partem perdi credo, nisi phænomena, quæ ægroto vivente præbuerit morbus, et quæ in cadavere reperta sint, inter se comparentur. Doleo igitur, me prægressum ægrotorum statum accuratius non cognosse; nostra vero non est culpa, multum enim, ut infra monstrare conabor, ita leviter vel nihil omnino ante progressus morbi letiferos ægrotaverant, ut nullum, parvis illis molestiis, quæ forsasse intercessissent, neglectis, morbum prægressum accusarent vel tam indisserte enarrarent, ut nullum inde fructum percipere possemus.

Licet igitur sat manca sint, quæ de symptomatibus morbum nostrum indicantibus scimus, similitudinem tamen, quæ ex omnibus observationibus afferendis appareat, nemo certe erit, qui neglet. Hoc tamen magis de iis valet, quæ sectione cadaverum invenimus. Ulcera enim, quæ in om-

nibus apparuerunt, tot et tales habent proprietates communes, ut nemini non eluceat, eundem ubique adesse morbum. Præmissis igitur historiis morborum, quos intra spatium aliquot annorum observavi, hisce et aliorum autorum observationibus nisus, quæ de ulceribus illis hucusque, quoad mihi est notum, comperti simus, referre conabor.

---



## *Observatio Ima.*

**M.** M., 30 annos n., in nosocomio die 4 Octobris 1834 recepta, refert, se semper rite menstruatam fuisse, sæpe antea levibus abdominis et pectoris doloribus, ut credebat, spasmodicis laborasse, qui remediis antispasmodicis semper mitigarentur. Per proximas tres hebdomades dolores illi abdominis fere continui fuere, haud tamen vehementiores, quam ut negotiis vacare posset ægrotā. Hodie vero sub meridiem post ingestionem sanguiculi parvi subito correpta est doloribus continuis vehementissimis abdominis constringentibus, pressione minima auctis, in pectus contendentibus, dyspnœa, quin orthopnœa, deglutationisque difficultate stipatis, vomitu parco et vomitionibus postea continuis. Lingua pura, sapor normalis, pulsus parvus, tremulus. Domi varia antispasmodica et infusum chamomillæ ad vomitum provocandum frustra adhîbuit. — Cognati referunt, ægrotam brevi antea metrorrhagia larga laborasse, et suspicionem remedii cujusdam abortivi ingesti movent, quod tamen ægrotā constanter negat.

Venæsectio ob venas depletas sanguinem parvissimum protulit, quare cucurbitæ cruentæ sine ullo levamine adhibitæ sunt, porro oleum ricini et remedia opiata per os et alvum propinata.

Sub lucem mortua est.

### Autopsia:

In pectore: Pulmo sinister sanus; dexter pleuræ costali firmiter fuit annexus, ut sine læsione parenchymatis separari haud posset. Apex ejusdem ad marginem inferiorem glandulæ thyreoideæ fuit prolongata, tumorem formavit, qui, cellulosa nondum plane remota, varicis venæ jugularis internæ et communis magnæ simillimus erat.

Abdomine aperto mox effluxit fluidum subflavum, cui supernatavere quasi insulæ olei cujusdam et reliquiæ alimentorum pridie ingestorum. Omnia viscera exsudato plastico puriformi obsessa fuere. Examinatione diligentiore in superficie anteriore ventriculi, in parte ejusdem splenica, pollicem et dimidium infra ostium œsophagæum apparuit foramen, per quod contenta exiere. Ventriculo dissecto ulcus conspiciebatur rotundum, diametrum linearum octo continens, cum marginibus duris, albis; in circuitu perforationis tunicæ ventriculi solito forsitan crassiores et ostium œsophagæum versus incrassatæ apparere. Cæterum vero tunica mucosa flavo-grisea, sat mollis, facile a tela cellulosa infra sita separari potuit, plicas formavit gyris cerebri haud dissimiles. Pollicem et dimidium ab ulcere distans appa-



uit ulcusculum tunicam mucosam solummodo penetrans, lucide-rubrum, oblongum, irregulare, cum marginibus acutis haud induratis. — Hepar laxum, flavum. — Duodenum bile refertum. — Collum uteri mucoso tenaci rubicundo plenum; cavum ipsius normale. — Ovaria coagulum sanguineum continentia tumoribus hydatidosis erant obsessa.

## *Observatio II.*

T. B., 20 annos nata, die Aprilis 19, 1835, moribunda nobis apportata. Referunt cognati, puellam, quæ habitu externo erat floridissimo, per ultimum semestre, intervallis quidem incertis intermissis, vomitu laborasse ingestorum, gastralgia et dolore abdomen extendente; quæ symptomata, mentris per tri-mestrem desinentibus, hysterica judicata sunt, remediisque huic hypothese respondentibus haud sine fructu tractata sunt. — Etiam die, quo symptomata gravissimæ indolis accessere, optime valuerat et post meridiem hora quinta, quum negotiis solitis vacatura domo exiisset, in platea doloribus atrocissimis correpta concidit, evomitque contenta ventriculi. Ipsa de sensu quasi alicujus rei in corpore subito ruptæ conquerebatur. Antispasmodica varia adhibita nullum produxere levamen; abdomen fuit extensum, dolorificum; cardialgia et anxietas summa; extremitates frigidae; pulsus parvus; brevi post introitum in nosocomium,

hora XXIVma post accessum symptomatum, expiravit. —

Sectio, hora decima octava post mortem instituta. —

Dissectis integumentis abdominis maxime extensis, uno quasi ictu prosiluit fluidum flavo-viride particulis ciborum adhuc crudis internixtum. Intestinorum tenuium et crassorum superficies externa læte rubescebat; pseudomenbrana puriformi illa inter se connexa erant. — Lobus sinister hepatis partem ventriculi lienalem obtexit, quo remoto apertura apparuit parietis ventriculi anterioris pollicem circiter infra ostium œsophagæum, paullum dextrorsum, rotunda, cum marginibus glabris; in superficie externa ventriculi et inferiore hepatis reliquæ membranæ plasticæ, illas connectentis, in circumferentia perforationis observabantur. — Dissecto ventriculo ulcus invenimus rotundum, diametrum habens pollicis, cum marginibus glabris, albis, incrassatis; modica in circumferentia incrassatio formam infundibuliformem ulceri dabat. — In pariete posteriore ventriculi, foramini anteriori oppositum, apparuit ulcus similis indolis, glandula pancreatis, cum superficie posteriore ventriculi arcte connexa, clausum, ita ut structura glandulosa, membrana tenuissima, ut videbatur, mucosa vestita, in fundo ulceris facile distingueretur. Nulla alia ulcerationis vestigia adfuere. — Membrana mucosa paullo mollior et hypertrophica quasi gyras formavit. — Tunica mucosa intestinorum nor-

alis. — Hepar pallidum, laxum. — Cetera organa abdominis et pectoris normalia.

### *Observatio III.*

I. C., annos 21 nata, habitu robusto, florido, ante septem proximos menses rite menstruata, jam antea sæpius doloribus abdominis, ut credidit, hysteriis et per proximum tempus cardialgiæ obnoxia, Januarii 2 d. a. 1836, vespere subito sine cognita causa correpta est dolore sat vehemente hypochondrii sinistri, quum lectum petiisset, mox ultro cessavit. Nocturno dolor recrudit vehementior totius abdominis, imprimis regionis epigastricæ, cum vomitionibus, nullo vero vomitu. Antispasmodica parcum levamen ferre videbantur. Die 3 Jan. in nosocomium apporata dolorem questa est crudelissimum regionis lumbalis et hypochondrii dextri, etiam tamen humeri dextri et nuchæ, intercurrentem. Abdomen paulum extensum, maxime dolorificum; facies anxia, pulsus fortissimus, tensus; alvus noctu clysmate mota, sitis inexplebilis, lingua albescens. — Venæsectio, hirudines, glacies intrinsecus et extrinsecus adhibita cum opiatis nullum produxit levamen; abdomen magis extensum fuit; noctu omnino non dormivit, doloribus crescentibus; pulveris opii gr. I. vomitu reddidit, tinctura opii levamen fugax percipere videbatur. Abdomen semper magis extensum pressione minus lebat; facies pallida, cutis madida, frigida, pulsus

celerrimus, exilis, mens omnino sana. Status idem duravit per noctem et diem V.tum Jan., hora post meridiem quinta exspiravit.

*Sectio hora XVII post mortem instituta.*

Abdomine valde extenso parva incisione aperto prosiluit larga copia fluidi albo-flavescentis. Membrana plastica, puriformis intestina conjunxit. — In superficie anteriore ventriculi, hepatis adhærentis, infra arcum minorem prope cardiam adfuit foramen, diametrum habens tertiæ partis pollicis, rotundum, marginibus tenuibus, glabris. Aperturam internam, dissecto ventriculo, invenimus paullo majorem cum marginibus duris, lævigatis, formam perforationis infundibuliformem producentibus. Membrana mucosa et cellulosa infra sita, alteræ tunicæ haud, in circumferentia ulceris incrassatæ fuere; in reliquo ventriculo nil apparuit abnorme. Cetera organa abdominis omnino normalia.

### *Observatio IV.*

J. V., 32 annos natus, operarius, antea sanus, mense Januarii, 1836, postquam refrigerio gravi expositus fuisset, correptus est symptomatibus febrilibus cum siti notabili, anorexia, sapore depravato et humbagine, ad quæ per octo dies durantia subito accessere dolores graves abdominis, constringentes, qui interdum remittebant, et dein dolor fixus, continuus infra costas spurias sinistras, inspiratione profunda et

ecubitu in hoc latere auctus. Hisce per decem  
 es cum obstipatione alvi sat pertinaci durantibus,  
 cessit diarrhoea sat larga cum levamine dolorum.  
 nosocomium apportatus die quarto Februarii dolo-  
 s querebatur abdominis levioris gradus; appetitus  
 dire incepit; alvus quotidie aperta, lingua paullum  
 fuscata, pulsus normalis. — Cucurbitis cruentis  
 domini applicatis, mixtura camphorata propinata,  
 umque abdomen linimento volatili camphorata  
 unctum esset, nosocomium, ut videbatur, sanus,  
 e Februarii nono relinquere petiit. — Per æstatem  
 sequentem sat bene valuit, prægressis vero levibus  
 lloribus extremitatum, quos refrigerio iterum attri-  
 nit, mense Augusto, die 21, subito iterum afflictus  
 t doloribus abdominis vehementissimis, continuis,  
 animo motu vel pressione auctis, qui febrilibus  
 hementibus, frigore scilicet cum æstu et sudore  
 ego stipabantur, die 22do in nosocomium receptus  
 erebatur de doloribus iisdem violentissimis; abdo-  
 en tensum dolorificum; flatus retenti, dysuria, urina  
 assa cum sedimento rosaceo; sitis intensa, insomnia;  
 llus celerrimus, tensus. — Venæsectio et cata-  
 asma emolliens applicatum levamen produxit nonnul-  
 um; vespere, exacerbatis doloribus, pulvis Calomela-  
 s; cum Opio, post quem somnus per plures ho-  
 s. 24to, Venæsectio bis instituta et inunctio lini-  
 nti resolventis parcum modo produxit levamen;  
 lor nempe fixus regioni epigastricæ inhæsit, summe  
 lorificæ sub inspiratione et pressione; sitis intensa,



lingua alba, sicca; pulsus 120; flatus abiere, — (clysma, hirudines, linimentum resolvens) — 25to, doloribus immutatis, pillulæ et epithema glaciale: venæsectio repetita. Flatus abiere; alvus vero haud aperta; pulsus minus celer, 88, durus. Vomitus noctu serosus; dolor parti superiori sinistræ abdominis, jam præsertim loco circumscripto, inhæsit. Hirudines, clysma oleosum, quo alvus pluries liquide aperta, levamen attulit. Post clysma ex infuso chamomillæ et Vesicatorium dolores mitigati, motum concedentes. Noctu vero somnus visionibus turbatus, respiratio anxiosa, facies collapsa, sudor frigidus, lingua fusca, pulsus exilis, et 27mo sub horam nocturnam matutinam levibus convulsionibus agitatus obiit.

Sectio hora XXIVta post mortem instituta.

Rigor cadaverosus singularis; abdomine paululum tumido aperto fluidum invenimus tenue fuscum; intestina membrana plastica conglutinata, peritonæum ubique colorem præbuit e viridi flavum. In sacco coeco ventriculi prope cardiam invenimus foramen diametrum habens circiter pollicis cum marginibus solitis induratis formamque infundibuliformem producens, ad arcum minorem ventriculi alteram exulcerationem vidimus, priore minorem, tunica mucosa paullum quasi tectam. Tunica mucosa ventriculi punctis rubris adpersa fuit. Cetera normalia.

## *Observatio Vta.*

S., 48 annos natus, navi præfectus, nunquam  
 te ne levissimis quidem morbis affectus, vitam  
 regularem et omni ex parte abstinentem semper degens,  
 per proximos duos annos tamen habitu, ut referunt  
 agnati, quodammodo morbo fuit. Die secundo  
 mensis Decembris sensum questus est extendentem  
 abdominis et ægritudinis universalis, alvo vero per  
 sex dies, parcissima excretionem ante biduum excepta,  
 causæ, id quod nunquam ante acciderat, attribuit  
 unsum illum ægritudinis, quare solutionem salis  
 maglicani ingessit et postea, quum effectus exoptatus  
 non subsecutus esset, oleum ricini, quod tamen non  
 magis profuit; neque a clysmate ter repetito alvus  
 est mota. Medicus\*), qui vespere tertii diei Novem-  
 bris, vocatus est, ægrotum hoc in statu invenit: Pedes  
 et manus frigidae, pulsus parvus, debilis haud celer,  
 abdomen tympanitice extensum, singultus, nullus  
 vero vomitus nec vomiturius; abdomen manus pres-  
 sionem bene tulit, quin etiam cum levamine quodam  
 missionis. — Nullis herniæ vestigiis nec inflammatio-  
 nis manifestæ præsentibus, indicatio prima videba-  
 tur obstipationem alvi solvere, quare aqua laxativa  
 Liennensis camphorata, clysmaque cum glacie et  
 bulæ glaciales adhibitæ. Sensus ille molestus

---

Clar: Gottschalk, chirurgus mil: secundi ord: , qui hancce ob-  
 servationem pro humanitate et benevolentia sua mihi tradidit.

tensionis hisce remediis quidem minutus, alvus vero haud mota; noctu excretio muci per anum, nulla vero excrementorum. Die insequente, 4to Novembre, status fere idem, abdomen scilicet perinde tensum, dolores vix aucti, pulsus debilior; habitus ægroti, sese melius valere declarantis, magis collapsus. Quum in nosocomium apportari desiderasset, lectum relinquens, lipothymia afflictus est, e qua iterum expergefactus, cum sororibus loquens, subito, placide, expiravit.

**Sectio hora XLVIII post mortem instituta.**

Abdomine sat extento aperto fluidum sat largum, quasi sanguinolentum, effluxit; tunica peritonæi ubique inflammata, exsudatum, plasticum largum superficiem superiorem hepatis præsertim investivit; in superficie externa ventriculi prope pylorum apparuit foramen patens diametrum pennæ anserinæ. Ventriculo dissecto ulcus apparuit infundibuliforme cum marginibus incrassatis. Ceterum nil abnorme.

## ***Observatio Vltima.***

K. H., 30 annos nata, nosocomio recepta est 1837 die 27 mensis Decembris; habitu sat robusto, anno ætatis XIVta jam menstruata fuit, semper vero irregulariter, menstrisque haud accedentibus dolore laboravit regionis epigastricæ, vomitu stipato, qui, menstruis accedentibus, ultro cessavit. Bis sine molestiis singularibus peperit, proxime mense Aprili



jus anni. Mense Majo menstrua apparuere, quæ, cum terminis ordinariis his modo fluxissent, iterum fluernnt. Per quinque menses sequentes sæpissime laboravit oppressione cardiæ, extentione abdominis, dolore et vomitu post omnia ingesta, per proximum mensem præsertim molesto, ut fere nil retinere valeat; vires et carnes quidem decrevere, haud magis animen, quam ut negotiis solitis vacaret.

Die 23tio Decembris mane subito correpta est dolore vehementissimo hypochondrii sinistri, levissima pressione aucto, decubitus lateralem et omnem motum omnino impediens, eadem vehementiâ et eodem loco continuante cum dyspnœa et levi abdominis extensione. Se gravidam esse suspicata, dolores illos credidit esse incipientis partus dolores, quare ad nosocomium parturientium apportata est; exploratione instituta nulla partus incipientis signa inventa sunt, quare die insequente in nosocomium nostrum apportata est. — Dolores hypochondrii per noctem insomnem duraverant immutati, dyspnœa aucta stitit. — Ægrotâ in nosocomio 24 Decembris recepta, invenimus: abdomen sat tensum et durum, pressionem levissimam quidem ita reformidans, ut ne pondus quidem tegumentorum ferre posset. Percussio parva edidit in regione media et dextra abdominis tympaniticum, in sinistra et inferiore obscurum. Pulsus parvus, 120, sitis inextinguibilis. Lingua humida, rubor genarum intensus. Alvus per proximum mensem segniter et irregulariter aperta,

clysmate domi adhibito sine doloribus fuerat mota uti etiam urinæ copiam nec tamen sine dolore emisit. Domi venæsectio haud sine levamine fugæ doloris instituta fuit. — (Venæsectio 3 XVI, epithema glaciale, pillulæ glaciales) — 25 Decemb. Nox insomnis doloribus continuantibus æque crudelibus, pulsus parvus, celerior. — (Venæsectio 3 XI Calomel cum Opio, clyisma glaciale); vespere iterum venæsectio 3 XII siue ullo levamine) 26 Decbr. Nox æque insomnis. Mane doloribus incrementibus peperit infantem sex mensium circiter, vivum et respirantem, brevi vero post expirantem. Abdomen æque dolorificum, alvus parce aperta; flatus abieci nulli. Hirudines XII abdominis. Sub meridie accessit vomitus fluidi primum viridis, postea nigrescentis, qui per reliquam diei partem et totam noctem, pillulis glacialibus, opio, naphtha haud sedatus est. 27 Decbr.: Mane status idem, abdomen magis extensum, pulsus vix sensibilis, clyisma cum opii 3 IV. nullum produxit levamen; jam de insomnia praesertim quæsta est; dolores dicens mitigatos esse remedia somnifera præ omnibus rogavit; opio paulum sopita quiete sub vesperam obiit.

Sectio hora XVIII post mortem instituta.

Cor parvum firmum cum coagulo solito in ventriculo dextro. Pulmo dexter sanguine admodum impletus erat; exsudato lymphatico superficiem costalem investiente et basin pulmonis diaphragmate arcte conjungente. — Hepar sat magnum; ad ma-

nem ejus anteriorem inter lobum dextrum et sinistram  
 arcum ventriculi minorem apparuit foramen diametrum  
 pollicis dimidii patens, in cujus ambitu fluidum  
 æreum, e viridi flavum, nigro-grannosum. Intestina  
 inter se et cum peritonæo connexa materia plastica  
 et illic præsertim circa lien, quod omnia circum-  
 dabat, ad partem inferiorem uteri et ad diaphragma,  
 assitie lineæ et quod superat, fuit. Uterus sanus.  
 ventriculo aperto, ad mediam ejus partem in pariete  
 anteriore paullum infra arcum minorem invenimus  
 corpus ovale, diametrum pollicis unius in longitudi-  
 nem patens cum marginibus duris, incrassatis, cujus  
 medio adfuit apertura rotunda, diametrum pollicis  
 dimidii patens cum marginibus tenuibus, æqualibus,  
 duris, colore lucido, e viridi flavo. In oppo-  
 sito ventriculi pariete apparuit excavatio ovalis, in-  
 dibuliformis; circumferentia ulceris superiora ver-  
 sùs incrassata, haud decolorata, fundus speciem  
 habuit mucosani, haud exulceratam, lucide-rubram.  
 In arcu ventriculi minoris pars, quæ inter ulcera  
 perjacebat, sat incrassata et indurata apparebat.  
 Fundus ventriculi punctis rubris opertus cum venis  
 turgidis; versus pylorum papillulæ, innumme-  
 rables scilicet folliculi tumescentes prominebant.  
 Odeni interna superficies admodum rubra purpu-  
 ra, punctata; œsophagus sanus, sicut cetera inte-  
 stina.

## *Observatio VII.*

Serva P. G., 21 annos nata, habitu florido, robusto, ab infantia inde semper sana, anno ætatis decimo quinto primum menstruata. Menstrua semper fluxere larga, primis diebus singuli cujusque mensis redeuntia, doloribus imi ventris stipata. Per proximos tres vel quatuor annos dolores illi, cessantibus menstruis, continuavere, tunc vero præsertim regionem cardiæ et lienalem occupantes, borborymis et anorexia stipati, vehementiores fuere et per dies quatuor vel quinque durantes, frustulis tæniæ majoribus vel minoribus excretis, tandem siluere. Inter periodos menstruales, doloribus levibus cardiæ, globulo hysterico et cephalalgia, asa fœtida semper mitigatis exceptis, sese sat bene habuit; appetitus et digestio normalis, excretio alvina tamen semper segnis. Menstruis initio mensis Maji hujus anni cessantibus, dolores illi abdominis vehementes accessere, post excretionem, ut retulit, globulæ sat magnæ tæniæ paululum mitigati; permanebant tamen dolores leviores, ut credidimus, hysterici. Curam contra tænias, quæ in nosocomio Fredericiano sæpius fauste instituta est, adhibere desiderans, primo die modum juscum carnis cum pane ingessit. Sub vesperam postquam per totum diem se optime habuisset, correpta est dolore vehementi abdominis, quare liquorem c. c. succinatum haud sine levamine fugaci adhibuit. Dolores vero semper increvere, ut lectum

etere coacta sit, dolores accusans crudelissimos  
 timque inexplebilem. Hora matutina quarta lectum  
 liquit, ut aquam, cujus plures mensuras jam inges-  
 erat, tum in culina peteret et hora septima, quum  
 cubiculum intravere propinqui, in lecto inventa est  
 mortua. Chirurgus mox vocatus venæsectionem fru-  
 tra tentavit. Sub meridiem dominam ægrotam visi,  
 il de morbo gravi vel morte ancillæ suspicans; ca-  
 ver inveni pallidum, extremitates et maxillam infe-  
 riorem rigidam, dorsum et superficiem inferiorem ex-  
 tremi- tum lividam, abdomen summe expansum, haud  
 recoloratum. Status ægrotæ prior et historia morbi  
 per ultimas vitæ horas, et expansio illa abdominis  
 mihi in memoriam vocavit casus, quos vidi similes,  
 neque dubitavi, viscus quoddam abdominis esse rup-  
 tum.

### Sectio hora XXVI post mortem instituta.

Dissectis integumentis universalibus venas in-  
 venimus præsertim ad imam abdominis partem san-  
 guine tenui atro plenas, uti etiam sanguinem magis  
 vel minus large in cellulosa inter musculos abdomi-  
 nales extravasatum. Aperta cavitate peritonæi effluxit  
 magna fluidi aquosi flavi copia. Omentum, cujus vasa  
 sanguine plena fuere, membrana plastica præsertim  
 a omnibus sulcis vestitum, intestina obtexit, quæ  
 valde injecta membrana simili inter se et cum peri-  
 tonæo, quod injectionem notabilem etiam præbebat,  
 et membrana plastica tenui hic flavo-grisea illic rubro-  
 vida vestiebatur, connexa fuere. — Hepar, cujus su-



perficies inferior membrana simili obsessa ventriculū fere omnino obtexit; formam habuit haud ordinariam: diameter antero-posterior longa, transversalis vero brevis, perpendicularis minima; colore fuit griseo-viridi; vasa sanguine plena; vesica fellea bilis flavæ  $\frac{3}{4}$   $\beta$  continebat. Lobo sinistro levato in pariete anteriore ventriculi apparuit foramen rotundum diametrum pollicis dimidii aperiens cum marginibus planis lævibus, quasi excisum, pollicem circiter infra cardiam et pollicem dimidium sinistrorsum situm. Circumferentia foraminis membrana viridi, tenaci cum hepate connexa fuit. Lien normalis ejusdemque vasa brevia sanguine plena; pancreas sat magnum, durum sanguine plenum. Uterus magnitudine normali, cavum ejusdem, nuci avellaneæ simile, coagulum sanguinis continuit. Vagina pallida, muco tenui, flavescenti tecta. — Ovaria hydatibus obsessa. — Cor normale; pulmo dexter superficiem anteriorem habuit gryseam, posteriorem sanguine plenam; pulmo sinister ubique lucide ruber; nterque pressione crepitavit. Nervus vagus sinister ad mediam œsophagi partem exsudato sanguineo sat notabili circumdatus, hic etiam rubuit, ceterum vero consistentia et forma normali. Nervus vagus dexter nil præbuit abnorme. Ganglion cœliacum sat magnum ramos nervosos habuit solito longe crassiores; nullum vero ramum usque ad foramen persequi valuimus; illi autem, qui huic maxime fuere propinqui, solito molliores videbantur. — Ventriculū invenimus vacuum; tunica

nucosa, crassitie normali, grysea, valde rugosa ad  
 undum gyras formavit, cerebri gyris hand dissimi-  
 es. In superficie anteriore foramen adfuit, illo ex-  
 tero paullo majus, cum marginibus lævibus, paul-  
 um duris, incrassatis, pallidis. A foramine polli-  
 cem circiter dextrorsum distans adfuit macula rubra.  
 In superficie ventriculi posteriore foramine opposita  
 excavatio apparuit, tunicæ mucosæ defectu producta,  
 forma irregulari cum marginibus lævibus, pallidis.  
 Valvula pylori sana. Intestinum duodenum valde ru-  
 gosum, muco tenaci largissimo tectum. In intestinis  
 tenuibus muco spisso largo tectis tænia inventa est, cujus  
 caput observavimus muco occultum, ubi incipit jejunum;  
 ceterum illius corpus per totum intestinorum tractum us-  
 que ad intestinum ilium persecuti sumus; paulum  
 infra locum, ubi cauda jacebat, frustulas ejusdem  
 pollice circiter longitudine plures invenimus. In-  
 sersionem intestini ad mesenterium ubique secuta est,  
 visceri firmiter agglutinata, nullusque adfuit mucus  
 in illis intestini locis, ubi adhæsit, ut illud omnino  
 siccum videretur. Singulis flexionibus simplicibus  
 exceptis omnino extensa jacebat; caput intestino  
 baud firmitus adhæsit, quam cetera ejus pars. Tænia  
 solium fuit. In aqua frigida immersa, IV horis præ-  
 terlapsis, motus præsertim capitis et caudæ obser-  
 vati sunt.

## *Observatio VIII.*

K. W., 24 annos nata, nosocomio 24 Aug. 1839 recepta, retulit, se per multos annos ægrotasse, hysteria, ut credidit, laborans. Dolores enim sæpe passa est regionis epigastricæ, ructus, nauseam cum vomitionibus, sensum abdominis expandentem, quæ remediis antihystericis, vel sæpius ultro evanescebant. Antea fere semper regulariter menstruata ante octo dies menstrua expectavit, quæ tamen, ut credidit, refrigerii causa haud accessere; hoc tempore contra febrilibus correpta est cum angina, tumore tonsillarum, temulentia et cephalalgia, insomnia, visionibus intercurrentibus, anorexia, nausea, sapore depravato, siti intensa, obstipatione alvi; hisce symptomatibus, per proximos dies fere immutatis, sine causa cognita heri subito accessit dolor vehementissimus abdominis jam maxime expansi, minima pressione dolentis, motu quovis et decubitu laterali, auctus. Sitim questa est inexplebilem, ardoremque faucium molestissimum; extremitates frigidæ, respiratio anhelosa, brevis, facies collapsa, lingua sicca cum marginibus læte rubris. Pulsus CXXX tenuis. Alvus heri post oleum ricini, cum summo doloris augmento, pluries mota cum excretis liquidis foetidis. V.S. et hirud. 25 Aug. Sanguis crustam præbuit tenuem variegatam. Sangvifluxus e hirudinibus sine levamine. Alvus pluries aperta cum excretis liquidis flavis mucosis. Pulsus CXL, irregularis. Abdomen



pressionem melius tulit. Vesicatorium amplum, clysmas  
m opio. — Noctu obiit.

Sectio hora XXIV post mortem instituta.

Remotis abdominis integumentis modica puris  
vi spissi quantitas mensuræ scilicet dimidiæ efflu-  
it. Intestina inflammata simili et magis plastica  
materia agglutinata inter se fuere. Aperto ventri-  
culo in pariete posteriore ad mediam ejus partem-  
midium pollicem infra arcum minorem vidimus ul-  
cus rotundum diametrum trium pollicis partium pa-  
ris cum marginibus modo sursum versus incrassa-  
tis, in quibus variæ ventriculi tunicæ discerni po-  
tere. Fundus ulceris peritonæo formatus est, quod  
pro, ventriculo e cadavere remoto, ruptum est. Pan-  
creas fundo ulceris adhærens vestigia præbuit in-  
flammationis, sicut etiam peritonæum in circumferen-  
tia exsudatione levi plastica tectum fuit. Cetera tuni-  
cæ ventriculi mucosæ pars sana, uti etiam œsophagi,  
recepta suprema hujus parte, ubi membranæ diph-  
theriticæ tenuissimæ observatæ sunt, cultro autem  
facile derasæ. Nervi vagi omnino sani. Uteri cavi-  
tas, ovum columbinum adæquans, cavitasque colli  
uteri sat magna, muco sanguineo plena. Cetera sana.

## *Observatio IX.*

K. H., 19 annos nata, Octob. 6, 1839, noso-  
matio recepta, rationem de statu antecedente inan-  
tia morose reddens, narravit, se infantem vitam mi-

seram degisse iniquitatibusque temporum expositam. sæpius ægrotasse. Per quinque proximos annos intervallis irregularibus laboravit doloribus abdominis cum vomituritionibus et vomitu ingestorum. Menstrua ante annum prima apparentia nullam produxere valetudinis mutationem; semper irregularia, tres menses desiderantur. Tribus abhinc diebus sine causa nota subito accessere febrilia cum dolore vehemente constringente abdominis, præsertim regionis epigastricæ, tactu et motu vehementer dolentis, post intervalla exacerbato; nausea continua sine vomitu, sapor injucundus, cephalalgia, delirium mite, insomnia, sitis intensa, inquietudo summa, per biduum diarrhoea cum excretis largissimis flavis, mucosis, augmento dolorum stipata. Abdomen paullum extensum, durum. Lingua ad apicem sicca, fusca, cetera ejus pars humida alba, pulsus CXXX, subtensus. — (Venæsectio, hirudines, oleum ricini). — 7mo Octobr. Levamen percepit aliquod ex hirudinibus. Alvus noctu persæpe mota cum excretis liquidis flavis; respiratio brevis, dyspnoea, nausea modo intercurrent. Regio epigastrica, ubi dolor continuo hæsit, percussione sonum reddidit clarum. Pulsus CXL parvus, cutis calida, madida. (Mixtura camphorata mucilaginosa. Cataplasma). 8vo Octobr. Diarrhoea noctu siluit. Vires collapsæ, extremitates frigidæ, pulsus exilis, anxietas et inquietudo summa, delirium. Sub meridiem mortua est.

Sectio: hora XXII<sup>da</sup> post mortem instituta.

Organa pectoris normalia; in ventriculo cordis extro coagula fibrosa magna. Abdomine aperto effudit fluidum e viridi flavum, puriforme, (mensuræ creiter tres). Peritonæum ubique membrana plastica densa præsertim in omnibus interstitiis viscerum ætatum. Lobo hepatis sinistro a ventriculo, quem atexit, elevato, fluidum prosiluit fascum, aquosum, ejus vestigia antea in cavitate peritonæi inventa vere nulla. Ventriculo, quod e situ normali non motum erat, cultro aperto, foramen apparuit parietis anterioris ventriculi, pollicem a cardia et infra arcam minorem ventriculi distans, rotundum diametrum continens diuidii pollicis marginibus lævigatis, duris, albis. Fundus ulceris lobo sinistro hepatis formatus est et speciem præbuit exulcerationis; substantia hepatis scilicet exulceratione paulum excavata. Nexus ventriculi et hepatis lymphæ plastica, ejus copia major in circumferentia exsudata est, massa sat firma formatus est. — Tunicam mucosam ventriculi invenimus consistentiæ normalis, rugosam, fundo et ad cardiam punctis rubris tinctam. In pariete ventriculi posteriore, foramini jam descripto oppositum, observavimus ulcus infundibuliforme, tunicam mucosam et cellulosam, quæ subjacebat modo metrans, marginibus paulum modo crassioribus; muscula duo superficililia paulo infra et dextrorsum simul apparuerunt.

## *Observatio X.*

J. J., 25 annos nata, 28 Novbr. 1839 nobis e nosoconio puerperarum apportata, ubi ante quatuordecim dies omnia fuere normalia quoad lac et loquacitatem; heri vero tempore pomeridiano accessere febribus intensis cum dolore cordis fixo pungente, ex intervallo recurrente, cum expansione abdominis tympanitica et siti intensa. Nox insequens insomnia, et die insequente ad cetera symptomata continuantia accessit etiam vomitus omnium ingestorum spontaneus biliosus; facies collapsa, abdomen valde extensum pressione minima dolebat. Alvus post oleum ricini aperta. Lingua sicca, fusca, fissa; pulsus 130, parvus, intermittens. Methodus antiphlogistica strenue adhibita nullum produxit levamen; per noctem sequentem delirium furibundum, post intervalla modo recurrens, post longam agonem die morbi sexto expiravit.

Sectio: XXIII horas post mortem instituta.

Exsudatum seroso-purulentum in cavitate peritonæi; cellulosa circa collum uteri pure plena. Tunica mucosa vaginæ livida vel coloris plumbei cum exulcerationibus tribus irregularibus sat superficialibus. Tunica interna uteri normalis. — Ventriculo sat circumspecte a capsula mesocoli soluto, in hoc extravasatum inventum est fluidum e viridi nigricans e foramine ventriculi, capsula inclusi, oblongo, magnitudine nucis juglandis, emanans. Ventriculo re-

noto et forfice aperto, duo apparuere ulcera perforantia, alterum in pariete anteriore partis lienalis (sacci coeci) ventriculi, alterum illi anteriori oppositum in pariete posteriore, dimidiæ circiter circumferentiæ. Margines utriusque ulceris duri, albi; intrassatio cellulosa circumdantis modo sursum versus adfuit. Tunica mucosa mollita, tenuis, præsertim in sacco coeco, ubi vix observari potuit et quasi derasa videbatur; ceteræque tunicae ibi fuere ita attenuatæ, ut tunica peritonæi, mucosæ tenui tecta, sola restare videretur, speciem præbens membranæ cujusdam aqua maceratae. Ulcera ante mortem vix rupta fuisse credidimus, quia nulla inflammationis vestigia neque in capsula mesocoli, neque in superficie externa ventriculi, neque in partibus circumjacentibus invenimus. In extremitate lienali ventriculi, lieni propter cellulosa densam adnexa, tunica mucosa prominentiam præbuit rubram, densam, rugosam, quam jure certe cicatricem habuimus.

## *Observatio XI.*

M. B., 60 annos nata, in nosocomium 20 Decbr. 1839 recepta. Licet summe emaciata, negavit se antea morbo ullo notabili laborasse, narravitque, se per IV solummodo dies ægrotare. Tunc enim subito incognita causa correpta est dolore vehementi abdominis constringente cum febrilibus intensis, vomitionibus et postea vomitu spontaneo bilioso. Ab-



domen, jam sat extensum, pressione minima dolebat. Alvus per totum morbi decursum segnis, per tres dies clausa. Facies pallida, collapsa; lingua sicca, pulsus celer, debilis. Methodo antiphlogistica per plures dies adhibita, extensio et dolor ille abdominis minutus, restabat vero dolor præsertim hypochondrii sinistri molestus, post intervalla exacerbatus, cum segnitie alvi, anorexia, decremento virium. 5to Jan. 1840 mortua est.

**Sectio XXVI**ma hora post mortem instituta.

Cavitas peritonæi nulla exsudati vestigia monstravit. Ventriculus parvus, ab arcu majore ad minorem versus, incrassatis hoc in loco tunicis, contractus; in loco coarctato prope arcum minorem, remoto lobo hepatis sinistri apparuit apertura ulceris perforantis, lobo illo hepatis ventriculo membrana plastica densa annexi, clausa. Dissecto ventriculo, qui pancreati firmiter annexus, erat apparuit in superficie posteriore ventriculi, paullo infra arcum minorem, ulcus rotundum diametrum pollicis patens cum marginibus albis, duris, elevatis. Fundus ulceris etiam durus, inæqualis, pancreati annexus. In pariete anteriore ventriculi ulcus illud, quod antea commemoravimus, inventum est oblongum cum marginibus cardiaci versus extenuatis, pylorum versus, ubi in indurationem illam ventriculum coarctantem transivit, callosis; cetera tunica mucosa normalis.



## *Observatio XII.*

L. R., 24 annos nata, in nosocomio Jan. 2do 1840  
 cepta. Semper rite menstruata, ante duos annos  
 edimidium hæmatemesi, cujus causam ignoravit,  
 cepta, ceterum vero nullis molestiis gravioribus  
 noxia, per XIV dies, ut credidit, post animi pathema  
 cundum valetudinaria laboravit anorexia, cardial-  
 , oppressione cardiæ ex ingestis, levibus dolo-  
 us colicis et segnitie alvi pertinaci. Per proxi-  
 m triduum dolores adfuere continui, cardiæ fixi et  
 monis hypochondriacæ sinistræ, tempore pomeridi-  
 et vespertino exacerbati. Vespere hesterno,  
 atquam alvus medicamine laxativo largiter et haud  
 e levamine mota fuisset, correpta est insultu con-  
 ssivo, cui nunquam antea fuerat obnoxia, et postea  
 ores maximopere increvere somnum turbantes,  
 ore et horripilationibus violentis, æstu breve modo  
 ppus durante stipati, siti intensa et sapore pravo. Fa-  
 antea florida, jam pallida; pulsus 90, debilis; regio  
 lliæ et hypochondrii sinistri pressione levissima  
 ime dolebat; dextrorsum modo decubitus conces-  
 ; lingua pura. Methodo antiphlogistica per qua-  
 dies insequentes continuo adhibita, dolores paul-  
 decrevere, abdomen tympanitice expansum mol-  
 evasit, flatus abiere, alvus clysmate cum ex-  
 is foetidis, liquidis mota; ob ischuriam urina  
 catheteris pluries est missa. Pulsus semper ce-  
 or, dolores magis post intervalla intercurrere jam

etiam humeros et pectus infestantes cum summa dyspnoea, anxietate, insomnia. Decimo morbi die sudor largus accessit cum optimo doloris levamine; alvus ultro mota est; excreta naturalia; abdomen pressionem bene tulit; pulsus tardior, 100; diebus insequentibus febrilia iterum increvere; genæ continuo rubentes, somnus visionibus terribilibus turbatus; vomitus et singultus accessere; nullibi vero dolor. Singultu lente quidem vomitu, continuavit singultus dolor cardiacæ stipatus, insomnia et dyspnoea, febrilia continua, decrementum virium. Die 13mo Januarii, morbo decimo quarto, insultu spasmodico quasi tetanico obiit.

*Sectionis hora XIV post mortem instituta.*

Cavitate abdominis aperta, abscessus magnus apparuit inter diaphragma et superficiem superiorem convexam hepatis, partem cardiacam ventriculi, lienem, colon transversum et descendens, et superiorem partem parietis anterioris abdominis. Abscessus pus foetidissimum continens, pseudomembrana grisea, lineam circiter densa, ubique investitus, omnino clausus, ut nullum extravasatum in cavitate peritonæi accedere posset, ligamento suspensorio hepatis in duas partes divisus fuit. Magna pars substantiæ hepatis ad superficiem ejus convexam excoriatione fuit destructa, ut superficies illa plana, vix etiam excavata appareret; lobus sinister hepatis sub magnis superioribus ventriculi partem obtexit. Substantia hepatis pallida, mollis. Lien partem parietis posterioris et externi abscessus formans. membrana

grisea obtectus, ceterum mollis, semiliquidus. Venter, cuius pars cardiaca simul cum superio-  
re superiore hepatis parietem posteriorem absces-  
sus formavit, sat contractus; paries anterior præser-  
vavit arcum minorem versus sat incrassata, sinistro he-  
patis lobo oblecta, quo remoto foramen apparuit ro-  
tundum diametrum quatuor linearum continens, cuius  
circumferentia externa superficiei concavæ hepatis  
membrana plastica sat firma annexa fuit. Interna  
ventriculi superficies valde rugosa, tunica mucosa  
lineas duas incrassata; unum pollicem infra  
arcum minorem, pollicem etiam a cardia sinistorsum di-  
stant, ubi maxime incrassatæ fuere tunica mucosa  
et tela cellulosæ subjacens, adfuit ulcus rotun-  
dum diametrum VIII-X linearum patens cum mar-  
gibus duris acutis, infundibuliforme, peritonæum  
transforans; membrana mucosa ulcus circumdans multis  
punctis rubris. Intestina crassa aëre extensa;  
caeca sinistra coli et superior coli descendens pars,  
quod membrana illa grisea tecta, etiam tunicas  
habuerunt paullum incrassatas. Cetera normalia.

### *Observatio XIII.*

V. L., 25 annos nata, die 25 Decbr. 1839 in no-  
bilio recepta. Menstrua, semper irregularia, per  
proximos menses desiderabantur. Antea bona va-  
litudine gavisa mensibus duobus abhinc variis mole-  
stis menstruationi deficienti attribuendis laborare  
cepit. Post intervalla enim varia lumbagine af-

fecta est, extensione abdominis, borborygnis et diarrhoea et globulo hysterico. Appetitus illæsus nulla sitis, vires vix debilitatæ. Remedia adhibita antispasmodica (asa foetida). In nosocomio recepta lumbaginem præsertim quæstæ est rachialgiam intercurrentem. Alvus segnis; pulsus normalis; variis emmenagogis et internis et externis (semicupiis, pediluviiis, Secale cornuto, herbis Sabinæ, Elix. aperitivo Clauderi) per mensem citius cum levamine quidem symptomatum adhibitis menstruatione haud recurrente, nosocomium reliquit. Die post egressum sine cognita causa subito correpta est febrilibus, siccitate oris et siti maxime molesta, dolore epigastrii ceterique abdominis tumescens, dedolatione artuum, lumbagine; nullis remediis adhibitis, febrilia continuavere cum somno visionibus turbato, diarrhoea frequente sine torminibus violentis; in nosocomio iterum receptam ægrôtam invenimus valde debilem, de dolore querentem abdomen expansi, regionis epigastricæ et hypochondriacæ sinistræ pressione admodum aucto. Lingua siccior rubra, margines fusi, pulsus 110. Abdomen per percussionem sonum edidit tympaniticum. Venæsectione ceteraque methodus antiphlogistica nullum attulit levamen, et tertio post introitum die exspiravit.

Sectio hora XIII post mortem instituta.

*In cavitate pectoris:* Pulmones ad radicem usque ad partem posteriorem sanguine pleni; pleura sinistra vestigia pleuritidis et vetustæ et recentioris morbi.

avit. *In abdomine*: Exsudatum largum, spissum, cum omnia organa, præsertim in pelvi minori, tenebat. Ipsum peritonæum valde injectum, præsertim ubi organa genitalia investivit. Ovaria quæ erant magnitudine columbini, valde injecta. Tubæ et fimbriæ hypertrophicæ. Uterus normalis. Dissecto ventriculo tenuato, emollito, in superficie posteriore prope arcum maiorem ulcus apparuit perforans, omnes tunicas penetrans, superficiem anteriorem pancreatis pro fundo cœcæ; ventriculus in tota circumferentia ulceris cum pancreate firmiter concretus. Diameter ulceris unguis pollicem circiter continebat; margines applati, tenues, nulla indurationis nec suppurationis vestigia præbuerunt. Tunica mucosa pallida, friabilis, inde tunica muscularis. Cetera intestina valde laxa et injecta.

### *Observatio XIV.*

M. P., 25 annos nata, rite menstruata, constitutionis robustæ, in nosocomio Januarii 15to d. 1840 recepta, ait, se antea semper optima gavisam esse valetudinem, levi dyspnoea et palpitatione cordis inter motus violentiores excepta. Die ante introitum in nosocomium, cephalalgia levi subito correpta est, dolore urgente pectoris sinistri, inframammaria incipiente, superiora versus et ad cardiam et abdomen tendens propagato. Respiratione, tussi, motu minoribus, decubitu laterali dolor auctus accessit, dys-



pnoea, propensitas ad lipothymiam, tussis cum ex-  
 pectorato parco mucoso, vomitus ingestorum, sitis in-  
 somnia, cephalalgia violentaque febrilia. Respi-  
 ratio brevis et anxiosa fuit; abdomen haud tumidum in  
 regione epigastrica minima pressione doluit. Pulsus  
 100. Stethoscopia in pulmonibus nil detegebat ab-  
 norme; ictus vero cordis fortes et extensi. Pericar-  
 ditidem suspicantes venæsectiones frequentes et lar-  
 gas instituimus, celomelanos largas doses porrigen-  
 tes, vesicatoria et cetera, sine levamine vero symp-  
 tomatum. Accessit deinde dysuria et diarrhoea tor-  
 minosa cum sensu ardoris molestissimi intestini recti.  
 Dolores pectoris die sexto post introitum in nosoco-  
 mium depulsi; sed debilitatem quæstæ est ægrotæ  
 summam et temulentiam, diarrhoeaque continuavit.  
 Dolores vero rediere postea, mox pectus mox regio-  
 nem epigastricam occupantes; diarrhoea continuante  
 foetidissima, affectio mercurialis oris accessit, propen-  
 sitas ad lipothymiam iterum intercurrit cum violentis  
 cordis palpitationibus. Mense Februario vomitus  
 accessit mucosus largus, foetidus; appetitus tamen  
 redire videbatur. Alvus segnis, pulsus semper fre-  
 quens, 120. Diarrhoea postea rediit, opiatibus mode-  
 paululum mitigata, demum vero involuntaria cum  
 summa virium defectione. Febr. 15to mortua.

Sectio hora XVI post mortem instituta.

*In cavitate pectoris:* pulmo dexter normalis  
 sinister vero sursum versus remotus a cavitate præ-  
 ternaturali infra illum sita; lobi inferioris pulmonis



structura mutata, ut admodum compactus vel quasi  
 rificatus videretur, nulla scilicet bronchiorum hian-  
 um nec cellularum vestigia præbens. Cavitas illa  
 enormis ad sextam costam extenta parietes habuit hos:  
 superior formatus est a superficie diaphragmatica lobi  
 inferioris pulmonis; externam formavit spatium a sexta  
 ad octavam costam; internam, pericardium; inferiorem in-  
 iecta diaphragmatis pars. Qui musculus enim me-  
 us fuit perforatus, restante modo parte posteriore,  
 arginem concavum anteriora versus spectantem præ-  
 ente. Ceterum fundi cavitatis illius partem forma-  
 re pars superior lienis, pars cardiaca ventriculi et  
 superficies convexa hepatis, concretionibus et invi-  
 m et cum diaphragmate cohærentes. In fundo ca-  
 tatis illius apparuit foramen diametrum pollicis di-  
 idii patens, in cavitatem ventriculi ferens. Flui-  
 griseo-fusci, foetidissimi ad mensura et dimidia  
 scessu continebatur. Ventriculo aperto, in su-  
 perficie interna parietis anterioris, pollicem cir-  
 cter infra cardiam, apparuit ulcus perforans, diame-  
 um habens octo linearum, cum marginibus attenua-  
 s, lævibus; circumferentia ulceris vero indurata erat  
 incrassata, paulum modo injecta. Alterum ab al-  
 ro foramine paulum dextrorsum distans, pollicem  
 dimidium infra arcum minorem, invenimus ulcus  
 rforans diametrum quatuor linearum patens, rotun-  
 um, cum marginibus tenuibus, ambitu vero indu-  
 to, a lobo sinistro hepatis arcte concreto clausum.  
 unica mucosa ventriculi solito paullo crassior, firma,

rugosa. Hepar ceterum normale. Superior lienis pars, quæ cavitatis fundum formavit, complanata, exulcerata, membrana tamen, ut tota superficies interna abscessus, sat densa, grisea oblecta. Intestina inflammationis vel injectionis tantum vestigia passim præbuere. Cetera normalia.

### *Observatio XV.*

T. B., 32 annos nata, robusta, habitus sani, semper regulariter menstruata, anno vicesimo matrimonium inivit, in quo duos peperit infantes; a marito haud bene tractata, quum rixa zelotypiæ causa sæpius moveretur, in statum quendam melancholiæ delapsa, qua de causa a marito nosocomio tradita est. Narravit enim ille, uxorem per proximum mensem ægrotasse cardialgia et propensitate in lipothymiam; intercurrentibus deliriis mortem voluntariam sæpius minitatum esse, nunquam tamen conatam esse, licet filiam aquam fortem comparare jusisset. In nosocomio, 2 Decembr. 1839 recepta mentis omnino compos videbatur, negabat, se unquam delirasse, minitationes illas veneficii moerori ob malam mariti tractationem deberi referens; cephalalgiam modo quæstæ est. In nosocomio ob continuas cephalalgicæ querelas varia adhibita sunt remedia, partim evacuantia, partim derivantia, sine fructu; taciturna semper jacebat. Quatuordecim circiter diebus post introitum febrilia accessere cum siti intensa, dedola-

one omnium artuum, insonnia completa, cephalalgia gravi, anxietate et oppressione pectoris; postea ardorem accusavit faucium, pyrosin et vomituritiones, cognitiem alvi; sudor intercorrebat sine levamine febrilium. Quo statu per octo dies durante, nocta 23 Decembris post vomitum et catharsin largam spontaneam, subito accessit dolor vehemens abdominis haud expansi nec tensi, pressione levissima dolentis; pulsus exilis 160; lingua alba, sicca; respiratio brevis, frequens. Suspicionem de ulcere ventriculi perforantis orta, examinationem accuratiorem vitæ antea instituiamus; negavit vero ægrota, se unquam nisi levissimis symptomatibus dyspepticiis cum cardialgia levi ante triennium per semestre circiter laborasse, postea vero usque ad hoc tempus omnino bene valuisse. Symptomatibus peritonitidis incrementibus, 24 Decemb. mortua est.

Sectio: hora XIX<sup>na</sup> post mortem instituta.

Abdomine haud valde expanso aperto, prosiluit fluidum aquosum viride, particulis purulentis mixtum. Ventriculus et intestina aëre expansa. Tunica peritonæalis intestinorum valde injecta facile detrahi potuit. Exsudatum plasticum leve circumvolutiones intestinorum invicem connexit, hepar ceteraque abdominis organa investiens. Ventriculo remoto et aperto, tunicam internam invenimus coloris lucide-rubri, consistentiæ vero sine dubio normalis. Ad arcam minorem vero apparuit impressio vel excavatio profunda, patens dimidii pollicis et quadrantis diame-

trum, tunica mucosa tenuissima investita, rugosa; radii scilicet subtilissimi a peripheria centrum versus vergebant, et in centro apparuit foramen pennæ anserinæ magnitudine, dissectione tamen, ut credidimus productum; nulla enim adfuit in circumferentia inflammatio, nec extravasati vestigium; tela cellulosa pone ventriculum jacens circa foramen paullum incrassata, pone foramen vero mollior, quasi macerata. Cetera normalia.

## *Observatio XVI.*

J. J., 25 annos nata, in nosocomio puerperarum, ubi epidemia febris puerperalis malignæ per longius tempus grassata est, primum 24 Novbr. 1839 partu normali puerum peperit. Per tres proximos dies bene se habuit, lacte et locchiis bene secretis. 27 Novbr. febrilibus correpta est mox violentis cum dolore et expansione abdominis. Die insequente accessit vomitus spontaneus, largus, æruginosus, post receptionem in nosocomium nostrum continuans, venæsectione autem repetita, glacie intrinsecus et extrinsecus adhibita, sedatus. Cetera vero symptomata peritonitidis puerperalis increvere; facies scilicet collapsa, extremitates frigidaë, expansio et dedolatio abdominis summa; lingua sicca, fusca. Pulsus exilis 130. Calendis Decembr. mortua est.

Sectio hora XXIII post mortem instituta.

In cavitate abdominis larga copia exsudati seroso-purulenti; pus invenimus infiltratum in cellulosa circa collum uteri usque ad marginem superiorem ligamenti latī, atque abscessus parvulos in ossa segmenti inferioris et colli uteri substantia; superficies interna uteri nil præbuit abnorme. Tunica mucosa vaginæ livida vel potius coloris plumbei cum exulcerationibus tribus superficialibus, irregularibus. Ventriculo aëre expanso ab omento soluto, fluidum invenimus nigro-fuscum, grummosum, in capsula mesocoli extravasatum e foramine ventriculi oblongo effluxum. Ventriculo deinde sat circumspice remoto et forfice aperto, duo invenimus foramina ovata in pariete anteriore ventriculi, unum et limidium vel duos pollices infra cardiam, paullo extrorsum, cum interstitio duorum pollicum. Tota pars lienalis sacci coeci ventriculi emollita, quasi qua macerata. Maculam enim præbuit fere rotundam, diametrum pollicum quinque vel sex continentem, griseam, in qua venæ apparuere nigro-lividæ, sanguine fusco coagulato plenæ, translucentes; margines sat dilucide circumscripti fuere: tunica mucosa enim ceteri ventriculi sine dubio normalis, hi autem tenuissima, pellucida digitis facillime deinde potuit. Intra maculam hanc in pariete posteriore ventriculi prope arcum ejus majorem apparuere foramina illa duo, quæ magnitudine erant nucis juglandis, oblonga; margines eorum perspicue incras-



sati, etiam tamen quasi emolliti, præbebant vestigia membranæ tenuissimæ dilaceratæ, sinbriatæ.

Rupturam post mortem inter dissectionem cadaveris accessisse, credidimus, quia nulla inflammationis vestigia neque in superficie externa ventriculi, neque in capsula mesocoli extravasatum illud continente invenimus. Fluidum simile in ventriculo adfuit.

## *Observatio XVII.*

C. L., 40 annos nata, marcida pallida, per plures annos haud menstruata, jam ter antea in nosocomio ob varia, ut credidere, hysterica mala tractata, ante annos octo proximos ob vomitum per longum tempus durantem recepta, nosocomium sanata reliquit et postea levibus modo symptomatibus, ut credidit, hystericis et dyspepticis, cardialgia scilicet, pyrosi et oppressione cardiæ, raro intercurrentibus exceptis, semper bona gavisa est valetudine. Jam vero, 28 Novbr. 1837, ad nosocomium iterum refugiens retulit, se ante tres circiter hebdomades, nulla causa cognita, correptam esse anorexia, nausea, pyrosi, oppressione cardiæ, segnitie alvi, etiam medicaminibus difficillime motæ; mox postea accessisse dolorem hypochondrii sinistri, raro et post ingesta calidiora modo remittentem, inspiratione, pressione externa, ructibus intercurrentibus auctum, ad regio-



in lumbalem interdum vagantem. Alvus per quinque dies clausa, lingua alba, pulsus durus. Exploratione abdominis tumor detegebatur infra costasurias sinistras sat profunde situs, pulsans, nullum sonum abnormem exploratione stethoscopica addens. Vena pluries secta, hirudinibus XXIV applicatis, dolor aliquantum minutus; alvo oleo ricini clysmatibus aperientibus mota, excrementa abiere egrescentia. Dolor postea recurrit, nec sanguinis missionibus, nec laxantibus, nec emollientibus exteris; valde minutus; remittens tamen, segnitie alvi continuante, cum torminibus et ardore epigastrii junctus est intervalla irregularia rediit. Excreta alvina semper nigra et sanguinea, vomituritiones, dolores colici alius abdominis, sudor nocturnus cum decremento virium et virium aucto. Ex omnibus ingestis exacerbatio dolorum, derivantiis et narcoticis remissa vix mitigata. Januarii 3tio 1838 mortua est.

Sectio hora vicesima post mortem instituta.

Ventriculi superficies anterior cum cartilagine costarum spuriarum sinistrarum et processu costali ossis sterni ita concreta, ut sinus duos formaret; ventriculus ab arcu majore sursum versus attractus; neque nisi cultro illæ ventriculi et costarum connectiones separari potuere, quo ventriculi tunica molles sat facile ruptæ sunt. Ventriculo excisso et aperto, ulcus in tota media parte, cingulum formans, paruit circulare, præbens marginem elevatum, album, subacutum, fundumque album, planum, consi-

stentiæ sat mollis, haud tamen digitis friabilem, cetera tunica mucosa ventriculi et oesophagi sana. — Arteria aortæ normalis cum pancreate, ventriculo, tela cellulosa, firmiter connexa fuit. Curvatura vertebrarum dorsi inferiorum antrosum sat notabilis. Cetera organa abdominis et pectoris sana.

### *Observatio XVIII.*

M, J., 35 annos natus, faber ferrarius, habitu cachectico, pallido, in nosocomio receptus est Idibus Juliis 1838. Ante duodecim annos febris intermittente bis affectus, nullis vero restantibus malis, sanatus, ante sex annos rheumatismum artuum passus, ceterum ab infantia inde semper sanus fuit. Quinque circiter annis abhinc laborare coepit oppressione dolorifica epigastrii, interdum ad hypochondria et reliquum abdomen migrante, paroxysmatim tempore pomeridiano intercurrente. Incepit paroxysmus a doloribus tendentibus, mox epigastrii mox hypochondriorum et dorsi, cum expansione abdominis, siti, sapore acido, accedente tandem vomitu levante mucoso, acido, ante annum sanguine mixto, postea vero nunquam; pyrosis simul adfuit, sensus suctus cardiæ cum borborygmis, tenesmis et sudore haud levante: ad vesperam, præsertim situ quieto supino et accedente somno, paroxysmus siluit. Ab initio morbi inde paroxysmi illi, intervallis mox dierum mox mensium interjectis, irregulariter recurrere, nulla certa

causa revocati, ingestis frigidioribus semper tamen exacerbati. Licet symptomata omnia per proximum tempus semper graviora accederent, solitis negotiis egrotus hucusque tamen vacavit. Decubitum in dorso melius tulit ac in lateribus; digestio illa levis, lingua sordida, pulsus celer, abdomen modice inter paroxysmos pressione doluit. Remedia jam longum tempus multa frustra adhibita; vespere, postquam in nosocomium intraverat, paroxysmus solitus vehementer accessit cum hæmatemesi levi, quæ aqua frigida mox sedata, die insequente tamen recurrebat, remediis acidis, aluminosis, saturninis, glacie intrinsecus et extrinsecus adhibita tandem siluit; hæmatemesi iterum redeunte die Vto post introitum in nosocomium exspiravit.

Se ctio: hora XIV post mortem instituta.

In abdomine: Hepar magnum, sanguine tenui plenum; lien et pancreas normalia; ventriculo, qui ab aëre expandebatur, excisso et aperto, tunicam mucosam invenimus hic et illic, inprimis ad fundum et pylorum, rubram, purpuream, subemollitam. In pariete posteriori apparuit ulcus profundum, marginibus duris incrassatis, fundo rubescente cum superficie posteriori pancreatis cellulosa densa annexo. Tunica interna duodeni purpurea, emollita; intestina omnia fluido sanguinolento plena. Oesophagi tunica interna tota fere emollita et dissoluta, ita ut tunica muscularis rubra purpurea, quasi nuda, appareret. Cetera pectoris et abdominis organa sana.

**A**utores, qui morbum nostrum primi tractavere exitum præcipue respicientes, illum nominavere *perforationem spontaneam*; quo nomine, ut supra monstravi, multas varias ventriculi læsiones complexi sunt. *Cruveilhier* igitur nomen habet exactius: *ulcus chronicum ventriculi simplex*, quod vero quasi minus aptum vituperat *Rokitansky*; indolem enim haud exprimit ulceris, quæ præsertim in illo constat nisu semper profundius proserpendi et ventriculi perforationem tandem producendi, quare nomen illud *perforationis spontaneæ* retinere mavult. Minoris est sæpe momenti, quo nomine aliquid ornetur; sed in morbis denominandis nomina, quæ naturam vel saltem descriptionem quandam morbi exprimerent, invenire semper studuere autores; quare quam habeat autor morbi notionem, ex nomine, quod illi indidit, judicare licet. Invenimus tamen etiam apud scriptores recentiores morbos varios iisdem interdum vocabulis nominatos et inter se summo cum errore

mixtos. *Naumann* <sup>1)</sup> e. g. de gastromalacia vel emolli-  
ne ventriculi infantum tractans, tanquam syno-  
nima enumerat: *gastromalaciam, perforationem ven-*  
*triculi spontaneam, gastrobrosin, diabrosin ventri-*  
*culi, degenerationem ventriculi pulposam, deliquium*  
*ventriculi paralyticum, resolutionem ventriculi auto-*  
*ptoticam, gastropathiam, pseudophlogosin ventriculi*  
*quolibet; — neque nomina sola promiscue con-*  
*feruntur.* Quæ cum ita sint, *Rokitansky* de ulcere  
ventriculi simplici et perforationibus inde ortis trac-  
tus, minus recte retinet nomen, quod tot et tam  
diversis morbis eodem jure impertitur; sed ille per-  
sequendi nisus, quum ulceri nostro certe sit proprius  
et singularis, nomine, quo utimur, est indicandus;  
nominatio igitur morbo nostro maxime congrua mihi  
videtur: *ulcus ventriculi perforans.* Quum  
vero etiam ceteris ex partibus ulcus nostrum ab aliis  
differat, *descriptionem* ejusdem, qualis observari solet,  
mittendam esse censeo, antequam symptotomata,  
signa etc. afferam.

Autores ævi superioris, ut jam antea monui,  
non ulcera ventriculi perforantia observaverint, pau-  
tantum de iis disputavere. Præter illos au-  
tem, quos jam supra nominavi, apud *Lesser* <sup>2)</sup>

<sup>1)</sup> Handbuch der medic. Klinik. Berlin 1834. IV Band.  
Iste Abtheil.

<sup>2)</sup> Lesser: die Entzündung und Verschwärung der Schleim-  
haut des Verdauungskanales. Berlin 1831, p 218.



citatos invenimus *Carmichael Shmyth, Geoffroy, Whyt, Camerarius, Moore, Mole, Chardel, Crampton, Travers, George Johnson, Gideon Mantell, Browne*, qui omnes singulas tales observationes retulere, nullam vero de indole ulcerum disputationem exactiorem instituerunt. Apud *Baillie*<sup>1)</sup> primam invenimus descriptionem eorum accuratiorem: "interdum", inquit ille, "aliis ulceribus alias corporis partes occupantibus similia sunt, proprium tamen habitum sæpissime habent: sæpe induratione inflammatoria — Entzündungshärte — sunt circumdata; neque vero margines habent irregulares, dentatos; quos alia ulcera præbere solent, neque ulla morbosa structuræ ventriculi mutatio in circumferentia eorum observatur. Adspectum præbent partis ventriculi paullo ante cultro excisæ, marginibus iterum sic consolidatis, ut margo excavationem circumdans sit æqualis et lævis. Interdum partem tantum tunicarum ventriculi destruunt, interdum vero destructionem producunt universalem, quæ quum adest, foramen interdum habet marginem tenuem, lævem; interdum circumferentia foraminis est paululum incrassata, interdum vero omnino normalis". Hæc *Baillie*, cujus descriptionem accuratam quidem vocavi, neque tamen hoc nomine significare volui, permultas non

---

<sup>1)</sup> *Baillie*: Anatomie des krankhaften Baues von einigen der wichtigsten Theilen des menschlichen Körpers, überges. von *Sümmering*. Berlin 1794.



se differentias varias in variis observationibus apparentes; quæ quales sint, infra videbimus.

*Chaussier* <sup>2)</sup> a plurimis ceteris autoribus abhorret, opinens: "les ulcerations et perforations de l'estomac varient par la forme, la situation et l'étendue; elles sont ou petites ou circulaires ou assez grandes pour qu'on puisse y passer la main. — *Les bords sont saillants, frangés, quelquefois enduits d'une ligne noire plus ou moins marquée.*"

Descriptionem illi, quam habet *Baillie*, magis congruam asserunt autores recentiores; ita *Cruveilhier* <sup>2)</sup>: "anatomiquement considéré, l'ulcère simple chronique de l'estomac consiste dans une perte de substance spontanée, ordinairement circulaire, à bords coupés à pic, à fond grisâtre et dense et de dimensions variables."

*Rokitansky* <sup>3)</sup>: "Man findet ein in der Regel kreisrundes Loch von drei Linien Durchmesser und darüber mit scharfem Peritonäalrande, als wäre ein rundes Stück der Magenwand mittelst eines scharfen Meißels herausgeschlagen. Von innen angesehen zeigt es sich, dass der Substanzverlust auf den inneren Hautschichten des Magens, und insbesondere auf der Schleimhaut beträchtlicher ist, so dass die

<sup>1)</sup> Diction: des scienc. med. Tom. XL. p. 332.

<sup>2)</sup> Anatomie pathologique Livr. X.

<sup>3)</sup> Oest. med. Jahrbüch, B. 27, p. 186.

Ränder des Loches von der innern Magenfläche nach der äussern hin zugeschrägt erscheinen." Varias variis autores, uti jam vidimus, descriptiones ulceris faciunt; quibus in rebus congruant aut dissentiant, infra decernere conabor.

Priusquam autem ad accuratiorem ipsius ulceris designationem transgrediar, *ceterum ventriculi statum*, qualis, ubi adsunt ulcera, esse soleat, designandum esse censeo. *Baillie*, ut vidimus, observat nullam structuræ ventriculi mutationem prope ulcus inveniri — "keine besondere krankhafte Veränderung der Struktur des Magens in der Nachbarschaft wahrzunehmen" —. *Chaussier* idem monet: "l'estomac conserve sa forme, sa consistance ordinaire; nulle part il n'offre de traces d'engorgement, d'inflammation; seulement les réseaux capillaires de sa membrane folliculaire paraissent être plus développés surtout dans le voisinage de la perforation." Autores recentiores de hac re dissentiunt. Nonnulli enim *ceterum ventriculum* omnino sanum inveniri narrant, alii mutationes tunicarum morbosas semper adesse referunt. Inter illos *Cruveilhier*: "mais pourquoi un point, un seul point de l'estomac est-il profondément affecté, tous les autres points de l'organe se trouvant dans un état parfait d'intégrité"; ei consentit *Rokitansky*: "Man wird übrigens ausser einer Verdickung der Magenwand im nächsten Umkreise der Durchbohrung und einer Wulstung der Magenschleim-

ut in verschiedener Ausdehnung keine weitem punkthafte Beschaffenheit der Magenhaut gewahr."

*Abercrombie* tria ulcerum genera commemorat: primum duo priora varia nostri morbi stadia indicare videntur; tertium vero est ulcus cancrum. Illa, quæ describit quasi differentia, dimensione et gradus callositatis marginum et circumferentiæ induratae tummodo inter se differre videntur; priora nominat: "small defined ulcers of limited extent, with evident loss of substance and rounded and elevated edges, varying in extent from the size of a split pea to that of a shilling;" altera describit: "ulcers of the former of small extent, perhaps the size of a shilling but complicated with thickening and induration of the parietes of the stomach perhaps to the extent of a crown piece or more around the ulcer," reliquus ventriculus in utroque casu omnino sanus.

*Langston-Parker* autem refert, se ulcera ventriculi in viris nunquam observasse, nisi simul aderent signa inflammationis aliarum hujus organi partium conspicua; apparuit semper rubor punctatus, et, qui dicitur arborescens; aucta vasorum capillarium sanguine turgentium copia; dilatatio venarum, et in tela cellulosa infrajacente inveniuntur; tumor et incrassatio tunicarum. In foeminis autem, exceptis stigiiis inflammationis et incrassationis, quæ in ulcerum circumferentia inveniuntur, tunicæ ventriculi erant modum pallidæ, exsanguis et tenues.

*Krukenberg*<sup>1)</sup>, de gastritide chronica tractans variasque structuræ mutationes illa productas commemorans, etiam de incrassatione ventriculi partiali et de ulceribus in parte incrassata obviis loquitur; quantum vero e verbis auctoris concludere licet, præter incrassationem ulcera circumdantem nihil in iis ventriculis inveniebatur abnorme.

*Becker* tunicas ventriculi invenit emollitas, ut digitis dilacerari facile possent, regionem cardiacam et ostium oesophageum versus paullo firmiores; tunica mucosa substantiam præbuit rubram, pulposam, friabilem, quæ facile a ceteris tunicis separari poterat; rugæ vero nullæ adfuere.

Si observationes, quas attuli, jam respicimus in quinque: — III, V, VIII, XI, XVII — tunicas ventriculi invenimus normales; in aliis tribus substantiam tunicarum videmus normalem, levem autem coloris mutationem — IV, IX, XV —; in nonnullis hypertrophicum quendam tunicæ mucosæ statum invenimus, levi coloris mutatione stipatum: I, II, VI, VII, XII, XIV; tunica mucosa solito crassior circumvolutiones formavit gyris cerebri haud dissimiles; color simul fuit flavus vel flavo-gryseus; parvulæ apparuere maculæ vel potius prominentiæ membranæ mucosæ coloris lucidioris, ut tota tunica ad

---

<sup>1)</sup> Jahrbücher der ambulatorischen Klinik zu Halle, 2 B. 1824 p. 253.

pectum haberet, qui dicitur mammelonnée<sup>1)</sup>; ruborem intensiorem invenimus, partim punctatum partim phlogescentem, in obs. VI, XII, XV, XVIII. — In his omnes tunicæ fuere emollitæ: X, XIII, XVI. Una — XVI — emollitionis species adfuit, quam postea pluries observare mihi contigit: in parte splenica ventriculi observabatur emollitio maculam formans fere rotundam, diametro IV vel V pollicum, margine sat distincto circumscripta; tunica mucosa colore grisea, quasi pellucida; venæ sanguine fusco teneæ erant, translucidæ; tunica cetera ventriculi mucosa omnino normalis. Aliam emollitionis speciem præbuit obs. X, ubi omnes tunicæ emollitæ fuere, præsertim tamen in parte lienali, ubi quasi aqua erant maceratae. Rubor in obs. XVIII universalis observabatur cum singulis punctis injectis coloris purpurei; in duodeno color idem.

De loco, ubi prorumpere soleant ulcera ventriculi, magnopere dissentiunt autores:

*Chaussier*<sup>2)</sup> plerasque invenit ulcerationes ventriculi: "à la base de cet organ, à la portion qui correspond à la rate et au diaphragme."

---

<sup>1)</sup> Louis mémoires ou recherches anatomico-pathologiques. Paris 1826: "du ramollissement de la membrane muqueuse de l'estomac."

<sup>2)</sup> Dict. d. scienc. med. l. c. p. 332.



*Abercrombie* <sup>1)</sup> inter octo casus, quos affert huc referendos (ceteri enim ab illo commemorati ad ulcerationes scirrhasas, fungosas vel tuberculosas pertinent) quatuor invenit in media arcus minoris ventriculi parte, unum prope pylorum.

*Cruveilhier* <sup>2)</sup> sedem censet ordinariam esse arcum minorem vel parietem posteriorem ventriculi: interdum tamen, inquit, prope pylorum invenitur ulcus, hic formam zonæ sæpissime præbens.

*Langston-Parker* <sup>3)</sup> docet, plures esse ulcerum sedes, sæpissime tamen ea inveniri in parte ventriculi cardiaca, in curvatura majore aut ad pylorum.

*Rokitansky* <sup>4)</sup> opinionem de hac re longe diversam habet; ulcera contendit secundum observationes et suas, una solummodo excepta, et ceterorum autorum, quos perlegit, semper in parte pylorica ventriculi inveniri. Si vero, quæ de hac re scripsit *J. Frank* <sup>5)</sup> perlegisset, permulta invenisset exempla ulcerum perforantium, quæ prope cardiam apparuerunt. *Moschati, Weeke, Mole, Baron* pluresque tales afferunt observationes, ut de illis taceam autoribus, a *Rokitansky*

<sup>1)</sup> l. c.

<sup>2)</sup> l. c.

<sup>3)</sup> *Froriep Notizen aus dem Gebiete der Natur und Heilkunde* Nr. 206, April 1839.

<sup>4)</sup> l. c.

<sup>5)</sup> *Praxeos med. universæ præcepta.* Part III. Vol. I. Sectio II da.



etiam citatis, qui de ulceribus in media arcus minoris et parietis posterioris parte inventis narrant; e quibus ex perlucet, utrum propius ad pylorum, an ad cardiam collocatum esset ulcus.

Equidem autem proprias meas observationes respiciens sententiam *Rokitanskio* omnino contrariam amplector; plurima enim ulcera, inter duo de viginti observationes decem: I, II, III, IV, VII, IX, X, XII, XIV, XVI, — prope cardiam inveni, alia in arcu minore, alia in pariete posteriore paullo infra arcum minorem, semper tamen propius ad cardiam quam ad pylorum; semel modo ventriculum prope pylorum inveni ulcere perforatum, obs. Vta. — Sex deinde ulcera inveni in pariete anteriore sedentia, duo modo in posteriore; septies et in anteriore et in posteriore pariete ulcera simul adfuere; quatuor in arcu minore sedebant.

*Rokitansky* inter casus novem et septuaginta invenit ulcera:

decies in pariete posteriore;  
undecies in arcu minore;  
quingies in pariete anteriore;  
decies paullum modo a pyloro distantia;  
sexies in duodeno;  
decies in pluribus locis simul, praesertim et in pariete anteriore et in posteriore;  
semel in fundo ventriculi.

De sede ordinaria ulcerum certum quidquam ex his statuere haud possumus; saepius tamen in arcu

minori vel prope illum apparere videntur. Ulcera hujus generis neque in duodeno neque in cetero canalis intestinalis tractu observare mihi unquam contigit.

*Cruveilhier* ulcus fere semper inveniri singulum refert, quod vero nec cum iis, quas equidem attuli, nec cum aliorum observationibus congruit. Equidem in novem cadaveribus inveni bina ulcera, in uno quatuor.

*Rokitansky* inter casus septuaginta novem in duo et sexaginta cadaveribus ulcera singula invenit; in duodecim adfuere bina, in quatuor terna, in uno quinque. Ex his septendecim observationibus quatuor tantum præbuerunt alterum ulcus in pariete anteriore, alterum in posteriore; sæpissime enim, ut refert, unum supra vel infra alterum in pariete posteriore aut in arcu minore inveniebatur. Semel tantum invenit duo ulcera in duodeno sibi opposita, bis alterum invenit ulcus in ventriculo, alterum in duodeno. In tribus observationibus I, XIV, XVI duo ulcera equidem inveni in pariete anteriore simul collocata; semel tantum tria adfuere in pariete posteriore cum uno in pariete anteriore collocato; sexies autem inveni ulcera in parietibus oppositis collecta: semel unum in arcu minore et alterum pollicem infra in pariete anteriore cardiam versus observavi.

Neque desunt exempla ab autoribus ævi prioris allata, quæ ulcera in parietibus oppositis simul

venta esse monstrant, velut apud *Castellier* <sup>1)</sup>, *Mele* <sup>2)</sup>, *Weeks* <sup>3)</sup>, *Desgranges* <sup>4)</sup>, *Witke* <sup>5)</sup>.

De illis observationibus, quas scriptores nonnulli protulerunt decentes, ventriculorum foraminibus permultis parvis perforatum fuisse <sup>6)</sup>, quum parum diligenter descriptæ sint, vix procerto quidquam statuere possumus. Quod etiam de iis valet, quæ de numero permagno ulcerum in ventriculo inventorum *Howship* <sup>7)</sup> protulit; narrat enim, se bis vidisse numerum ulcerum parvorumunicam mucosam et muscularem penetrantium, nullo tumore neque rubore neque aliis inflammationis signis circumdatorum. De cetero ulcerum adpectu, sede, forma, origine nihil assert. Quid autem de hisce ulceribus judicandum sit, ubi de ulceris nostri origine disputabitur, monstrare conabor.

*Dimensiones* ulcerum secundum varios scriptorum observationes admodum variæ sunt; dum nonnulla diametrum habent plurimum pollicum, alia vix lineas paucas superant. Hic sine dubio attentione dignæ sunt circumstantiæ, e quibus variæ ulcerum

<sup>1)</sup> Journal de med. par Leroux 1815 Maj.

<sup>2)</sup> Sammlung ausserles. Abhandl. B. 23.

<sup>3)</sup> Horn. Archiv f. med. Erf. 1828 p. 684.

<sup>4)</sup> Journ. de med. par Gaultier de Claubry. T. XV 1821.

<sup>5)</sup> Rust Magazin für die ges. Heilk. B. 28, Heft. 1.

<sup>6)</sup> Ballonius. paradign. 144 — Rahn Briefwechs. 21 Saml. Diet des sc. med. l. c.

<sup>7)</sup> Practical remarks upon digestion p. 97, London 1825.

extensiones interdum pendere videntur. Nam ut suprajam monuimus, hisce ulceribus proprium est profundius excavari, quam latius diffundi; quum igitur ulcera invenimus sat magna, hoc rationibus deberi singularibus, credere fas est. Quæ vero rationes utrum in sede ulceris, an in aliis causis sint quærendæ, difficile est decernere. Nihil in propriis observationibus meis inveni, quod hanc rem magis illustret; plurima enim ulcera diametrum pollicis vix superabant; nonnulla diametrum III-IV linearum, alia VIII-X linearum habuerunt; unum invenimus permagnum in obs. XVII. Lentum ulcerationis progressum, concretiones ventriculi cum aliis organis, quæ perforationi obstant, aliquid certe ad solitam ulceris formam hanc in partem mutandam conferunt. Uti enim in obs. XVII, ita in plerisque observationibus ab aliis autoribus citatis, ulcera magnæ extensionis præbentibus, ventriculus cum parietibus abdominalibus vel cum aliis organis concretus fuit, aut ulcus in pariete posteriore ventriculi collocatum fuit.

Quoad *formam* ulceris nostri omnes fere autores in eo consentiunt, quod constanter sit *rotunda* vel *circularis*. Multi itaque autores ad regularem formam et æqualitatem marginum indicandam ulcus perforans describunt velut foramen parietis ventriculi ferro acuto (quo ephippiarii ad foramina corii ex-

---

<sup>1</sup>) Cruveillier. Anat. pathol. Livr. XX.

indenda (Locheisen) uti solent) excisum. Licet  
 pro circulus sit forma ulceris ordinaria, discrepan-  
 tes tamen majores vel minores interdum observamus.  
 Nonnulla inventa sunt ulcera, quæ formam habebant  
 magis oblongam obs. X<sup>ma</sup> — alia ellipticam, alia  
 minime irregularem, quin etiam angulatam; in omni-  
 bus tamen vestigia formæ rotundæ prioris fere sem-  
 per inveniuntur. Irregularitates observantur aut in  
 ulceribus etiamnum superficialibus — obs. I<sup>ma</sup> — aut  
 in ulceribus chronicis magnis, quorum exempla af-  
 ferunt fere omnes autores supra citati. Ulcera, quæ  
 diametro sunt mediocri, quatuor vel octo linearum,  
 omnesque tunicas perforaverunt, formam ordinariam  
 habere solent. Causam hujus regularitatis in effica-  
 cia tunicæ muscularis præsertim quærendam esse  
 minor; nam ulcera, quæ inveniuntur sat superficialia,  
 tunicam muscularem nondum penetrantia, a more  
 ceterum, quæ in cetero corpore inveniuntur, solito  
 discedunt; mox sunt rotunda, mox alius formæ;  
 quum tunicæ muscularis ulceratione etiam cor-  
 rupta est, fibræ ejusdem in diversas partes, ut con-  
 tractæ, vergentes contrahuntur; inde foramen illud ro-  
 tundum. Quum vero, vel quod ventriculus cum aliis  
 visceribus connexus est visceribus, vel alia de causa no-  
 ta incognita, exulceratio lentius progreditur, illa telæ  
 vasculosæ, inter varias tunicas sitæ, induratio, quæ in  
 ulceribus profundioribus fere semper, in superficiali-  
 bus fere nunquam invenitur, circa ulcus citius auge-  
 tur, ideo vis tunicæ muscularis contrahens minuitur,



unde forma ulcerum, jam latius diffusorum, sicut ulcera in aliis corporis partibus externis solent, varia evadit. Enormitatem etiam a loco dependere, ubi sita sint ulcera, plures auctores monent. Ita Cruveilhier ulcera prope pylorum sedentia forma interdum zonæ induta esse observavit; idem certe de illo valet ulcere, quod apud Wassenaer<sup>1)</sup>, classi præfectum, quum ruptura ejusdem mortuus esset, inventum est circa cardiacum situm; id quod etiam efficaciam tunicæ muscularis ad formam mutandam comprobatur. Nonnulla inventa sunt ulcera, quæ zonam efformabant ventriculi transversalem<sup>2)</sup>, alia ab uno ventriculi arcu ad alterum diffusa ventriculum quasi in duos recessus divisere — obs. XVII. Aliam formæ irregularis causam affert Rokitansky, quum duo ulcera sese attigerint unumque deinde formaverint; vestigia tamen semper restare solent utriusque ulceris margines indicantia.

Quanquam cetera tunica mucosa ventriculi omnino sana apparet, *circumferentia* tamen ipsius ulceris sæpissime invenitur mutata; condensatione enim et duritie minoris vel majoris gradus ulcus est sæpissime circumdatum. Margines ulcerum superficialium nil præbent insolitum; sat acuti nulla produnt inflammationis aut suppurationis signa — obs. I. XI.

---

<sup>1)</sup> Laisné l. c.

<sup>2)</sup> Rokitansky l. c.



ulceratione autem profundius excavata, et tunica mucosa prorsus corrosa, levis apparere solet durities, quæ initio vix a colore ceteræ tunicæ mucosæ differt — obs. VI — postea vero fit magis albida, ac, ulceratione continuata, in latitudinem et crassitudinem etiam augetur condensatio. Quæ condensatio, quibus tunicis, an in omnibus hæreat, dissecando indagare studui. Invenisse credo, eam in tela cellulosa inter tunicas varias interposita præsertim hærræ. Ubi levis erat condensatio tunicam muscularem ad margines usque ulceris persequi potui, condensatione vero aucta, vestigia tunicæ muscularis minuta fuerunt vel evanuerunt. Si vero ad arcum minorem, ubi majores sunt fibræ musculares, hæsit ulcus, illas inveni etiam crassiores, quod idem observavit Rokitansky, qui monet, inde sæpe oriri formam ventriculi perversam, quia vis muscularis contrahens, juncto firmiore stabilioreque condensatione producta, perturbetur. Tunica mucosa aliquantum certe tumet, ubi semper fit, ubi adest inflammatio; vera autem causa ulcus cingentis causa sine dubio est telæ cellulosa subjacentis condensatio. In gradum adeo notabilem interdum augetur condensatio illa, præsertim si ulcus ad pylorum vel ad arcum minorem pertinet, ut scirrhum dissimulet; dissectione autem univiam hujus condensationis structuram invenimus hujus scirrhosæ omnino dissimilem.

Sed haud semper incrassata invenitur circumferentia ulceris; tunica usque ad margines ulceris

interdum apparent omnino normales — v. obs. XIII. — Ipsi *margines* etiam sunt diversi. Sæpissime sunt duri, albi, læves, ut jure a Baillie describantur<sup>1)</sup>: velut ferro excisi iterumque consolidati. Interdum tamen inveniuntur molles — obs. I. IX-ceteræ tunicæ mucosæ omnino similes, vel etiam quasi emolliti — obs. XIII — parum decolores, nigrescentes<sup>2)</sup> videlicet vel rubescentes; interdum parum elevati marginibus ulcerum callosorum sunt similes — obs. XI. — In pluribus observationibus formam ulceris nominavi infundibuliformem — obs. II-III-IV-XII — quo nomine indicare volui ambitum ulceris sensim decrescentem a superficie interna ventriculi externam versus, partim propter majorem aperturæ internæ diametrum, partim propter cellulosæ condensationem. In nonnullis hujus generis ulceribus singulæ tunicæ ad modum scalæ una supra alteram positæ apparuere. De modo singulari, quo tunica mucosa supra tunicam muscularem retractam retrorsum quasi revolvitur, infra, ubi de ulceribus in cicatrices mutatis fit mentio, plura disputabo. Si ex illis, quæ ipse observavi, concludere liceat, forma infundibuliformis, minus vel magis perfecta, sæpius occurrit, quam illa, quæ quasi uno ferri ictu ex tunicis sanis excisa esse videtur, quamque alii scriptores solitam dicunt. Neque tamen semper totam

---

<sup>1)</sup> Desgranges l. c.

<sup>2)</sup> Chaussier l. c.

ulceris circumferentiam invenimus incrassatam; sic  
 gr. in obs. X crassitudinem marginum in superiores modo partes porrectam invenimus; hocce vero emollitioni ventriculi, quæ simul adest, haud deberi, quod quisquam forsitan crederet, — obs. XVI probare videtur, in qua etiamsi emollitio ventriculi non fuit manifesta, perspicua restabant marginum induratum vestigia; in obs. VI-VIII-XI talis incrassatio marginum partialis observabatur, nullis ventriculi emollitionis signis simul apparentibus.

*Fundus* ulceris, qualis esse soleat, a multis auctoribus haud commemoratur, quod ideo fieri, opinor, quia ulcera sæpissime observaverunt, ruptura ventriculi jam perfecta. *Cruveilhier* tamen, ut jam supra vidimus, fundum observavit firmum, griseum (dense, grisâtre).

*Langston-Parker* monet, fundum ulcerum haud almodum magnorum, e tunica peritonæi formari, quam invenit interdum valde incrassatam; interdum vero fundus est inæqualis, fungosus. In omnibus ulceribus minoribus fundum inveni lucide rubrum, calposum; sed etiam in majoribus — obs. VI — similem fundum rubrum inveni. Ruber fundi color, qui in obs. XVIII invenitur, eidem causæ ac rubor ceteræ tunicæ mucosæ, hæmorrhagiæ videlicet, quæ affuit, certe debetur. Fundum durum, inæqualem ibidem in obs. XI videmus. Quem adspectum etiam semper in omnibus ulceribus infundibuliformibus observavimus; marginesque tunicarum, qui in hisce ul-

ceribus interdum apparent, eadem forma eodemque colore induti sunt.

Hucusque conatus sum describere formam ulceris longius progressi, quam cum veritate quadam depingere potui, referens aut ea, quæ in cadaveribus ipse vidi, aut quæ ab aliis reperta legi; quum vero ad priora ulcerationis stadia, præsertim ad primum initium revertimus, difficultates nobis occurrunt majores. Raræ enim occasiones ulcus nascentis observandi nobis oblatae sunt, quæ nullum de natura ejus dubitandi locum relinquerent. Quæ porro de hac re attulerunt scriptores ex analogiis et ratiocinationibus hauserunt, quare etiam sententias invenimus diversissimas. Hic de sententiis, quas de proxima ulceris nostri causa varias varii scriptores tulerunt, necesse est, pauca afferam, quæ quidem rectius infra, ubi de hac materia dissertaturus sum, dicenda sunt.

F. Hoffmanno, autoribusque superioris ætatis: Galeno, Coelio Aureliano, Paulo Zachiaë, Morgagni, Boerhawe et pluribus<sup>1)</sup> persuasum erat, bilem vel alios corporis humani humores ita corrumpi posse, ut in venena mutarentur, parietesque ventriculi corroderent; quam sententiam amplexi nonnulli autores crediderunt, ulcera perforantia, quum illa ventriculi veneno corrosa et mortificata pars soluta esset, su-

---

<sup>1)</sup> Dict. de sc. med. l. c.

cito formari posse. Humores vero organismi humani  
 vi corruptioni hujusmodi subire posse, experientia  
 rucusque vix probavit. Neque a veritate minus ab-  
 horret opinio, quam fovet Desgranges <sup>1)</sup> de neuralgia  
 locali, cui per longius tempus duranti attenuatio et  
 absorptio tunicarum successiva attribuitur. Chaus-  
 sier <sup>2)</sup> primus processum quendam ulcerationis vel,  
 ut dicit, erosionis in causa esse credidit. "Erosio  
 illa, eo iudice, est processus morbosus, qui in parti-  
 bus solidis apparet; prægreditur irritatio, cujus na-  
 turam et modum, quo efficax sit, difficile est expli-  
 care; aucta vero irritatione vasa loci affecti sanguine  
 turgescunt; accedit calor, rubor, dolor; telæ partis  
 affectæ mutantur, fluidum ichorosum secernitur, quod  
 dein ad processum erosionis continuandum confert  
 etc." Quam difficile sit, illum morbi progressum ab  
 initio inde sequi, facile intelligitur, itaque vix fallor,  
 si, Chaussierum theoria magis quam experientia duc-  
 tum hæc proposuisse, opinor. Rokitansky emolli-  
 tionem circumscriptam sive emollitionem rubram, quæ  
 eadem est ac illa inflammatio, quam Abercrombie  
 chronicam tunicæ mucosæ ventriculi circumscriptam  
 appellavit aut extinctionem tunicæ mucosæ localem,  
 escharoticam, solitam censet esse formam, qua induta  
 ulcera nostra oriuntur. Pluries enim arbitratur, se  
 observasse tales emollitiones partiales, aut escharas

---

<sup>1)</sup> Journ. de med. l. c.

<sup>2)</sup> Laisné l. c. p. 116.



illas, quibus solutis, excavationes cum marginibus acutis, quos supra descripsimus, existerent. Equidem neque emollitiones locales, neque escharas unquam observavi; utrum adfuissent, ubi ulcuscula illa — obs. I-IX — observata sunt, affirmare non audeo. Inveniuntur autem interdum in ventriculo alia ulcera parvula, a quibus nostra sunt distinguenda. A longo tempore inde constat, pustulas interdum prorumpere permultas in superficie interna ventriculi, de quibus jam fit mentio apud *Bartholin*<sup>1)</sup>, *Panarolus*<sup>2)</sup>, *Lobstein*<sup>3)</sup>; hisce sine dubio debentur ulcera illa parvula, quæ Howship se in ventriculo invenisse refert, quod sine dubio etiam valet de illis ulcusculis, quæ permulta, secundum *Langston-Parker*<sup>4)</sup> in superficie interna ventriculi, ubi adfuit ulcus majus perforans oculis nudis vel arte adjuvatis interdum observari possunt. *Lesser*<sup>5)</sup> hasce pustulas folliculis inflammatis deberi censet, quod etiam censet *Billard*<sup>6)</sup> et *Cruveilhier*<sup>7)</sup>, morbum nominantes gastritidem folliculosam. In singula observatione —

---

1) Hist anat. rar. Cent. III, hist XVII. Tom II p. 185.

2) Lientaud. hist. anat. med. obs. 82 p. 83.

3) Dissertatio de nervo ad par vagum accessorio in Ludvigii script. neuralg. min. Tom I. p. 40.

4) L. c.

5) L. c.

6) Traité des maladies des enfans etc. Paris 1828.

7) Cruveilhier anat. path. Livr. XXX.

es. VI — folliculi prope pylorum et cardiam paulum tumidi fuere, ceterum autem non alia inflammationis neque ulcerationis eorum signa inveni. Ulcera, quæ in cetero intestinorum tractu inveniuntur, sine dubio quandam interdum habent similitudinem cum nostris; margines tamen et fundus aliter se habere solent.

Formam ergo, quam præbent in initio hæ perforationes, nondum satis cognovimus; id tamen pro certo habemus, eas ab ulceratione proficisci, neque vero ab *emollitione partiali* <sup>1)</sup> neque ab *erosione tumoribus venenatis* <sup>2)</sup> producta, neque a *neuralgia* <sup>3)</sup> singulum punctum infestante, neque a *vi naturæ formatrice retrogrediente* <sup>4)</sup> etc. etc., ad quæ infra revertemur.

Secundum varium morbi exitum varias inventus in cadaveribus ulcerum sequelas: *circatrices* videlicet aut *perforationes* ventriculi completas. Circatrices ulcerum in ventriculo inveniri, ex multis jam observationibus constat, quarum unam solummodo iterum, quæ de hac re dubitare haud permittit.

---

<sup>1)</sup> Hunter.

<sup>2)</sup> Hoffmann, Boerhawe, van Swieten etc.

<sup>3)</sup> Desgranges.

<sup>4)</sup> Heusinger v. Ebermaier über einem Krankheit des Magens mit Durchlöcherung seiner nicht erweichten Häute. Rust Magazin für ges. Heilk. B. 26, Berlin 1828.

Celeberrimus *Béclard* <sup>1)</sup> postquam per longius tempus studiis nimis intentis vacasset atque inter ea ad somnum depellendum magnam infusi coffeæ copiam bibisset, correptus est symptomatibus gastritidis, quæ sensim formam magis chronicam assumebat ac vomitu et doloribus stipabatur; diætam admodum restrictam diu observans, hirudines regioni epigastricæ et postea inunctiones unguenti stibiati adhibuit. Qua methodo per longum tempus frustra adhibita, sed nihilominus continuata, dolores ceteraque symptomata tandem desierunt. Aliquamdiu post morbo cerebri cuidam succubuit; in ventriculo ad arcum minorem, quatuor lineas a cardia distans inventa est cicatrix firma, quæ magnitudine erat fere monetæ, quam Gallici dicunt-franc (diametrum continens pollicis dimidii); ceteræ ventriculi tunicæ plane normales fuerunt.

Formas vero cicatricum varias describunt auctores. Cruveilhier putat, cicatricationem simili modo perfici in ventriculo atque in aliis corporis partibus: margines rugari, attractis partibus tunicæ sanæ proximis, eodemque tempore fundum ulceris tela celluloso-fibrosa obtegi incipere, quo fieri, ut cicatrices sæpissime appareant rugosæ, duræ, parum prominentes. Bis mihi contigit cicatrices ejusmodi observare: alteram scilicet apud illam ægotam, cujus in obs.

---

<sup>1)</sup> Billard die Schleimhaut des Magens im gesunden und krankhaften Zustande — überges. von Urban. Leipzig 1828.

ima fit mentio, alteram in ventriculo foeminae alio morbo mortuae, eodem fere loco sitam. Interdum tamen, idem monet autor, si major fuerit defectus substantiae ventriculi ulcere productus, formam excavationis assumunt cicatrices; semper tamen tela, quae format cicatricem, est indolis celluloso-fibrosae, nunquam autem mucosae. Secundum Rokitansky plurimae cicatrices formam excavatam habent; equidem semel allem vidi: obs. XV. Negat etiam hic autor, perforationes ventriculi substantia organi cujusdam vicini inquam ita occludi, ut excavatio non restet, vel etiam prominentia inde producat; organa tamen structurae glandulosae e. g. pancreas excipienda sunt. Similari modo, eo iudice, hisce in casibus procedit cicatricatio; retracta enim tunica musculari, tunica mucosa extra margines illius prominet et quasi reolvitur, quo fit, ut cum peritonæo fundum ulceris firmante vel cum organo occludente connectatur. Ita, putat, excavationes interdum producantur sat magnae, nisu contentorum ventriculi auctae, ut formentur cavitates vel recessus cum cavitate ventriculi per foramen rotundum minus vel majus connexi, membranaque celluloso-fibrosa vestiti. Si ad pylorum, — quo loco, sicut etiam ad arcum minorem vel ad portam fundi ventriculi hepate tectam, sæpius occurrat, — formantur cicatrices majores, anulum pylori interdum coarctantes<sup>1)</sup>, tunicæ ventriculi sanæ hic

<sup>1)</sup> Cruveilhier anat. path. L. Xmas.

interdum ita expanduntur, ut recessus formentur sat magni, qui varias molestias dyspepticas, sanato ipso ulcere, produciunt.

Gruveilhier de foemina narrat, cujus ventriculus cicatrice magna ad pylorum collocata (— "son plus grand diamètre, qui coupe perpendiculairement le grand axe de l'estomac est de trois pouces, son plus petit diamètre est d'un pouce. La cicatrice est fribreuse, blanche, lisse et ne présente aucun des caractères du tissu muqueux;" —) modo singulari mutatus et dilatatus fuit: "il occupe les deux hypochondres, l'épigastre et descend jusqu' à l'ombilic; — le pylore ne se trouve pas à l'une des extrémités de l'estomac, mais bien à sa partie moyenne; à droite de cet orifice existe un estomac nouveau plus volumineux que la partie de cet organe, qui est située à gauche du pylore." — La moitié du pylore présente une disposition fort remarquable, c'est une bride, qui ne tient aux parois de l'estomac que par ses deux extrémités; cette bride en manière de pont semble concourir à la formation de deux orifices pyloriques; 1) d'un orifice pylorique ordinaire, qui appartient à la partie de l'estomac située à gauche du pylore; 2) d'un orifice pylorique nouveau, qui appartient à la portion de l'estomac, qui est à droit de ce même pylore. Cette bride contient dans son épaisseur un gros faisceau de fibres musculaires. Je l'ai considérée comme constituée par la moitié droite de l'anneau pylorique, laquelle aurait été détachée



re: Pulcération, qui l'aurait minée en sous-œuvre.”  
 re in casu dilatationem ventriculi et abnormem ejus  
 nam impedito alimentorum transitui haud deberi,  
 edit autor; cicatricem autem et contractionem ven-  
 triculi eo productam, quo fit, ut pylorus propius ad  
 mediam ponatur, et ut illa normalis ventriculi dila-  
 tio ante pylorum sita, — antrum pylori, — ad dex-  
 tram pylori latus removeatur, in causa esse censet.  
 iteram deinde refert observationem priori admodum  
 similem, in qua tamen dimensiones dilatationum haud  
 eo magnæ fuere; vitium conformationis primitivæ  
 adesse, omnino negat.

Recessus ejusmodi vel partiales ventriculi ex-  
 cisiones observare mihi nunquam contigit. In obs.  
 VII ventriculum, cicatrice zonam circularem ab arcu  
 minore ad arcum majorem vergentem formante, in  
 duos sinus divisum videmus.

In nonnullis observationibus partem organi fora-  
 men ventriculi occludentis vidimus exulceratam —  
 ss. IX — in aliis cicatricatam vel quidem membrana  
 tenui vestitam epithelio ceteri ventriculi simili — obs.  
 III, XV — Bonnet<sup>1</sup>) exemplum refert superficiei externæ  
 foraminis formam superficiei internæ ventriculi assumen-  
 tis: in ventriculo puellæ, quæ a prima ætate cardialgiis  
 toraerat et feбри continua mortua erat, foramen  
 tantum est cicatricatum, diametrum habens unius  
 dimidii pollicis, in parte superiore superficiei ven-

---

) Sepulchr: Lib. III. Sect. VII.

tricoli anterioris collocatum, superficie concava lobi hepatis sinistri oclusum, marginibus callosis præditum. Involucrum hepatis ventriculo arcte adhæsit et in hoc loco adspectum et colorem habuit tunicæ ventriculi villosæ.

Rokitansky cicatrices in ventriculo inventas ulceris simplicis perforantis ideo censet esse sequelas, quia ulcus simplex omnium longe frequentissimum occurrat; quia cicatrices in illis ventriculi partibus fere semper inveniantur, in quibus ulcera nostra sedere soleant; quia simul cum ulceribus aliis nondum consolidatis inveniantur; quia nulla alia ulcerationis nec scirrhosæ nec tuberculosæ signa appareant.

Ceteris ventriculi tunicis exulceratione corrosis, peritonæum vix diu restat integrum; sæpissime tota ejus pars, quæ fundum ulceris effecit, ab ulceratione procedente corripitur, subito solvitur, contentis ventriculi, nisi concretiones ventriculi et alius organi ulcus occludentes adsint, in cavitatem peritonæi prorumpentibus, relictis marginibus glabris, æqualibus; interdum tamen restant fimbriæ parvulæ, vestigia tunicæ peritonæalis. Diametrus perforationis admodum diversa est; varias permultas I. Frank refert huc pertinentes observationes: velut unam cum foramine diametri pollicum duorum cum dimidio, marginibus attenuatis, dentatis et nigris, in fundo ven-

ali ad superficiem anteriorem et superiorem<sup>1)</sup>; cum foramine transverso longitudinis fere trium pollicum ad parvam curvaturam<sup>2)</sup> cum foramine inter digitorum prope insertionem vasorum brevium<sup>3)</sup> in foraminibus duobus rotundis ac si ictui globulorum sclopetariorum originem deberent<sup>4)</sup>; cum foramine quatuor pollicum ad parietem anteriorem prope cardiacam cum fissura trium pollicum in pariete posteriore cumque duabus fissuris pollicis unius et sesquipollicis ad curvaturam majorem sine membrana mollitie<sup>5)</sup>, — cum foramine rotundo lineæ unius semis prope cardiacam ad curvaturam minorem<sup>6)</sup> cum foramine sesquilineæ veluti exciso sine inflammatione<sup>7)</sup> — cum foramine magnitudinis habente capitis acus in medio ventriculo<sup>8)</sup> — et aliasque alias observationes hisce similes a variis auctoribus<sup>9)</sup> allatas, quarum de nonnullis jam supra dictus sum.

---

Ailhaud. — <sup>2)</sup> Spedalieri. — <sup>3)</sup> Moscati. — <sup>4)</sup> Castellar. — <sup>5)</sup> Weekes. — <sup>6)</sup> Duparque. — <sup>7)</sup> Gerard. — <sup>8)</sup> Nordbald. — <sup>9)</sup> Ebermayer, Mole, Baron, Rauck, Trinius, Becker, Wittke, Desgranges.

---



*Particula 2<sup>da</sup>.*





Quum ante conatus sim exponere, quæ ad morbum *Symp*  
 monstrandum præbeant sectiones cadaverum, ad symp-  
 matologiam, qualem nobis monstrant observationes,  
 transgredimur. Supra autem jam monui, relationes  
 motorum esse nimis mancas, — id quod vix mi-  
 ni est in morbo, qui tam diu durat, — neque  
 numerum observationum sat magnum mihi occurrisse,  
 ut ex illis symptomatologiam quodammodo certam  
 mihi non posse credidi. Quum autem, quæ alii au-  
 tem protulerunt, cum propriis meis observationibus  
 comparaverim, me tamen aliquid profecturum esse,  
 spero, si sententias illorum corroboraverim aut emen-  
 derim.

*Abercrombie* <sup>1)</sup> diagnosin difficilem esse monens,  
 quia symptomata tam levia sæpe sint, ut omnino non  
 serventur vel mere dyspeptica habeantur, suspicio-  
 nem morbi alit, quum dolor ventriculi adest, mox  
 est coenam semper regulariter recurrens, certumque  
 temporis spatium inter digestionem durans, qui pres-

sione externa in loco regionis epigastricæ circumscripto augetur et vomitu ingestorum levatur. Symptoma, quod censet esse magni momenti ad diagnosis certiore reddendam, est pyrosis, quæ post ingestionem alimentorum omnis generis, minima etiam dosi assumptorum, semper recurrit; certa, eo iudice, evadit diagnosis, si simul cum hisce symptomatibus macies et debilitas ægroti tam celeriter augetur, ut dyspepsiæ simplici vix adscribi possit. Adest interdum status irritatus linguæ et faucium cum ulcusculis vel crusta levi aphthosa. Diligens præcordiorum examinatio tumorem interdum monstrat leviolem vel majorem; interdum prorsus conquiescunt aut intermittunt omnia symptomata, licet morbus continuos faciat progressus.

*J. Houghton*<sup>1)</sup> symptomata ulcerationis initio eadem esse censet, quæ dyspepsiam indicare soleant: flatulentiam, pyrosin acidam, anorexiam, oppressionem et dolorem ventriculi ex ingestis proficiscentem; tum demum nos suspicionem morbi organici fovere posse, quum dolor vehementior fiat, magis continuans, ceterisque symptomatibus violentior. Gradus et diuturnitas doloris admodum varia est; sæpissime est hebes, oppressorius, interdum tamen pungens, dilacerans, interdum post coenam tantum existit, digestionem finita

---

<sup>1)</sup> v. *Analekten der spez: Pathologie und Therapie von Bresler und Jacobson* 1 B. 3 H. p 425. Berlin 1837.

erum conquiescens, quare ægroti haud raro declarant, se optime valituros esse, si cibos haud assumere deberent. Si dolor continuus est, post coenam tamen semper est exacerbatus; appetitus nihilominus persæpe minino integer restat. Nausea et vomitus inde ab initio morbi interdum adsunt; hic adeo augeri potest, ut nullis medicaminibus levare vel sedari possit; mucum evomunt ægroti largum spissum, deinde materiem fuscam vel sanguineam,

*Cruveilhier* <sup>1)</sup>), licet concedat, ægrotos inveniri, quibus, quum perforationi subito et inopinato succubuerint, omnino nulla morbi cujusvis symptomata ante illa, quæ mortem paucis horis antecedunt, observata fuerint, plerosque tamen homines, ulceribus ventriculi laborantes per brevius vel, quod quidem sæpius fit, per longius tempus ægrotare observavit, atque hæcce symptomata invenit: appetitus prorsus deiebat aut erat perversus, tristitia summa, digestio difficilis, sensus ægritudinis vel hebetis doloris in regione epigastrica, qui dolor tamen interdum vehementissimus evadebat, mox inter digestionem, mox ventriculo vacuo. Dolor quidem in epigastrio vel pone sternum ferere solebat, interdum tamen migrabat in columnam vertebralem, ubi punctum tum occupabat epigastrio respondens, quin etiam multi erant ægroti, qui talem urgentem columnæ vertebralis dolorem magis quam

---

1) Anatomie pathol. Livr. X.

epigastrii quererentur. Sequebatur deinde macies minus vel magis subito increscens, obstipatio alvi, nausea, vomitus ingestorum, tandemque hæmatemesis aut vomitus materiæ nigrescentis. Hisce symptomatibus enumeratis addit autor: facile intelligimus, nullum inter illa esse symptoma, quod signum vere pathognomicum constituere possimus; nonnulla enim communia sunt ulceris simplicis et gastritidis chronicæ, alia ulceris et scirrhi ventriculi.

*Langston Parker*<sup>1)</sup> symptoma omnium primarium esse censet dolorem fixum, qui in epigastrio percipi solet; haud tamen semper eundem locum occupat; nam mox in hypochondrio sinistro aut pone medium sternum præsertim sentitur; mox ad mediam columnam vertebralem aut inter scapulas. Per paucas horas quidem remittit, raro autem per totam diem. Post coenam vehementissimus esse solet, dein decrescit, noctu silet, post jentaculum iterum incipit, sic porro. Dolor epigastrii nulli ægroto prorsus deest: sed quum dorsi dolor est vehementior, minus molestus videtur. Narrat autor, se ægrotum tractasse, qui per plures annos ulcere ventriculi laborans, epigastriique quidem dolore affectus, de dorso tamen juxta tractum costarum dolente solummodo quereretur, et dorsum premi non pateretur; hirudines ibi applicatas levamen symptomatum abdominalium semper produxisse; hæmatemesi tandem hominem succubuisse.

---

<sup>1)</sup> v. Frorieps Notizen No. 206. April 1839.



Licet ciborum ingestio dolorem semper augeat, pergit tamen appetitus immutatus, quin etiam auctus; omnia ingerere possent ægroti, ut dicunt, si auferent; lingua semper est pura, interdum pallida, viro rubra, nuda. Obstipatio alvi pertinacissima fere in omnibus occurrit; nausea et vomituritiones sat viro observantur. Hæmatemesi et vomitus materiæ nigricantis ab initio ulceris existere potest; interdum inter talem hæmatemesin obeunt ægroti. Neque autem raro, hæmatemesi nondum oborta, excreta alvina conspiciuntur nigra, picca, quod symptoma, quando simul cum ceteris apparet, non permittit de morbo dubitare. Exploratio abdominis manus ope instituta nullum morbi signum certum præbet. Ægroti sæpissime magnopere emaciantur, pallidi fiunt nec dissimiles iis, qui hæmorrhagiis debilitati sunt.

Licet ulcus ventriculi inflammatorio processui semper debeatur, qui sæpe sat facile observatur, vario modo tamen apud homines varii sexus erumpere solet. Apud viros scilicet symptomata gastritidis chronicæ ulceri fere semper prægrediuntur; apud preminas autem, imprimis apud juniores, chloroticas, hystericas prodromi ulceris magis occulte proserpere solent. Hæ enim ægrotæ, turbatis systematis uterini functionibus, permultis simul laborare solent digestivis molestiis, quæ, illis ulceris symptomatibus admodum similes — e. g. plenitudo et oppressio cardiæ post pastum, pyrosis, ructus, nausea, dolor cardiæ, hypochondriorum, dorsi — nullo malo graviore

insequente sanantur. Pluries tamen et autor ipse et Cruveilhier observarunt, morbum nostrum apparuisse a nullis aliis symptomatibus comitatum. Monet simul autor tunicas ventriculi apud has ægrotas fere semper inveniri tenues, pallidas, exsanguës, omnino dissimiles iis, quæ inveniuntur, quum ulcus gastritidem chronicam sequitur.

Autores, quos supra citavi, licet ulcera declarant esse sequelas inflammationis prægressæ, nulla symptomata varia morbi stadia indicantia distinxerunt; *Rokitansky* contra censet, hæc in tria stadia esse referenda.

Primum stadium, per plures annos interdum durans, symptomata modo præbet illa, quæ dyspepsiæ ceterum adscribi solent, et quæ, illo iudice, maxime chronicæ tunicæ mucosæ ventriculi irritationi ejusdemque incrassationi et blennorrhoeæ debentur. Adest enim digestio difficilis cum flatulentia, ructibus, pyrosi, anorexia, oppressione cardiæ, sapore jejuno mucoso, sorditie linguæ. Quæ symptomata, certis imprimis ciborum generibus largius ingestis, augentur. Oppressio in dolorem constringentem interdum mutatur. Dolores nullis alimentis ingestis interdum intercurrunt, parca ciborum blandorum dosi iterum minuti, coena autem ordinaria semper exacerbati; haud raro, quum ventriculus est vacuus, intercurrit vomitus fluidi mucoso - aquosi, acidii. Temperatio aëris calida et sicca, regimen blandum

rudenter moderatum omnia symptomata lenit, quin iam morbo interdum medetur.

Introitus secundi stadii, quod, quoad anatomica hænomena, comprehendit initium processus illius lollis, ut dicit autor, mystici et deinde ulcerationis tum ex aucto dolore tum persæpe ex primo accessu vomitus fluidi pituitosi, flocculis atro-fuscis sanguineque, gesto intermixti, cognosci potest. Ulcus jam adesse s; est opinari, quum observatur: summa sensibilitas ventriculi minimo quidem cibo irritati, quæ pyrosi interdum stipatur; cardialgia vehementissima, jam ventriculo vacuo, jam post coenam aggravata et tum vomitu sæpissime levata; vomitus ille fluidi pituitosi, ssci sæpius recurrens; epigastrii dolor, qui inprimis loco circumscripto pressione externa augetur, sive minor sentitur, sive non sentitur; macrescit ægrotus, laborat etiam illo, ut dicunt, erethismo nervoso; animus tristis esse solet; nulla cachexia specifica indagarri potest, æger nihil queritur nisi de ventriculo, neque raro manu indicare potest punctum ulcerationis quasi fontem, unde omnes molestiæ et dolores emanant.

Tertium stadium a perfecta parietum ventriculi perforatione incipit. Symptomata inde fluentia variant secundum varium perforationis exitum. Aut extravasatio existit contentorum ventriculi in cavitationem peritonæi, aut concretione ventriculi cum alio organo vicino prohibetur. — Quod prius quum accidit, perforatio aut fit inter vehementissimum cardialgiæ

paroxysmum, qui tum extravasatione fluidi vel aëris in cavitationem peritonæi et peritonitide, quæ ita oritur, in summos ægroti cruciatus augetur; aut, ægroto omnibus molestiis libero, subito incipit peritonitis vehementissima, doloribus violentis ab epigastrio orientibus stipata. Perforationem, ut refert *Cruveilhier*, quum corpus vehementius contendatur, interdum occurrere, *Rokitansky* haud negat; ipse vero nunquam observavit. Sin organum quoddam ventriculi vicinum — velut hepar, pancreas etc. — et cum illo concretum extravasationi resistat, momentum perforationis indicari non posse, censet autor; suspicionem autem movent violentissimi cardialgiæ paroxysmi, usque ad lipothymiam interdum aucti et per totum diem continuantes et larga hæmatemesi sanguinisque per anum excretionem haud raro stipati.

Dysenteriam ulcera ventriculi interdum comitari, observavit autor; quæ quum adest, alias vero rarius, irritatio linguæ et faucium, quam commemorat *Abercrombie*, cum aphthis et ulceribus parvulis apparet.

Quum symptomata, quæ supra allata sunt, respiciamus, non possumus non *Cruveilhiero* consentire, nullum hucusque observatum esse symptoma, quod per se morbum nostrum certo indicet<sup>1)</sup>, sin au-

---

<sup>1)</sup> *Portal* — Cours d'anatomie pathol: Tom. V p. 199  
cfr. *Lesser*: die Entzündung und Verschwärung der Schleim-

in imaginem morbi tam expressam apud ægros  
veniremus, qualis ab autoribus depingitur, diagno-  
sis tamen haud adeo difficilis esset. Quum autem  
historias ægrotorum a me observatorum respexerimus,  
semper persæpe se aliter habere, proh dolor! videbimus.

haut des Verdauungskanales p. 240 — symptoma affert,  
quod satis insigne existimat, et suo quidem jure, dum-  
modo semper inveniretur; equidem autem hocce nun-  
quam observavi neque ab aliis autoribus citatum inveni.  
Ægroti, inquit, qui ulceribus tunicarum ventriculi laborant  
materiam purulentam vomitu minus vel magis pertinace  
ejiciunt. Interdum cardialgiis laborant violentis, inter-  
dum ardore et siccitate intolerabili faucium. Multi me-  
dici tales ægros credidere phthisi pulmonali affectos esse,  
qui error facile evitatur, quum excreta alvina examinantur,  
quippe quæ materia purulenta minus vel magis intermixta  
semper inveniuntur. Pulsus in hisce ægrotis est durus, con-  
tractus, inæqualis; icterus haud raro intercurrit. Si mi-  
nora sunt ulcera, multa symptomata abesse possunt, ut  
morbus vix pro certo dignosci, semper tamen conjectari  
possit, si attentus sit medicus.

Excretionem talem materiæ purulentæ largam, ubi ad-  
sunt ulcera magna cum hepate, liene ulcerato vel abscessu  
vicino communicantia, accidere posse, haud nego; in  
ulceribus vero nostris nullam puris secretionem observavi.  
*Baile. Saml. ausersles. Abhandl. B. 20 p. 322* ructus foeti-  
dos, malesapidos, ubi adsint ulcera ventriculi, semper in-  
tercurrere censet; quod vero in observationibus meis haud  
inveni.



Licet accuratissima examinatio institueretur, nonnullæ ægrotæ — v. obs. XI. XIV. — omnia mala antecedentia negavere; aliæ quidem varia symptomata parum gravia accusavere, quæ tamen plerumque aliis morbis, quorum symptomata simul adfuerunt, — menostasiæ, hysteriæ — adscribebant; quin unus ægrotus — v. obs. V — adeo liber fuit omnibus symptomatibus ulceris, ut ipsa perforatio pæne perfici et peritonitis oriri posset sine ulla ægroti suspicionem de malo gravissimo præsentem; habitus externi mutatio solum fuit signum morbi lente proserpentis. Quum dein plerosque ægrotos vidi jam moribundos vel morbo adeo cruciatis, ut accuratam status præcedentis rationem reddere nequirent, parvi modo fuere relationes eorundem ad symptomatologiam illustrandam.

Nonnulli quidem ægroti in priore morbi periodo symptomata ejusdem observaverunt; sed in initio omnes molestiæ vix graviores fuerunt, quam ut negotiis solitis vacare possent ægroti; quare raro nosocomium petierunt, quod si tamen fecerunt, ibi haud diutius commorati sunt, quam ad remissionem symptomatum, quæ semper, et interdum sat diu durans, intercurrere solet — v. obs. IV. XVII. — Alia causa, quæ studium symptomatologiæ morbi nobis reddit difficilius, est frequens inter mulieres nostrates hysteria, omnes formas præbens; vix igitur puellæ vel foeminæ doloribus abdominis, pectoris etc. qui aliter non facile explicantur, laborant, quin ipsæ,

quidem ipse medicus, hysteriam adesse putent, quod in plerisque observationibus videmus. Pleræque ægrotæ sese antea sanas fuisse prædicaverunt, hysterica sola, ut crediderunt, laborantes, ob quem morbum a variis medicis vario successu tractatæ fuerunt. Quum autem hæcce symptomata, quæ dicuntur hysterica, examinare licuit, easdem plerumque invenimus molestias, quas autores nostri, nec injuria, cæcæ ventriculi adscribunt. Quoad symptomata igitur morbi, quæ in observationibus allatis et in pluribus ægrotis, quas sanatas esse credo, repertus sum, cæcæ autoribus generatim et universe vix discedo. Tanto symptoma vere pathognomicum esse dolum fixum et constantem in cardia vel ad curvaturam costarum spuriarum — inprimis sinistrarum — referentem, mox post ingestionem alimentorum, uti etiam pressione externa, auctum; intercurrent vomitiones et vomitus, mox ingestorum, mox muci spissi,urgi. Hoc sequuntur, vel ab initio comitantur, cardiæ paroxysmi, primum rariores et mitiores, dein vero frequentiores et vehementiores, postea hæmatemesis, excretiones sanguinis per anum, decrementum virium et carniū; lente vero progreditur morbus, et diu sæpe omnia symptomata remittunt. Signum quodammodo negativum, attentione tamen dignissimum, est absentia omnium symptomatum, quæ gastricismum indicant, velut abnormis linguae et saporis status, defectus appetitus etc. Lingua fere semper est pura, sapor normalis, et appetitus plerum-

que inmutatus, quin etiam auctus, usque ad ultimum morbi stadium sæpe pergens, per breve tempus interdum diminutus; rarum autem est ciborum tædium. Stipata esse possunt et sæpe sunt hæcce symptomata tota illorum phænomenorum multitudine, quæ demonstrant, vitam nervosam canalis alimentaris esse turbatam, vel, ut dicere solent, dyspepsiam nervosam adesse, quæque haud raro adeo prævalent, ut symptomata læsionis principalis minus observentur. Duo inter hæc primaria exstant symptomata, quæ in plerisque nostris ægrotis observata sunt: alvi segnities et tristitia mentis.

*Cruveilhier* indolem morbi chronicam nomine, quod illi attribuit, indicavit, quam autem *Rokitansky* haud omnino concessit, monens ulcus sæpe sat cito increescere et profunde excavari perforationem producens. Equidem autem non possum quin *Cruveilhiero* consentiam: decursum morbi generatim esse admodum chronicum; nam in omnibus fere meis ægrotis, in quibus decursum morbi sequi potui, eadem symptomata, quibus supremo vitæ tempore laboravere, per plures, quin per multos annos ante mortem continua vel post intervalla varia recurrentia, observavimus. *Langston Parker* errare mihi videtur, quum putat, acutam morbi nostri indolem interdum esse; hanc certe opinionem vix probavit exemplis, quæ a *Cruveilhiero* citata assumpsit. Hic enim autor commemorat hominem antea sanum, qui duodecim mensibus post levem cholerae accessum

eeri perforanti succubuit, alterum, qui intra de-  
 n dies, postquam observata fuere symptomata ul-  
 ceris, obiit; tertium, qui per quinque menses mole-  
 stis gastricis laborans perforatione mortuus est.  
 Tres quidem autores crediderunt, certa morbi sta-  
 dia certis signis dignoscenda inveniri posse, *Roki-  
 tansky*, ut jam vidimus, tria habet stadia. Equidem  
 item nunquam illud stadium, quod primum *Rokitan-  
 sky* posuit, inveni, neque in observationibus aliorum  
 inveni, quæ illud demonstrarent. Symptomata illa  
 dyspeptica, vel gastritidis chronicæ levioris, ulceri  
 inire posse, haud nego; hosce autem morbos, ita  
 facile sanari, nullis insequentibus ulceribus, et ulcera,  
 si nulla talia symptomata adfuere, tam sæpe ad-  
 esse observavi, ut ullum inter illa nexum causalem  
 constituere non possim. Duo igitur stadia certa ob-  
 servata esse credo, *ulcerationis* et *perforationis*.  
 Symptomata stadii ulcerationis valde occulta esse,  
 si fere nulla, sæpe vidimus; nescio igitur, cur ex  
 his observationibus, quas enarrat L. Parker, mor-  
 bum acute decurrere statuum; melius acutiorem  
 morbi decursum monstrare forsitan videretur obs.  
 ista; ulcus vero, quod post mortem invenimus, quum  
 breviter duraverat morbus manifestus, vix ab illo ma-  
 gis chronico decurrente differt, ut potius statuendum  
 est, morbum jam diu durasse, nullis vero signis sese  
 prodidisse. Chronicam esse morbi nostri indolem  
 certo habeo, quanquam haud ideo nego, hunc,  
 alios morbos chronicos, solito citius interdum de-

currere. Uti acutiorem morbi decursum monstrat obs. IVta, admodum lentum in duobus aliis invenimus: obs. XVII. XVIII. In priore foeminam, XL annos natam, duodecim annos ante funestum morbi exitum ejusdem primordia sensisse puto in illis symptomatibus, quæ ab ægrota descripta sunt quasi hysterica; postea symptomata intervallis incertis, sed sat diu durantibus, semper aggravata redierunt, et sub finem vitæ tandem tota illorum series, qualem ab autoribus invenimus descriptam, emersit: dolor fixus, continuus cardiæ et hypochondrii sinistri, oppressio cardiæ, et doloris post ingestionem ciborum exacerbatio, pyrosis, nausea, segnities alvi perstinacissima, excretiones alvi tandem nigræ, piceæ, sanguineæ. In altero — XVIII — quinque annis ante mortem similia symptomata intercurrere. Hæmatemesis semel tantum ante eam, quæ vitam exstinxit, adfuit. Aliud exemplum mihi præbet ægrotus hisce diebus nosoconio receptus:

*Obs. XIX.* P. P., auriga, annos XLIV natus, refert se per plures annos, valetudine ceterum sana, laborasse vomituritionibus, quæ post intervalla incerta, sed sat longa, recurrerent; per novem menses oppressione cardiæ laboravit cum cardialgiis, hydroemesi, anorexia, dolore cardiæ pressione aucto; quæ tamen omnia per brevius vel longius tempus remissere, ut in intervallis bene valeret; epistaxis sæpius per idem tempus occurrit. Per proximum mensem continuo ægrotat, omnibus illis symptomatibus auc-



, continuis simul cum lumbagine, segnitie alvi  
 rtinacissima, ut ad medicamina semper refugiat.  
 e, antequam nosocomium intravit — 20 Decbr. 1840  
 inter vehementiorem cardialgiæ paroxysmum ac-  
 cessit nausea et dein hæmatemesis larga. Hæmate-  
 mesis et excretiones alvinæ, primum sanguineæ et  
 dein nigrae, piceæ, per quatuordecim dies continua-  
 re. Vires et carnes decreverunt, color faciei pal-  
 lidus cum rubore genarum circumscripto; dolor car-  
 næ modo levis restat; revalescere jam videtur.<sup>1)</sup>

1) Revalescentia breviter modo duravit; postquam enim per XIV  
 dies circiter vomitus siluisset, nullos percepisset ægrotus  
 dolores, cibos appetisset eosque bene tulisset, vomitus,  
 dolores etc. dein rediere, febrilia solitaque symptomata  
 hectica accessere finem vitæ ægroti inducentes die Martii  
 secundo 1841.

Sectione invenimus Omentum nigrescens, tenuissimum;  
 circa *insertionem* ejusdem ad arcum majorem ventriculi  
 corpora rotunda, dura, scirrhusa, variæ magnitudinis — a  
 piso ad ovum columbæ — adhæsere; singuli apparuere  
 tumores rotundi magnitudine pisi in variis locis in peri-  
 tonæo. Ventriculus cum hepate, liene, intestino colon ope  
 adhærentiarum celluloso-fibrosarum et tuberculorum con-  
 cretus fuit. Pancreatis caput modo manifeste apparuit,  
 cetera ejusdem pars in degenerationem tuberculosam vel  
 steatomotosam transiverat, quæ præsertim ad mediam ventri-  
 culi partem formavit tumorem densum, qui, quum cultro  
 incidebatur, substantiam monstravit compositam e tuber-  
 culis caseosis, mollibus, flavis, e corpusculis albis steatoma-  
 tosis, durioribus, et ex tela fibrosa, alba, dura, renitente.

Symptoma, quod in hisce ægrotis diagnosi confirmandæ maxime inservit, est excretio sanguinis et

---

Lien duas substantias præbuit varias: alteram, prope exitum vasorum, atro-rubram, granulatam, alteram magis superficiei, ruberrimam, firmam. Hepar normale. Venter quum ab oesophago incidebatur ad tractum arcus majoris, totam superficiem internam invenimus degeneratam; partim ulceratam, præsertim prope cardiam et in fundo, unde excrescentiæ celluloso-fungosæ sat magnæ, molles, atro-rubræ exiere, partim incrassatam, prominentias præbentem planas, molliores, flavas, in basi duriore sedentes. In pariete posteriore ventriculi duæ apparuerunt excavationes sat exacte rotundæ, cum marginibus duris, incrassatis, inæqualibus; altera lieni adhæsit, et in fundo ejusdem apparuerunt vasa venosa hiantia; specillum induci haud potuit, quia parietes tela circumdante degenerata comprimebantur; altera major pancreate vel tumore illo scirrroso nitebatur, fundus ejus maximam partem lævis, durus, rubro-grisens. Infra arcum minorem excavatio magnitudinis pisi cum marginibus lævibus, fundoque duro, albo inveniebatur. Parva ventriculi pars — ad diametrum pollicis et dimidii — prope pylorum sana fuit

Organa pectoris sana.

Ulcera simplicia hoc in casu morbum primarium fuisse, excavationes illas tres respiciens, opinor, dystrophiamque scirrhosam postea accidisse. *Rokitansky* similes fecisse observationes, postea videbimus.\*

---

\* Ægrotus, postquam opusculum meum jam conscriptum esset, mortuus est, quæ de causa hoc in loco allertur observatio, quæ forsitan melius in posteriore dissertationis parte, ubi de complicatione ulceris et scirrhi fit sermo, allerenda esset.

versum et deorsum<sup>2)</sup>, cujus tamen pretium a nexu cum ceteris symptomatibus pendet. Quod appetitus horum unius ægroti — obs. XVIII — extra paroxysmos immutatus fuit, attentione certe est dignum; hic altera ægrotata — obs. XVII — ingesta calidiora ne et quidem cum levamine quodam tulere, frigida item ingesta exacerbaverunt dolores.

Dolorem in observationibus allatis diversa loca occurrere, uti etiam varii autores observaverunt, invenimus; primum pone sternum, mox in epigastrio, mox in hypochondrio sinistro hæret. Lumbaginem plures accusant. Dolorem illum dorsi, quem inprimis commemorat *L. Parker*, in una ægrotata observavi, quæ tam alia phænomena attentione digna præbuit, uti etiam historiam morbi, et quæ sectione inventa sunt, referam:

*Obs. XXma.* A. G., virgo, XL annos nata, antea menstruata, in nosocomium die Julii quarto 1840

---

2) Cruveilhier vomitum materiæ fuscae grummosæ — sanguinis digesti — signum morbo nostro proprium putat; difficile autem ab illo fluido atro-fusco, quod, ubi adest scirrhus vel fungus ventriculi, evomitur, distingui potest, et si ex corruptione sola sanguinis, succi gastrici et acidorum ope producta, sequitur, post omnes hæmatemeses, certe accidere potest. *L. Parker* censet, excreta alvi nigra, ubi simul adsint cetera ulceris symptomata, sed nondum accesserit hæmatemesis, certum esse signum lentæ sanguinis ex ulcere secretionis, quod hæmatemesin præagiat.

recepta est. Per multos annos variis, ut credidit, hystericis symptomatibus, imprimis abdominalibus, tempore menstruationis semper remittentibus, fuit vexata. Proximo hoc semestri iisdem laboravit molestiis, sed longe vehementioribus et, quum accedebant menstrua, haud levatis. Adsunt enim dolores vagantes, apyreti, remittentes abdominis, imprimis tamen epigastrii et hypochondriorum, ad lumbos et dorsum serpentes cum flatulentia et borborygmis; post coenam semper augentur dolores et accedit vomituritio sine vomitu vero; queritur præterea frigus totius corporis cum sudore largo partiali, abdominis scilicet, conjunctum. Pedes semper frigescunt; oppressiones pectoris cum anxietate et fletu intercurrent. Appetitus normalis; alvus segnis, medicaminibus fere semper movenda; lingua et pulsus normales. Abdomen haud expansum pressione regionis epigastricæ dolet. Die insequente post receptionem in nosocomium accessit vomitus cum violento cardiæ dolore, partim ingestis provocatus, partim sponte accedens, mucosus, serosus; dein dolores imprimis querebatur dorsi cum doloribus cardiæ mox alternantes, mox simul intercurrentes. Per multa adhibita sunt medicamina: Hirudines, cucurbitæ cruentæ, vesicatoria, ungv. stibiatum; varia antispasmodica, argentum nitricum, sulphas ferri, calomel cum magisterio bismuthi etc, etc. Dolores nihilominus continuavere, partim in cardia hærentes, partim ad lumbos, dein, et quidem violentissimi, ad mediani columnam vertebralem diffusi, usu opii

terno et interno haud levati; vomitus continuavit  
 nunquam sanguineus vel fuscus coloris, mox diæta  
 etea, restricta, mox acetate morphiæ endermatice  
 applicata per aliquot dies silens, alimentis vero, quæ  
 semper appetivit, iterum assumptis, iterum recurrens;  
 virus per IV - V dies clausa clysmatibus simplicibus,  
 saponaceis etc., sæpius pluries repetendis, difficulter  
 remota est. Epigastrium post primum vomitus acces-  
 sum fuit extensum, dolorificum, ut explorationem  
 non permitteret ægra. Circa medium mensem Augu-  
 stum apparuit tumor glandulosus colli supra claviculam  
 dextram, qui valde doluit; ad angulum costarum VII.  
 et VIII. ejusdem lateris tumor exiguus, haud circumscrip-  
 tus, cuti concolor, non durus, eodem tempore acces-  
 sit, valde doluit, sed paucis diebus præterlapsis simul  
 cum tumore illo colli sponte evanuit. Dolor dorsi fere  
 quotidie increvit, antrosum sese tendens, quasi cin-  
 gulum formans, quod abdomen vehementer comprime-  
 ret. Vires jam indies decrevere; facies colorem ha-  
 buit terrestrem; sudor accessit largus; deliria cum  
 calore alternare: die Septembris decima mor-  
 tua est.

Sectio horis XVIII post mortem instituta est.  
 aperto pectore in utroque pulmone multa inveniebantur  
 corpora tuberculosa, rotunda, consistentia sevi  
 crassiusculi, involucri tenui circumdata; ad radicem pul-  
 monum inter glandulas bronchiales similia corpora  
 magnitudine nucis juglandis, eadem consistentia, alba  
 cum striis nigris, ramosis, ut speciem haberent



marmoream. Cor laxum, cum parietibus tenuibus; in pericardio aër et serum sanguinolentum. Ad capitula costarum IVtæ et IVtæ lateris dextri tumores duo observatisunt, magnitudine nucis avellanæ, peritonæo tecti, læves, molles; cultro his dissectis, capitula costæ ex parte destructa invenimus et in materiem rubram, granulatam mutata.

Abdomine dissecto, venas omenti et mesenterii vidimus aëre expansas. Ventriculus e situ normali remotus fuit, sinistrorsum scilicet, et ad perpendicularum directus. Primo adspectu apparuit corpus magnum, forma irregulari ac rotunda, glandulosa, ut videbatur, indole, pancreati quidem simile, quod ventriculus e situ normali removerat. Quod quum diligentius examinatum esset, repertus est pancreas tuberculis, quæ erant iis, quibus pulmones obsiti erant, similia, partim circumdatus, partim in media parte coopertus. Pancreas simul cum illis tumoribus fuit pondere  $\frac{3}{4}$ XXXII, diametro pollicum VI; massæ huic firmiter annexa fuere arteria aorta et intestinum duodenum. In superficie uteri interna similia corpora tuberculosa sunt inventa. Ventriculo aperto superficiem internam invenimus coloribus variis coloratam, tunicam mucosam ceterum normalem; versus cardiacam autem, pollicem I infra et sinistrorsum, adfuit cicatrix rimam formans, cum marginibus induratis, rugosis, longitudine pollicis dimidii; cellulosa in circumferentia ad diametrum pollicis unius, crassitie linearum I—II fuit adaucta; cetera normalia.

Utrum hoc in casu major doloris et symptomatum ceterorum pars ulceri sit attribuenda, an dystrophia illi pancreatis, difficile est discernere; attente hoc maxime dignum videtur, quod ulcus sanari soluit, licet alio tam gravi vitio laboraret organismus.

Quod contendit *L. Parker*, morbum in viris et foeminis diversa via decurrere, id observationes ræ vix confirmant. Pleræque foeminæ, quas vidi hoc morbo laborantes, omnino non chloroticæ fuerunt, comaliis menstruorum et variis malis hystericis<sup>1)</sup> eodem laboraverunt, robustæ tamen erant et habitu viridissimo. Cetera symptomata affectionis ventriculi, quæ apud eas perforationi præcedebant, ejusdem generis esse videbantur ac ea, quæ apud viros occurrunt; neque alias ventriculi mutationes in foemina, quam in virorum cadaveribus invenimus.

Marcorem, quem cito increescere refert *Abercrombie*, vix observavi nisi in nonnullis ægrotis, qui ante erant magis proVecti et morbo per longius tempus affecti. Pallor tum simul adfuit conspicuus, quasi cereus — obs. XVII. XVIII. — quem non possumus attribuere hæmorrhagiis, quæ sub finem morbi tantum accesserunt. Similem pallorem bis postea mihi contigit observare:

Nonne vero multa horum symptomatum, quæ alias hysteriæ adscribuntur, in talibus ægrotis morbo nostro debentur? Nonne etiam omnia solita hysteriæ symptomata abdominalia ulcere ventriculi provocari possunt?

*Obs: XXIma.* A. S., sutor, IL annos natus, marcidus, admodum pallidus, nosocomio XXII die Martii 1840 receptus, narravit, se ante tres annos vomitu ingestorum, per tres hebdomades continuas durante, laborasse, cujus causam ignoraret; et ante et post hoc tempus omnino bene valuit usque ad finem mensis proximi. Accessit tunc cardialgia, oppressio cardiæ post pastum molestissima, juncta cum difficultate deglutiendi et vomitu omnium ingestorum mox insequente largaque fluidi mucosi, acidi excretionem stipato. Nullum tumorem vel duritiem in regione ventriculi accuratissima exploratione indagare potuimus; nullum querebatur dolorem epigastrii, nisi vehementius premeretur. Hirudinibus pluries applicatis, moxa, diæta parcissima blandaque, pillulis ex argento nitrico confectis status ejus ita melior factus est, ut nosocomium sub exeuntem mensem Aprilem relinqueret, omnia sine ullo incommodo ferens alimenta, eademque admodum appetens.

*Obs. XXIIma.* Altera est foemina, annos LI nata, marcida, pallore eximio. Per sex annos laboravit oppressione cardiæ, nausea, exscreatione muci largi continua, hydremesi vomituque contentorum ventriculi haud solum post coenam, sed temporibus incertis recurrente. Per varia temporis spatia hæc symptomata omnino desiverunt, proximo vero anno sæpius intercurrerunt cum cardialgiis violentis et carnis viriumque decremento. Octo diebus ante introitum in nosocomium — IVto die Aprilis 1840 — car-

algia maximopere aucta, accessit vomitus materiæ  
 coeae, sanguineae, qui die ante introitum lipothymiam  
 ene produxit; intensa sitis; lingua pallida; alvus  
 semper seguis per octo dies jam clausa fuit. Explo-  
 ratione abdominis nullum invenimus tumorem aut  
 irritiem; pressione graviore dolor provocabatur in  
 eo circumscripto cardiæ prope curvaturam costarum  
 sinisterarum spuriarum. Hæmatemesis, quum in no-  
 comium recipiebatur ægra, desivit; cardialgia rarius  
 intercurrit; alimenta appetebantur. (Hirudines,  
 coxa, argent. nitric., diæta restricta, blanda; alvus  
 dysmatibus movebatur). — Versus medium mensem  
 maium omnibus symptomatibus, excepto colore pal-  
 lido, fugatis, ciborumque appetitu ita aucto, ut diæ-  
 tam a nobis sat largam, blandorum tamen semper  
 horum, præscriptam ægre continuare vellet, nosoco-  
 mium reliquit.

Similitudo, quam habent duæ hæ morbi historiæ  
 cum observatione XVIIma facile nobis apparere videtur.  
 Symptoma, quod in hisce et in plerisque ægrotis  
 affuit, pertinacem scilicet alvi segnitiam vel obsti-  
 nationem, *L. Parker* morbi nostri proprium esse suo  
 eodem jure contendit.

Licet medici certe maxime intersit, symptomata  
 ceris ab initio, vel perforatione saltem nondum ef-  
 fecta, æ: dum restat etiamnunc spes ægroti servandi,  
 agnoscere, signa tamen, quæ tertium stadium, per-  
 forationis dico, indicant, attentione maxime sunt

digna; hæc erant, quæ medicos ævi prægressi præsertim fecerunt attentos.

Supra autem vidimus tales parietum ventriculi perforationes duplicis generis esse, quum aut contenta in cavitationem peritonæi effunduntur, aut non effunduntur; varia inde fluere symptomata *Rokitansky* et alii jam monuere, quæ tamen accuratius examinare conabimur.

Perforatio ventriculi, quæ liberam contentorum in cavitationem peritonæi effusionem gignit, vehementissimis semper stipatur symptomatibus. Interdum accedit perforatio inter violentum cardialgiæ paroxysmum, postquam per brevius vel longius tempus talibus ægrotus continuo fuit obnoxius — obs. I. — III. — interdum vero, quod in pluribus observationibus vidimus, — II. — VII. — inter completam, per longius tempus durantem omnium symptomatum remissionem. Apud nonnullos homines perforatio accedit paullo post coenam — obs. I — apud alios, — ut referunt *Cruveilhier*, *Becker* — inter laborem mox post coenam susceptum; et, secundum alios auctores, qui exempla laudaverunt, interdum inter vehementiorem corporis contentionem (e. g. vomitum<sup>1)</sup>); apud

---

<sup>1)</sup> *Winkler*: Saml. ausserles. Abhandl. B. 21 p. 262. — *Lieutaud* historiæ anat: med: Lib. I. obs. 42. — *Boerhave* de morbo Wassenæi, — ibidem p. 263. — *Bellot* Journ: de med: an X Tom IV p. 265.



herosque tamen sine ulla fortuita causa. Sive autem inter cardialgiæ paroxysmum, sive tempore omni dolore vacuo perforatio erumpit, symptomatibus fere semper stipatur singularibus, quæ momentum rupturæ edicent. Ægroti enim, quum accedit perforatio, vel remittente solita cardialgia, vel nullis morbi symptomatibus antea observatis, sensum organi cujusdam abdominis interni subito rupti percipiunt — obs. II — et dolorem mox insequentem vehementissimum<sup>1)</sup> sentire solent. Dolor initio occupat epigastrium vel hypochondrium sinistrum, adeoque vehemens est, ut ægroti, qui diu ante cardialgiis vexati fuerint, hasce longe mitiores esse quam dolorem jam existentem, confirmant; dolor dein ad ceterum abdomen migrat, vel dorsum, ad lumbos, vel, quod referunt varii auctores<sup>2)</sup> et ipse semel observavi, — obs. III<sup>3)</sup> — ad scapulam dextram et nucham. Dolor sine ulla remissione usque ad mortem pergit, nullis medicamentis mitigatus, integra ægroti sui ipsius conscientia inaud turbata<sup>3)</sup>. Mox simul cum primo rupturæ sensu

1) Gerard — S. auserl. Abh. B 21 p. 278: „Der Schmerz ist nicht bloss sehr beträchtlich, sondern wirklich entsetzlich und grausam, und es scheint, als hätte die Beobachter keine Worte finden können, die ihnen stark genug schienen die Grösze desselben recht auszudrucken.“ — p. 139. „eine innere wirklich wunderbare Empfindung von einer tiefen und tödlichen Verletzung.“ —

2) Desgranges, Campton l. l. c. —

3) Becker l. c. similitudinem commemorat horum symptomatum et eorum, quæ ex ruptura ovarii vel tubæ gravidæ

et dolore accedit summus virium defectus et opinio mortis instantis certa — v. *Gerard*. Vomitus<sup>1)</sup> semel tantum post rupturam intercurrere solet — obs. I. II., — vomitiones autem per longius tempus continuant vanæ. In permultis casibus a *Gerard*, *Travers*, *Crampton* observatis, musculi abdominales adeo retracti et duri fuere, ut rigiditatem tetanicam pæne haberent, quod tamen aliæ observationes — una, quam descripsit *Becker*, et meæ — haud probaverunt; aliud autem symptoma, quod sæpe inde ab initio adfuit, aut, si rigiditas primum et contractio musculorum observata est, semper insequitur, est tympanica abdominis expansio, quæ et cruciatus ægrotorum admodum auget et alias affert molestias, dyspnoeam scilicet, quin etiam orthopnoeam cum propensitate ad lipothymiam et summa anxietate. Sitis inexplebilis esse solet, neque leniri potest, quin calamitates ægroti augeantur. Symptoma, quod, quum adest, maxime proprium existimari debet, præsto est, quum sentitur intus, quasi abdominis pondus quod inter motus ægroti situm mutat; *Trinius*<sup>2)</sup>, secundum *Becker*,

---

cum insequenti hæmorrhagia oriuntur; hæc ab *Heim* jamdudum sunt observata, v. *Horn* Archiv 1812 Jan. et Febr.

<sup>1)</sup> *Becker* credit, vomitum rarissime intercurrere post rupturam; desinunt contra, eo judice, si antea affuere, vomitiones et vomitus.

<sup>2)</sup> Vermischte Abl. aus d. Gebiete d. Heilk. von einer Gesellschaft praktischer Aerzte. Petersburg 4 Saml. 1826.

rimus hoc symptoma observavit ejusdemque mentionem fecit. Hinc conjunctus esse dicitur sensus frigoris interni simul cum decremento insigni temperaturæ in superficie corporis externa; utrumque autem symptoma tum modo adesse potest, quum ægroti majorem fluidi frigidi copiam post vel paullo ante rupturam ingesserunt. Facies mox mutari solet, colorabitur, fit pallida, anxia; extremitates frigore sunt marmoreo; sudor interdum accedit frigidus, viscidus; pulsus varie a variis autoribus describitur. *B. Trauers* pulsum observavit normalem usque ad initium saltem peritonitidis; *Gerard* pulsum invenit mox debilem, mox durum; celer autem semper fuit; æquidem pulsum semper inveni celerrimum, parvum, debilem; in hisce ægrotis autem peritonitis jam defuit.

Symptomata, quæ hucusque enumeravi, adeo morbi propria sunt, ut diagnosis medico, qui talem ægrotum semel viderit, vix difficilis esse possit, neque magna dubitatio relinquatur, an ipsi rupturæ vere debeantur. Subitaneum accessum et violentiam doloris, qui hunc morbum consequitur, longe superare dolorem, qui e qualibet viscerum abdominalium inflammatione oritur, omnes autores concedunt; causam autem hujus phænomeni variis modis interpretari conantur.

*Becker* censet causam doloris minus in ipsa ruptura quærendam esse, quam — „in der eigenthümlichen Einwirkung der in der Bauchhöhle ergossenen

Stoffe, auf die dieses für sie ganz fremdartigen Reizes ungewöhnten mit sehr zahlreichen Nerven versehenen und mit einer eigenthümlichen Reizbarkeit und Empfindlichkeit begabten Organe der Bauchhöhle." *I. More*<sup>1)</sup> dolorem irritationi, quam succus gastricus in cavum peritonæi effusus produxit, maxime adscribit. Equidem autem illis opinionibus vix possum assentiri, neque huic tertiæ, quam *Becker* etiam proposuit, "die durch die Einwirkung so fremdartiger Reize sehr schnell hervorgerufene Entzündung des Bauchfells und der äusseren Fläche des Darmcanals, die eben ihrer schnellen Entstehung und ihrer Eigenthümlichkeit wegen sehr schmerzhaft seyn muss." Perforationes intestinorum ortæ ex ulceribus, quæ inveniuntur in feбри typhosa, haud raro observantur; pluries et hisce quidem proximis diebus mihi contigit tales perforationes et peritonitidem inde secutam observare; apud nullos autem generis hujus ægrotos nec dolor nec alia symptomata simili violentia fuere; rupturæ certiores facti sumus solitis peritonitidis subitanæ signis; dolor autem vix fuit violentior illis torminibus, quæ apud ægrotos post typhum entericum convalescentes, diarrhoea adhuc continuante (sanatione igitur ulcerum nondum finita), sæpe intercurrunt, nec malum ullum aliud plerumque suspicati sunt ægroti; neque alius fuit dolor, quum

---

<sup>1)</sup> Phys. med. Journ. 1801 p. 728.

perforatio, præsentē adhuc febri, intercurrentē. Ducto materiam focalem minus irritantem esse materiam in ventriculo contentam; crēdo autem, dolorem et con-  
spicuum illum virium defectum magnam partem ipsi perforationi attribuendam esse; quin ganglion coelicum ejusdemque ramuli hic præsertim in causa sint, non dubito, considerans, quam sensibilia sint hæc organa, sive chemica sive mechanica efficiantur. Dolor, qui in nucha, in humero, ad lumbos etc. percipitur, mere sympathicus est, neque raro in aliis variorum abdominalium organorum affectionibus invenitur, sympathiæ e systemate gangliorum etati attribuendus. Subitanea vomitus intermissio et mechanicæ ventriculi læsioni et nervorum affectioni certe debetur. Spasmodicam musculorum abdominalium contractionem ex irritatione nervosa oriri, vix quisquam dubitat.

Ægrotum, ulceribus ventriculi laborantem, tetanum ortum esse hac æstate observavi; num quis sit nexus inter hosce duos morbos, decernere non audeo:

*Observatio XXIII.* sutor, XLI annos natus, in nosocomium XXdie Junii 1840 receptus est. Retulit, se a prima ætate laborasse doloribus hypochondrii sinistri, periodice recurrentibus pectusque versus ascendentibus, nauseaque et interdum vomitu stipatis. Ante duos annos laboravit affectione femoris et coxæ, quæ credidit, rheumatica, per triginta hebdomades durante cum emaciatione conspicua totius extremitatis, quæ moveri omnino non potuit; tandem emplastro



stibiato coxæ applicato plane sanatus est. Postea sanus ante quattuor dies primum animadvertit æger sensum singularem quasi constrictorium faucium, quem irritationi linguæ, a dente carioso productæ et jam per octo dies duranti, adscripsit; omnes alias causas, velut refrigerium etc., negavit. Ante duos dies lectum petere coactus est, et nocte insequente accessit dolor cardiæ spasmodicus, dorsum versus serpens et paullo post rigiditate dorsi stipatus. Symptomatibus increscentibus nosocomium petiit; potuit tamen etiamtum ambulare. — Trisium invenimus cum deglutitione difficillima, risum sardonicum, dolorem constrictorium cardiæ et pectoris, musculos abdominales tensos durosque, musculos dorsales eodem; processus spinosi vertebrarum, quum premebantur, dolebant. Alvus sponte aperta, pulsus (80) subtensus. — V. S.  $\frac{3}{4}$  XX; cucurbitæ XX in dorso; balneum tepidum; Vesicatorium magnum cardiæ applicatum; Calomellis gr. II cum acetate morphil gr.  $\frac{1}{15}$  singulis horis porrecta sunt. Quamdiu deglutire potuit, pulveres sumpsit; balneum tepidum repetiit; postea clyisma ex infuso herbæ nicotianæ; inunctiones unguenti stibiati in dorso etc.; omnia frustra adhibita sunt; die XXII Junii mortuus est. Sectio cadaveris, quod in abdomen cubuit, — sic enim mox post mortem positum est usque ad sectionem, — hora XXVI<sup>ma</sup> post mortem instituta est.

Facies risum sardonicum et rugas frontales retinuerat; musculi neque dorsales neque abdominales

olito duriores fuere. Maxillæ sat difficile divaricari  
 otuere. Capite aperto in cavitate cranii invenieba-  
 ur uncia circiter seri sanguine mixti. Superficies  
 externa cerebri pluribus in locis lymp̃ha sanguino-  
 centa coagulataque fuit oblecta. Venæ superficiales  
 ære et sanguine plenæ. Substantia cerebri et cere-  
 belli normalis; vasa ejusdem sat injecta. In lingua  
 illeus inveni omnino superficiale, pollicem ab apice  
 distans, in margine sinistro situm cum marginibus,  
 ut videbatur, consolidatis; nullus in circumferentia  
 tumor, nulla sanguinis congestio, nec vasa circumja-  
 centia tumeabant. In canali medullæ spinalis (arcubus  
 posterioribus vertebrarum remotis) meninges cum  
 tela cellulosa sero sanguineo fuerunt imbutæ, et ipsa  
 medulla rubescens congestionis vestigia manifesta  
 monstrabat; soliditas medullæ normalis. Ad inferio-  
 rem medullæ partem, paullo supra initium caudæ  
 equinæ, medulla formavit tumorem albidum, planum,  
 oblongum, sat firmum, e quo nervi sacrales exiere;  
 pollicem circiter longus fuit, lineas octo latus, lineas  
 quatuor crassus; chordæ nervinæ normales videbantur.

In pectore: nervus vagus fuit normalis; peri-  
 cardium continuit uncias circiter duas seri sanguinei,  
 uberrimi; cor magnum livido-rubrum; apex ruber-  
 ima. Ventriculus dexter aëre et sanguine ita ex-  
 tensus, ut, facta cultro punctura, aër cum sono suff-  
 ante et cum sanguine spumante prosiliret. Venæ  
 cordis et venæ cavæ etiam aërem continuere. Pul-  
 mones sani.

In abdomine: ventriculus cum diaphragmate, hepate, liene et intestino colon transverso concretus figuram admodum curvatam habuit, ut, pyloro ad cardiam attracto, arcus minor longitudinem pollicum duorum vix haberet. Tunica mucosa normalis, in pluribus locis paulum injecta. Ad arcum minorem quatuor ulcera inveniebantur recta linea inter cardiam et pylorum sita, magnitudine fabæ minoris fuere; unum fere consolidatum; cetera præbuerunt excavationem oblongam cum marginibus acutis et cum fundo colorem membranæ mucosæ gestante; usque ad peritonæum penetrare videbantur. Venæ ventriculi, hepatis, intestinorum, omenti aëre expansæ. — Utrum tetanus excoriationi linguæ, an ulceribus, an causæ alii incognitæ debeatur, decernere nequeo. Paralysis femoris dystrophiciæ medullæ adscribi certe debet; causam aëris in omnibus venis contenti difficile est indicare; nulla putredinis adfuere signa. Num opii usu provocatur talis sanguinis dissolutio? Similem aëris evolutionem in cadaveribus hominum, qui delirio trementi succubuerant, et qui largas opii doses ingesserant, pluries vidi.

Tympanitica abdominis expansio variis causis certe debetur. In omnibus enim casibus, ubi adfuit peritonitis, licet ruptura nondum accidisset, observabatur expansio levioris gradus; intestina sectiones monstrant aëre expansa, nullum autem aër ex ipsa cavitate abdominis prorumpens; hic sine dubio ille "spasmus inflativus" adest, qui secundum

*Becker* ex irritatione nervorum abdominalium extravasatione contentorum ventriculi oritur; quique tamen in omnibus peritonitidibus, e. g. puerperali, fere semper invenitur. Larga exsudati copia, quam in nulla alia peritonitide, excepta fortasse puerperali, tam cito tantopere incrementem observavi, expansionem auget. Denique, postquam ruptus est ventriculus, æger ingerit magnam fluidorum copiam, quæ mox in cavitatem abdominis profluit, expansionem, et vi mechanica et calore evoluto, augeri facile apparet; tum aër, dissecans integumentis abdominalibus simul cum fluido promittit. Summum virium defectum et præsagium mortis instantis, quæ symptomata ab autoribus nonnullis semper observata sunt, *Becker* non observavit; ubi adsunt, ex læsione ventriculi facile intelliguntur; *Hampton*<sup>1)</sup> etiam censet, ea simul cum morte cito occidente potius extinctioni ventriculi vitalitatis deberi quam peritonitidi, id quod alii autores censerunt.

Urinæ retentio — quam *Friess*<sup>2)</sup> a vesica per aqua compressa derivavit — ceteraque symptomata videntur peritonitidi esse adscribenda.

Hæc symptomata pertinent ad perforationem ventriculi, quum contenta ejusdem in cavitatem peritonei effunduntur; signane vero sint, quæ perforationem ventriculi sine contentorum effusione factam demon-

<sup>1)</sup> *Horns Archiv* 1821 Sept. Octbr. p. 302.

<sup>2)</sup> *Musæum der Heilkunde* B. Z. p. 82.

strent, et qualia sint, jam quærere conabimur. *Rokitansky* censet, momentum hujus ulcerum exitus haud certo indicari posse. Credit autem, cardialgiam summopere auctam et usque ad lipothymiam crescentem et per totos dies durantem, inprimis vero hæmatemesin largam, quam ortam putat ex erosione organi vicini aut majorum vasorum, hujus rei suspicionem movere. Quæ symptomata licet haud negem perforationis signa esse posse, ea tamen etiam inter solitum morbi decursum intercurrere posse, jam vidimus. Pluribus autem observationibus adductus—VIII-IX-XIII-et aliis, quas postea afferam—persuasum habeo, totalem perforationem vel ulcerationis ad peritonæum usque progressum, effusione haud insequente, symptomatibus stipari, quæ similia sunt iis, quæ perforationem et effusionem comitantur, licet illa, initio saltem, ab his differant. In hisce enim observationibus vidimus ægrotos, solitis ulceris symptomatibus, quæ præcesserant, aut omnino desinentibus, aut admodum remittentibus, dolore subito affici vehementi, qui ab epigastrio vel hypochondrio semper incipiat sensimque increseat, accedentibus dein solitis peritonitidis vehementis symptomatibus. Abest autem ille sensus rupturæ et doloris atrocissimi, subitaneus virium defectus, abdominis singularis retractio vel expansio mox cum dolore incipiens etc., neque symptomata sine ulla remissione a primo accessu continuantur. Pergunt sola peritonitidis vehementissimæ symptomata cum illo stabili ventriculi dolore, qui inter ceteros abdominis dolores



semper observatur, et qui semper loco circumscripto hæret. Citius etiam decurrere solent hæ peritonitides, quam ceteræ. Sectionibus invenimus: in obs. II peritonæum nondum ruptum esse, pancreate ruptum impediante; in obs. IX peritonæum destructum, hepar vero, quod effusioni resistebat, ventriculo agglutinatum et inflammatum, vel ulceratum. Peritonitides interdum levis gradus esse, obs. XI monstrare videtur. Ulcus quidem invenimus perforans, hepate autem occlusum fuit; nulla inventa sunt exsudati vestigia, nulla membrana plastica, quæ ventriculum hepati agglutinavit, excepta. Materiam exsudatam fortasse misisse parcam et methodi antiphlogisticæ, per tres hebdomades continuatæ, ope iterum absorptam credo, quod tamen, ætatem et debiles ægrotæ vires respiciens, contendere non audeo.

Non semper necesse esse, ad peritonitidem huiusmodi efficiendam ulceratio usque ad peritonæum pervenerit, monstrare videtur observatio, in qua vidimus ulcus non adeo profundum eundem habere exitum.

*Obs. XXIV:* A. S., XXII annos nata, die XI Julii 1840 in nosocomium recepta est; per octo menses haud menstruata, valetudine, ut videbatur, sana, retulit, se nullo morbo antea affectam fuisse, vomitu quidem sat sæpe torasse post coenam fere semper intercurrente gaque mucii copia stipato, nunquam vero dolores, cardiacæ nec hypochondriorum, percepisse. Ante quattuor dies, quum refrigerio exposita fuisset, rheu-

matismo afflicta est in musculis colli et nuchæ, qui vesicatorio mox restinctus est, ita ut die, antequam nobis apportata est, extra lectum versari posset negotiis solitis vacatura; post meridiem, paullo postquam sumsisset solutionem salis anglicani, doloribus abdominis subitis correpta est cum vomitu largo et diarrhoea. Medicus<sup>1)</sup>, statim vocatus, ægrotam invenit pallidam, cum pulsu parvo, celeri, abdomine expanso, pastoso, pressione maxime dolente — V. S. — Hirud. — aqua frigida. — In nosocomium die insequente receptam inveni pallidam, inquietam cum facie collapsa, anxia; extremitates fuerunt frigidæ, abdomen expansum, summe dolorificum, in regionibus iliacis obscure resonans. Vomitiones continuabant; diarrhoea desivit. Retulit ægrotam, diligentiore instituta examinatione, dolorem illum vehementem, subitaneum pone sternum exortum esse, ibi præcipue hæerere, inde ad ceterum abdomen simul manare; pulsus admodum debilis, celerrimus: — glacies extrinsecus et intrinsecus propinata, postea Træ opii gttæ V singulis horis; — alvus bis liquide aperta, vomitus pluries recurrebat viridis herbaceus; noctu XXXVI horis post primum morbi initium mortua est.

Dissecto XXVI horis post mortem cadavere invenimus: omentum admodum injectum; exsudatum

---

<sup>1)</sup> Doctissimus *Sommer*, qui historiam morbi ab ægrotam narratam confirmavit.

vum, spissum, purulentum, in tota abdominis cavi-  
 tate effusum; inprimis pelvis minor impleta erat.  
 superficie externa ventriculi nil observatum est  
 enorme; tunica ejusdem mucosa normalis fuit; in  
 pariete posteriore, paullo infra arcum minorem, duo-  
 bus pollicibus a cardia distans observabatur ulcus  
 tunicam mucosam et ex parte tunicam muscularem  
 penetrans, oblongum, magnitudine fabæ, cum margine  
 lævi, dextrorsum paulum incrassato; in fundo ulce-  
 ris fibræ musculares apparuerunt. Paullo infra dex-  
 torsum observata est cicatrix 3: macula alba, dura,  
 mediocriter elevata, a cujus centro striæ albæ radia-  
 ntes exiunt. In anteriore pariete ventriculi, tres pol-  
 lices circiter a pyloro distans, pollicem infra arcum  
 minorem, ulcus adfuit rotundum cum margine lævi,  
 paulum indurato, tunicam tantum mucosam penetrans.  
 Adfuerunt simul plures folliculi tumidi, rotundi, cum  
 punctis nigricantibus, centrum occupantibus, maxime  
 a pylorum et ad cardiam in pariete posteriore se-  
 dentes, pisum magnitudine vix superantes. In in-  
 teriore intestini ilium parte glandulæ Payeri maculas  
 formaverunt sat magnas (diametro pollicis et dimidii),  
 oblongas, præsertim prope coecum (in quo etiam adfuit  
 talis macula) sat elevatas, griseas, inæquales, haud  
 immo exulceratas. Uterus fuit normalis; ovaria  
 magnitudinem habebant ovi gallini, substantia firma,  
 dematosa, hydatidibus intermixta. Tubæ Fallopii  
 fimbriæ sanguine turgidæ. — Exemplum similis  
 inflammationis, quæ levioris gradus et faustioris exitus

fuit, nobis præbet obs. IVta. Symptomata peritonitidis, quæ mense Januario accessere, alteri ulceri, quod invenimus cicatricatum, certe debentur; simili modo afflicto mense Augusto succubuit æger; quin mors posteriori ulceri perforanti debeatur, nemini est dubium. Quod symptomata, quæ hasce peritonitides comitantur, longe vehementiora esse solent, quam solita hujus morbi symptomata, eidem fortasse causæ debetur, cui dolores et cetera symptomata violenta perforationem insequentia, læsioni dico plexus coeliaci. Nullam autem puto de ulceribus vel de perforatione ventriculi moveri posse suspicionem, quum, ut monstrat obs. Xma, peritonitis jam adest tam vehemens, quam illa puerperalis.

Ulcera sanari, symptomatibus per longum tempus prorsus desinentibus, opinari licet, et quidem certius, si habitus ægroti, antea morbosus, simul in melius vertitur. Utrum ulcera, quæ sanari videntur, recrudescant, quod fieri posse, se sæpius observasse refert *Rokitansky*, symptomatibus scilicet per longius tempus decrescentibus, iterum aggravatis, an nova existant, decernere vix audemus, remissionis, diu quidem durantis, in decursu ulcerum solitæ bene memores. Varia symptomata dyspeptica, ulceribus jam sanatis, continuare posse, etiam monet *Rokitansky*.

*Ætiol.* De ætiologia morbi verba, quibus usus est *Cruveilhier*: "l'histoire des causes de l'ulcère simple

de l'estomac est enveloppée dans une obscurité profonde," adhuc prohi dolor valent. Multi quidem auctores singulas proprias observationes respicientes varia invenisse credidere momenta, in quibus causa morbi esset quærenda; hypotheses vero tales sunt parvi pretii. Rectius sine dubio res retractabitur, si, quæ in singulis observationibus ad eam illustrandam conferre possunt, accurate describentur; quod si omnes, qui morbum observaverint, facerent auctores, nos tandem comperturos esse aliquid certi, sperare possemus. *Rokitansky* primus diligentiora instituit examina studuitque ex observationibus sat multis eruere, quatenus variæ ægrotorum ætates, sexus, vitæ genera etc. causas genescos morbi variæ contineant. Ex observationibus ejusdem auctoris planum est, morbum nostrum longe frequentius occurrere, quam hucusque crediderunt auctores, quod *Cruveilhier* etiam se invenisse profitetur.<sup>1)</sup> *Rokitansky* in dissertatione sua casus commemorat LXXIX, quorum XLVI apud foeminas, XXXIII apud viros; æquidem differentiam longe majorem quoad sexum inveni; inter XXXII ægrotos XXIII fuere foeminæ, IX tantum viri. Opinio, quam affert *L. Parker*, ulcera ventriculi apud viros frequentiora esse quam

---

<sup>1)</sup> Præter observationes in utraque hujus opusculi particula commemoratas, ulcera in quattuor ægrotis mihi observare contigit; tres fuere foeminæ, unus vir; in aliis cicatrices inveni sat conspicuas.



apud foeminas, hisce observationibus vehementer quidem repugnat; sed vereor, ne ea sententia rationibus mere theoreticis neque experientia probatis nitatur. Dicit enim, se negare non posse, perforationem ventriculi ulceribus productam frequentius in foeminis, quam in viris occurrere, causam autem hujus rei in eo quærit, quod ulcera in viris longe facilius sanentur, quam in foeminis, quin etiam addit, se nunquam cicatrices in foeminis observasse, neque apud alios autores exempla cicatricum invenisse. Hanc vero sententiam omnino falsam esse, propriis et aliorum autorum<sup>1)</sup> observationibus ductus, contendere audeo. Equidem cicatrices pluries inveni, frequentius vero in foeminis.

Obs. X, XV et XXIV tria hujus rei exempla præbent, quartum in foemina alio morbo mortua inveni; quintum hisce proximis diebus mihi præbuit foemina XXVI annos nata, peritonitidi puerperali mortua. Ventriculus ita fuit constrictus, cingulo ab arcu majore minorem versus vergente quasi circumdatus, ut formam haberet clepsydræ, sive instrumenti, quo ad horas sabuli ope metiendas utimur. — Dissecto ventriculo invenimus, duos pollices a cardia dextrorsum distantem, in pariete ventriculi posteriore, paullo infra arcum minorem, cicatricem oblongam, modice elevatam, rugosam, pollicis circiter, et quod superat,

---

<sup>1)</sup> *Rokitansky* l. c. *Cruveilhier* in ventriculo foeminæ tres invenit cicatrices.

longitudine; cellulosa pone parietem ventriculi jacens condensata erat ventriculoque firme adhæsit. — Sed quamvis ventriculos omnium in nosocomio nostro per proximum annum mortuorum diligenter perlustraverim, in viris tales cicatrices his tantum inveni.<sup>1)</sup> Aliam causam, cur facilius sanentur ulcera in viris, quam in foeminis, quæsivit in vario morborum ventriculi statu, qui ulcerationi prægrediatur; in viris enim ulcerationem fere semper succedere gastritidis chronicæ; in foeminis autem nunquam signa gastritidis, sed fere semper attenuationem et pallorem omnium ventriculi tunicarum inveniri; nunquam vero illam hypertrophiam tunicarum, vel omnium vel earum tantum, quæ ulcus cingunt, in foeminis observari; in viris denique labem lentam vel hæmatemesin provocare mortem, in foeminis perforationem esse solitum morbi exitum.

In observationibus, quas attuli, non inveni varios tunicæ mucosæ ventriculi status in variis sexibus: quare concludere non licebit, exitus morbi esse varios.

---

<sup>1)</sup> In altero duæ adfuere cicatrices: N. E. nosocomio die XXIV. Novembr. 1840 receptus, pneumonia affectus, die XXVI Novembris mortuus est. In media parte superficiæ internæ ventriculi duæ apparuerunt cicatrices, paullo infra arcum minorem sitæ, altera in pariete posteriore, altera in anteriore, sibi recta oppositæ; forma fuerunt stellata a puncto elevato exiere striæ radiatæ; in externa ventriculi superficie cicatricibus respondente cellulosa condensata apparuit.

Equidem contra hypertrophicum quendam tunicæ mucosæ statum, quem haud aliter describere potui, quam: gyros cerebralis similes formantem, in foeminis sæpius inveni, — obs. I. II. VII.

Neque de illis variis in viris et foeminis ventriculi statibus ullas apud alios autores inveni observationes, quæ sententiam *L. Parkeri* confirmarent. *Chaussier* quidem refert, se perforationes persæpe in puerperis invenisse; si vero numerus ceterarum foeminarum hoc morbo extinctarum cum puerperarum numero comparari posset, dubito certum quidquam inde concludi posse. In puerperis quidem, si peritonitide afficiantur, perforationem ulceris jam antea præsentis citius perfici ob emollitionem ventriculi, quam ego etiam haud raro observavi <sup>1)</sup>, non nego; ulcera vero inter graviditatem sæpius oriri, quam in statu non gravido, dubito; in virginibus pluries ulcera observavi. —

Quod ad ætatem ægrotorum attinet, *Rokitansky* inter foeminas illas quadraginta sex duodeviginti invenit natas annos quinquaginta aut plus, quindecim foeminas nondum triginta annorum, inter quas una annos undeviginti confecit, altera sep-

---

<sup>1)</sup> Emollitionem non solum tunicæ mucosæ ventriculi, sed omnium tunicarum, ut perfacile dilacerentur vel etiam levi tactu quasi deliquescant, in ægrotis, ubi adfuit peritonitis, præsertim puerperalis, sæpe inveniri, multis observationibus ductus, credo.

undecim, tertia sedecim; inter viros triginta tres quodecim compleverunt quinquaginta annos et plus, novem nondum triginta, inter quos unus tantum septendecim annorum.

Inter foeminas, quas observavi viginti tres, una sexaginta, duæ quadraginta annos compleverunt, quatuordecim viginti vel undetriginta annos fuerunt natæ, quinque triginta annos confecerunt, una triginta duos. -- E viris unus erat triginta duos, duo triginta quinque annos nati, sex quadraginta annos vel plus compleverant.

E quibus numeris nihil est concludendum, nisi parte hoc, foeminas junioris ætatis magis morbo expositas esse, quam viros ejusdem ætatis.

De vi, quam varium vitæ genus in genesin et recursum morbi exerceat, nihil certo scimus. Plurimæ ægotæ ad classem ancillarum pertinebant, singulæ quidem vitam miseram degerant; alii vero aures morbum etiam in hominibus laute viventibus observaverunt. Neque certius statuere possumus, quantum diætæ prava valeat; eam esse magni momenti ad morbum provocandum ex observatis concludere vix licebit; raro enim diætæ vitia, velut abusus spirituosorum etc, juniores foeminæ, in quibus morbus iterumque est observatus, committunt; viri illi fere omnes vitam omnino constantem et abstinentem degerant. Animi autem pathemata ad hunc, sicut ad ceteros vitæ digestionis morbos, vix sunt nullius momenti; quatenus autem, quamque vim habeant, ex observationibus haud apparet. Nexum adfuisse inter turba-

tas functiones sexuales et morbum nostrum, negare vix licet. *Becker* <sup>1)</sup> puellam commemorat, in qua menstrua suppressa primis nostri morbi symptomatibus stipabantur et usque ad mortem, quam perforatio provocavit, perturbata permanebant. Hydatides in ovariis haud raro in hisce ægrotis inventæ potius ad anomaliam menstruorum, quam ad morbum ventriculi pertinere certe videntur. De hæmorrhoidibus virorum idem valet. Nonnulli autores ulcera ventriculi exstitisse, quum varii morbi cutis chronici desivissent, referunt<sup>2)</sup>; exemplum talis metastaseos attentione dignissimum, a *Chaussier* enarratum et ab omnibus fere autoribus, qui de hac materia scripserunt, citatum, præbuit celeberrimus chemista *Darcet*: Anno vitæ septuagesimo, nullo alio morbo ante perfunctus, efflorescentia capitis quadam herpetica affectus est, quæ cum sponte evanisset, dolores inceperunt abdominis cum diarrhoea et solitis digestionis molestiis et habitu pallido juncti, ac post sex circiter hebdomades solitis rupturæ ventriculi correptus symptomatibus mortuus est. Sectio ulcus præbuit perforans quod erat plurium linearum diametro, in superficie anteriore et superiore ventriculi; paullo supra hoc

---

<sup>1)</sup> l. c.

<sup>2)</sup> *Lassus* et *Chaussier* v. *Becker* l. c., qui etiam monet de illa admonitione, quam de cardialgiis post transpirationem pedum suppressam celeb. *Lentin* facit.



tamen duo alia minora adfuere. In superficie interna circa foramina apparuit ulcus, margines habens duros, callosos, tumidos; duosque pollices ab eo distans aliud ulcus apparuit, quod parietes nonnisi perforaverat.

Plures autores, inter quos *Rokitansky*, censuerunt, hæc ulcera oriri inter vel mox post febrem intermittentem<sup>1)</sup>; neque desunt, qui eadem ulcera arthritidi, scrophulosi etc. deberi posse crediderint. Illis tamen sentiendiis vix certum quid statuere possumus. Fuere, qui putarent, ulcera nostra simili quodammodo esse syphiliticis, quare suspicati sunt, syphilin in causa esse. Quæ tamen similitudo non levis est, ut, deficiente etiam in plerisque casibus omni luis suspicione, regulam vix tollere valeat, nam etiam citat *Cruveilhier*: syphilin illam tantum mucosæ partem aggredi, quæ superficiei cordis externæ est vicina.

*Rokitansky* denique censet, ulcera irritationi ventriculi chronico-catarrhali, diu perduranti vel sæpe recurrenti, frequenter deberi; quam ad confirmandam

---

— „Um so mehr, als Einige ihre Magenbeschwerden von dem Zeitpunkte des Ausbleibens des Fiebers mit Ueberzeugung herleiteten. Der Process dürfte sofort nach Aelteren und Neueren ein Mal in der Uebertragung der Vitalitäts-Verstimmung von den Gangliencentren nach deren Peripherie, das andere Mal in eigentlicher stoffiger Ablagerung des Krankheitsprinzips seine Theorie finden.“

aut rejiciendam sententiam vix plus, quam ad ceteras, quas nuper attuli, judicandas, ex meis observationibus extorquere possum.

Quoad ceteras causas accidentales recte *Cruveilhier* certe dicit: "cette maladie reconnaît toutes les causes de la gastrite."

De origine ulceris dissertans varias jam opiniones autorum ætatis superioris attuli. Nemo certe est, qui adhuc dubitet, quin morbus noster processui ulcerationis, vel, ut verbis Hunteri utar, inflammationi ulcerativæ debeatur. Qualis vero sit sedes processus ulcerativæ, autores vix inter se consentiunt. In priore hujus opusculi particula pag. 70 ulcera commemoravi, quæ a pluribus autoribus, et ævi superioris et recentioribus, simul cum pustulis sunt inventa. *Lesser* <sup>1)</sup> hasce pustulas censuit esse folliculos inflammatos, cui sententiæ consentiunt *Billard* et *Cruveilhier*. Hic in posteriore dissertationis de ulcere perforante parte <sup>2)</sup> refert, se observationibus recentioribus eo perductum esse, ut putet, ulcera nostra ex talibus folliculis inflammatis oriri. Credit hunc morbum, gastritidem folliculosam, nondum satis diligenter ab autoribus esse tractatum, id quod autoribus anatomicis fortasse deberi credit, qui folliculos ventriculi nondum satis diligenter examinaverint: "Ces follicules sont innombrables, sphéroïdaux tout-à-fait semblables aux follicules isolés de l'intestin grêle, c'est-à-

---

<sup>1)</sup> l. c.

<sup>2)</sup> Anat. path. Livr. XXX.

re qu'ils offrent l'aspect de vésicules transparentes, et représentent assez exactement les vésicules corallaires des fruits des hespéridées; ils diffèrent donc en cet égard des follicules ombiliqués du gros intestin."

Inflammatiō ulcerosa folliculorum ventriculi, *Cruveilhier* autore, est species gastritidis haud raro occurrens; parvulae autem ulcerationes saepe haud observantur, quia muco spisso, quo tegi solet superficies interna ventriculi, occultantur. Vidit ventriculos, quorum superficies interna ulcerationibus parvis scatebat, quae sine dubio folliculis exulceratis delabantur. Ventriculum et intestina delineavit, in quibus maculae illae nigricantes inveniebantur, quae sine dubio jure habentur cicatrices folliculorum ulceratorum; similes enim sunt iis, quae post ulcera folliculorum intestinalium observantur. Hisce praemissis parem rationem horum ulcerum et morbi nostri monstrandam pergit autor: "C'est probablement par des érosions ou ulcérations folliculeuses que débute les ulcères chroniques de l'estomac. — Le fait suivant, que je viens d'observer tout récemment confirme pleinement cette manière de voir.

On m'a remis un estomac appartenant à une femme phthisique, âgée de 68 ans, qui n'avait, disait-on, présenté aucun symptôme du côté de l'estomac, qui avait conservé jusqu'au dernier moment un assez grand appétit.

Je trouvais: 1) un ulcère cicatrisé de la grandeur d'une pièce de vingt sous, occupant la grande

courbure de l'estomac au voisinage de la grosse tubérosité : la circonférence de cet ulcère était coupée à pic.

Une rainure circulaire profonde se voyait dans la moitié de l'étendue de cette circonférence, le fond de l'ulcère était constitué par un tissu fibreux mince mais très résistant.

Une zone rouge, mais peu régulière entourait l'ulcère ; examinée à la loupe cette zone était constituée par des pinceaux vasculaires d'apparence veineuse, aplatis, disposés suivant la longueur des villosités et aboutissant à des veines plus profondément placées. 2) Il-y-avait en outre dans cet estomac cinq autres ulcérations plus petites, dont trois avoisinaient l'ulcération principale et deux occupoient l'extrémité pylorique ; trois d'entre elles étoient lenticulaires, récentes et formées aux dépens de la muqueuse seulement ; les deux autres avoient un diamètre plus considérable et étoient formées aux dépens de la membrane muqueuse et de la membrane fibreuse ; un cercle rouge, qui entourait ces ulcérations comme d'ailleurs l'ulcération principale, annonçait, que toutes étoient en voie d'accroissement.

Enfin chez une femme de 50 ans, morte de phthisie pulmonaire avec dévoisement chronique, j'ai observé : 1) plusieurs ulcérations ardoisées dans le gros intestin, 2) des milliers d'ulcérations folliculeuses dans l'intestin grêle depuis la valvule iléocaecale jusqu'au pylore, car de petites érosions faites comme

avec une emporte-pièce se voyent dans la première partie de duodenum, immédiatement audessous du plore; 3) dans l'estomac une vingtaine d'ulcérations telles comme avec une emporte-pièce et tout-à-fait semblables aux ulcérations de l'intestin grêle. C'est la première fois que j'ai vu les ulcérations du canal alimentaire chez les phthisiques s'étendre jusqu'à l'estomac."

Vix sufficiunt argumenta, quæ in hisce observationibus reperta *Cruveilhier* adhibet, ut probet, ulcera nostra ex inflammatione folliculorum ulcerosa fieri. Nam probare solummodo videntur, ulcerationes folliculosas in ventriculo inveniri posse, si modo, imprimis eæ, quæ in priore casu commemorantur, vere ad folliculos pertineant, id quod ex descriptione haud satis elucere videtur. Ulcerationes enim tunicæ mucosæ ab ulcerationibus folliculorum distinguendas esse, satis constat<sup>1)</sup>. Sin autem folliculos inflammatos in ventriculo simul cum ulcere perforante invenimus — quod mihi bis contigit, v. obs. I et XXIV — haud ideo pro certo decernere licet, ulcus nostrum eidem affectioni deberi; in aliis et eisdem multo pluribus observationibus ulcera inventus superficialia tunicæ mucosæ simul cum ulcere perforante, quare omnes illæ ulcerationes modice profundæ, quæ in permultis et meis et aliorum obser-

---

1) v. Lesser l. c. p. 217. Billard.



vationibus inventæ sunt, me iudice, longe verisimilius habendæ sunt ulcerationes tunicæ mucosæ, quæ dein formam ulceris nostri solitam assumere possunt. Consideratur etiam illa et folliculi exulcerati et aliorum levius inflammatorum tumiditas, quæ, si unquam, raro deest, ubi adest enteritis folliculosa. Neque in enteritide folliculosa folliculum singulum unquam vidi exulceratum; nescio, an gastritis folliculosa aliter decurrere possit. Utrum autem morbus noster semper sit sequela gastritidis chronicæ, sive inflammatio folliculos, sive ipsam tunicam mucosam occupet, id quod credere videntur *Stoke*<sup>1)</sup>, *Krukenberg*<sup>2)</sup> et alii, necne, decernere non possumus; quin processus inflammatorius semper adsit, non dubitamus; num vero tam late manet, ut nomen gastritidis mereatur, an singula tantum loca occupet, nondum constat. Singulas cutis externæ partes ægrotare posse, integra cetera parte majore, quotidie videmus; nescio igitur, cur idem hic fieri non crederemus. In morbis cutaneis certam organismi diathesin morbosam fere semper adesse existimamus, aliquid simile fortasse in morbo nostro accidit, quod etiam plures autores credidisse videntur. *Winther*, illi rationi addictus, quam *Puchelt* inprimis professus<sup>3)</sup> est, systema venosum in omnes fere mu-

---

1) *W. Stoke*: Vorlesungen über die Heilung der inneren Krankheiten. Leipzig 1839.

2) *Jahrbücher der ambul. Klinik zu Halle*. B. 2. 1824.

3) *Henke Zeitschrift für die Statsarzneikunde*. 17 B. p. 391.

iones organicas vim putat exercere maximam; exulcerationes, emollitiones, hypertrophias et dystrophias omnes fere generis, morbo systematis venosi statui tribuit. Quum igitur non dubitat, quin ulcera nostra eidem vitio debeantur, hanc theoriam explicare audet, docens, causas illas, quæ talem venositatem facere dicantur, in ægrotis nostris plerumque inveniri, anomaliam scilicet menstruationis, graviditatem, hæmorrhoides etc.

Sed etiamsi hoc concedemus, negare tamen non audebit, ulcera etiam sæpe inveniri, ubi nulla talis venosi status signa adsint.

Aliam perforationis theoriam, quam difficile est probare, proposuit *Sobernheim* <sup>1)</sup>. Licet in pluribus casibus, inquit, perforationes ulceratione conspiciantur, provocentur, alii tamen sunt casus, in quibus nihil præter perforationem in ventriculo inveniatur enorme. Addit: "Hier nun scheint das Uebel in Folge einer chronischen Entzündung des vagus sich bilden zu haben, wodurch bei fortschreitender innerer mehr der paralysis annäherender Nervenaffection der Vitalitätseinfluss auf den Magen bedeutend gemindert, das natürliche Maass seiner Energi auf ein minimum herabgesetzt und dadurch der Grund zur Perforatio gelegt wird." Ad hanc theoriam proferam affert observationem, quam retulit *Desgran-*

---

<sup>1)</sup> Diagnostik der inneren Krankheiten. p. 152.

*ges*<sup>1)</sup>), puellæ, quæ, postquam per multos annos cardialgiis violentissimis fuisset affecta, perforatione ventriculi mortua est, et in cujus cadavere foramen ventriculi, ceterum omnino sani, inventum est rotundum cum marginibus duris, albis, sed sine ullo inflammationis signo. Laudat etiam observationem, quam J. *Frank*<sup>2)</sup>) attulit, rupturæ cordis, cujus causam censet fuisse tumores duos, qui magnitudine ovi columbini in nervo vago inveniebantur.

Licet vero negare nolim, magnam vim, nobis hucusque prohi dolor! fere omnino incognitam, in morbis organicis nervos habere, theoriam tamen illam nullis experientiæ aut analogiæ argumentis confirmatam cur approbem, nescio. Difficile etiam intelligimus, cur hæc vis nervi vagi morbosa in punctum tam parvum et circumscriptum tendatur, cetero ventriculo omnino integro relicto; nec facile quisquam similes aliorum organorum læsiones, quas hujus vel aliorum nervorum inflammatio produxerit, liquido demonstrare poterit. Nervum vagum accuratius explorans, ramos ejusdem nonnullos in una ægrota inveni sanguinis paullo plus solito continentes, ganglion coeliacum ejusdemque ramulos paullo majores, et, ut videbatur, molliores; sæpissime autem nihil eorum abnorme. In observatione rupturæ oesophagi, quæ in libro, qui inscribitur: "Praktiske Iagttagelser, udgivne af Phi-

---

<sup>1)</sup> l. c.

<sup>2)</sup> Prax. med. univers. præcepta Vol. I. Tom. II. p. 762.

atrien," Kjöbenhavn 1839, invenitur, nervus vagus apparuit in loco circumscripto cellulosa destitutus; ubi scilicet extravasatio adfuit parca, paulloque mollior et tenuior solito, ceterum vero sanus; in simili observatione a *Laisné*<sup>1)</sup> allata, similem vagi statum invenimus descriptum. Illæ duæ ægrotæ peritonitide puerperali affectæ fuere; quare etiam rupturas emolliitioni potius, quam ulceri simplici attribuendas esse censeo; emollitio enim ventriculi in iis foeminis, quæ peritonitide puerperali laboraverunt, ut jam monui, haud raro observatur; rupturæ, quemadmodum descriptæ sunt, vix solita ulceris nostri signa præbent.

"Un *diagnostic* différentiel rigoureux de l'ulcère *Diagn.*  
simple de l'estomac serait plus important pour le  
prognostic que pour la thérapeutique" monet *Cruveilhier*.  
Illæc autem verba vera modo sunt, si ad ultimum  
morbi stadium sive ad rupturam ventriculi referan-  
tur; inter decursum morbi est magni momenti cer-  
tam diagnosin habere. Nam etiamsi proverbium an-  
tiquum: "qui sufficit ad cognoscendum, sufficit ad cu-  
randum" non pro dolor! est verissimum, bene tamen  
cognoscere est initium certe curandi. *Cruveilhier*  
de symptomatibus disputans docet, pleraque morbi no-  
stri symptomata etiam inveniri et in *scirrhus ventri-*  
*culi* et in *gastritide chronica*. Sed etiamsi cum hisce

---

<sup>1)</sup> l. c. p. 109.

morbis confundatur noster, therapia tamen vix mag-nopere perturbari potest. In plerisque autem obser-vationibus vidimus, symptomata, quæ inflammatoriam morbi indolem indicent, rariora vel minus conspicua esse, quam illa nervosa; quare etiam, quod sæpius vidimus, morbus mere nervosus habitus est, et se-cundum hanc opinionem vix sine damno ægroti trac-tatus.

Licet autem sat difficilis persæpe sit diagno-sis inter morbum nostrum et morbos, quos supra no-minavi, diagnosin tamen interdum erui posse sat exactam, negare non licet. Raro enim in gastritide chronica invenimus dolorem adeo circumscriptum et tam paucis et levibus functionum ventriculi turbata-rum signis conjunctum; raro invenimus illos certis temporibus recursus et leve virium et carniū decre-mentum et, ut videtur, integrum ceteri organismi sta-tum, qui in morbo nostro, quamvis diu perduraverit, tam sæpe observatur.

Si scirrhus ad cardiam vel in media ventriculi parte hæret, si recens et ambitus haud magni est, eadem symptomata, quæ ulceris sunt, observari so-lent; progrediente autem scirrho, aucto tumore et intercurrente vomitu, qui scirrho habetur proprius, conclusio fit certior. Vomitus enim, ubi adest ulcus, aut mox post ingestionem aut temporibus incertis, et ante et post coenam, intercurrit; in scirrho pylori vomitus tribus vel quattuor horis post coenam accidit,



percipi solet tumor pylori, sicut etiam, secundum *Rokitansky*, plenitudo habitualis sacci coeci ventriculi dilatati adesse solet. Fluidum evomitum, quod habet colorem decocti cacaonis vel residui decocti officinæ, ut referunt auctores — *Cruveilhier* — ad scirrhum magis pertinet, et si vestigia substantiæ scirrhosæ simul evomuntur — *Rokitansky* — non est dubitandum, quin hic morbus adsit. Neque ad diagnosis constitutendam prætermittenda sunt signa, quæ nobis præbet ætas et habitus ægroti, quæque decursus morbi. Raro in junioribus occurrit scirrhus<sup>1)</sup>; neque unquam in ægrotis nostris, qui maximam partem juvenes fuere, observavimus colorem faciei terrestrum aut ceterum habitum cachecticum ceteraque cachexiæ scirrhosæ signa. Scirrhus vix unquam, nec citro nec remediis adhibitis remittit. Si scirrhus simul cum ulcere adest, quod sæpius — octies inter septuaginta novem ægrotos — vidit *Rokitansky*, nulla, ut facile apparet, inter ea esse potest diagnosis.

Supra jam monui, symptomata nervosa, quæ raro nostro morbo desunt, cum *hysteriæ* symptomatibus confundi posse, id quod etiam fieri sæpe vidimus. Causam hujus erroris indicavimus; negari non audeamus, diagnosis persæpe difficillimam esse. Cauti igitur esse debemus, quum hysteriam videmus

---

1) *Andral* — clinique med. T. IV. p. 74. — censet scirrhum rarissime ante annum 35 inveniri; semel vidit hominem XXII annos natum scirrho ventriculi affectum,

symptomatibus irritationis ventriculi complicatam, ne remediis incitantibus, quæ in hysteria adhiberi solent, malum potius augeamus, quam sanemus. Idem certe de *dyspepsia* apud viros valet.

Veritati magis congruere dixi verba *Cruveilhieri* de diagnosi, ubi de symptomatibus agit, quæ rupturam factam esse indicant. Licet autem nulla tum restet spes ægroti servandi, medici tamen et ægroti semper interest, ut certam de morbi indole notitiam habeamus. Alius morbus, cujus symptomata — secundum *Heim, Thymmel* — simillima sunt symptomatibus nostris, est *ruptura ovarii gravidæ*. Parvi quidem momenti hic est diagnosi, neque certe difficilis esse potest, si statum prægressum ægroti respiciamus. *Ruptura aneurismatis* vel alia hæmorrhagia interna aliis symptomatibus stipari solet.

*Rupturam intestinorum*, ulcerum sequelam, suspicari facile possumus ex morbo semper prægrediente. Inter causas, quæ rupturam ventriculi producere possunt, ab autoribus sæpe commemoratur *emollitio ventriculi*; symptomata, quæ hunc morbum in adultis indicant, licet autores recentiores, celeberr. *Louis* et *Cruveilhier*, operam dederint, ut ea emerent, tam obscura sunt et hucusque tam incognita, ut difficile ante mortem dignoscatur morbus; neque, quantum ex observationibus constat, ipsa ruptura in hisce casibus signis conspicuis comparet, ut, si re vera ruptura ante mortem accesserit, ægroti ipso morbo potius quam ruptura necari videantur. *Laisné*,

ii inter autores, qui optime de hac re scripserunt, ut numerandus, ulcera ventriculi cum vera ventriculi emollitione confundit, quod etiam valet de morbi descriptione, quam affert *Chaussier*, qui nullam habet distinctionem inter ulcus perforans — v. obs. III a *Laisné* citatam —, et ventriculi emolliti rupturam in foeminis peritonitide puerpérali affectis — v. *Laisné* obs. XIV-XV-XVI-etc. — quare jure quidem ceit *Laisné*: "Nach dieser Beschreibung ist es be- reiflich sehr schwer vor der Leichenöffnung zu erra- ten, dass eine Ruptur des Magens vorhanden sey." Quod ruptura vix dignosci potest, quum intercur- rit, ubi jam adest peritonitis violenta, e. g. puerpera- ta, vix eget monitione.

Observationibus I. II. VII. perlectis, non mi- rari possumus, si casus ejusmodi suspicionem *toxi- cationis* moveant; hanc opinionem sæpe prævaluisse apud autores et seculi superioris et recentiores constat; etiam a *Laisné* commemoratum invenimus casum, in quo chirurgus et medicus legalis propter perforationem ventriculi in homine subito mortuo in- ventam veneficium factum esse judicaverunt. *Portal*, *Libert*, *Pinel*, *Hallé*, *Pelletan* et *Chaussier* erro- rem hujus conclusionis monstrantes, perforationem- que habentes spontaneam, reum absolverunt. Magni est igitur momenti, ut facile apparet, hos morbos in- vicem distinguere. Quod ut diligentia quam maxima facere possimus, symptomata, quæ veneficium comi- tari soleant, respicere necesse est. Signa propria,

quæ monstrare existimantur, symptomata suspecta e toxicatione orta esse, hæc sunt: quod subito accedunt et cito mortem afferunt, quod semper incrementum; quod inter decursum semper sunt æqualia; quod mox post coenam, vel alimenti cuiuspiam ingestionem oriuntur; quod apparent in corpore antea omnino sano. Celeberrimus *Christison*<sup>1)</sup> qui hæc signa in opere suo eximio enumeravit, ipse monet, ea ad toxicationem probandam non sufficere; quod quidem quisque facile concedet, qui morbum nostrum observavit, cujus symptomata omnibus hisce signis stipata esse possunt, et quidem sæpissime stipantur.

Ipsa symptomata, quæ morbus noster et toxicatio habent communia, non nisi venenis irritantibus vel corrosivis et quidem largiore dosi assumptis provocari possunt. Veneno ejusmodi ingesto, percipere solet<sup>2)</sup> æger dolorem ardentem, pungentem linguæ, oris, faucium, cum sensu constrictorio faucium et deglutitione difficili sæpissime conjunctum, similem ardorem oesophagi et ventriculi cum nausea et vomitu, cum expansione et summa sensibilitate epigastrii; hæc symptomata interdum statim inter ingestionem veneni accedunt, interdum paullo post. Vomitus edere solet primum contenta ventriculi, dein mucum tenacem, tandem mucum sanguine tinctum et bili mixtum, interdum sanguinem purum. Lingua et fauces plus

---

<sup>1)</sup> *Christison* Abhandl. über die Gifte Weimar 1831.

<sup>2)</sup> idem ibidem

lito rubent et tument. Accedunt dein symptomata  
 anialis intestinalis affectæ cetera: dolores colici, pun-  
 gentes, ardentes, dilacerantes cum summa abdo-  
 minis sensibilitate et interdum expansione; persæpe  
 est diarrhoea cum tenesmis et ardore intestini  
 recti prolabentis, cum rubore et excoriatione ani; ex-  
 creta alvina mucosa et sæpe sanguinea sunt. Ad hæc  
 accedunt cetera organismi vehementer affecti symp-  
 tomata: habitus externi collapsus, dejectus virium,  
 pulsus celerrimus parvus, sudor frigidus variaque  
 symptomata nervosa.

Tota horum symptomatum series in hominibus,  
 si venena ingesserunt, occurrere solet; plura vero  
 et pauciora abesse quidem possunt, præsentibus  
 contra illis, quæ etiam in nostro morbo inveniuntur,  
 non fit, ut suspicio jure quodam oriatur; sunt tamen  
 nonnulla, quæ raro vel nunquam desint: ardor oris,  
 eructum, vel oesophagi, vomitus frequens, ardor et  
 calor dilacerans ventriculi, dolores colici omniaque  
 hæc symptomata continuo post alimenti vel po-  
 tionis ingestionem accedunt. Quod autem monet  
 Christison, toxicationem ex symptomatibus solis nun-  
 quam decerni posse, non possumus non concedere.  
 Alteram duarum viarum, quæ nobis restant ad accu-  
 ratioris morbi notitiam acquirendam, hic solummodo  
 aggrediemur, examinationem phænomenorum dico ana-  
 mico-pathologicorum, quæ autopsia cadaveris nobis  
 habet; altera vero, chemica scilicet contentorum ca-  
 veris cibariæ examinatio, huc non pertinet.



Inquirere igitur conabimur, ulcerane nostra, instituta cadaveris sectione, cum aliis ventriculi affectionibus confundi possint, et quomodo ab illis distinguantur.

Supra jam monui, callositatem marginum et indurationem circumferentiæ ulceri nostro esse propria; quum igitur inveniuntur ulcera cum apertura interna circulari, forma infundibuliformi—quum apertura interna major est quam externa—marginibus duris, callosis, albis, fundo lævi, albo, dum integra est cetera ventriculi superficies interna, morbum nostrum præsto esse, vix est dubitandum. Sed vidimus etiam hæc ulceris signa interdum deesse, ut margines sint tenues, quasi emolliti, decolores, rubescentes vel nigricantes<sup>1)</sup>. Quæ quum ita sint, difficilius ab aliis perforationibus dignoscitur nostra, nisi ratio morbi prægressi simul habeatur. Ubi ventriculus vi externa vel aëre post ingestionem alimenti cujusdam evolutus est ruptus<sup>2)</sup>, vel instrumento pungente est læsus, foramina sic producta vix cum nostris confunduntur: forma enim ceteræque læsionis rationes nos de vera illius natura certiores faciunt. Sed perforationes vere ulcerativæ, ex variis morbis ortæ, a variis autoribus allatæ sunt. *Richter*<sup>3)</sup> gastritidem acutam partia-

---

<sup>1)</sup> *Chaussier*. l. 1.

<sup>2)</sup> v. *Becker*. l. 1.

<sup>3)</sup> *Richter* Chir Bibl. B. 2 St. 23.

in describit, quæ gangrænam gignere potest; tum, tuta eschara gangrænosa, aut sequitur perforatio, ut restat ulcus; sed, ut omittamus raritatem<sup>1)</sup> gastritis acutæ, totius morbi decursus, vestigia inflammationis, quæ certe in circumferentia ulceris vel perforationis semper inveniuntur, et margines, qui signa ut gangrænæ prægressæ aut suppurationis præbent, agnoscere sat facilem reddere debent. Observationes hæc pertinentes attulerunt *Alliaud*<sup>2)</sup>, *Lorry*<sup>3)</sup>. *Becker* censet, similem gastritidem sequi posse post metastasin inflammationis aliarum partium, præsertim erysipelatosæ, ad ventriculum translatam. Duas observationes, quas ad gastrobrosin ex emollitione tulit *Jæger*<sup>4)</sup>, huc pertinere credit *Becker*. Hic porro putat, oriri posse inter febris decursum gastritides adynamicas, similem exitum habentes — ga-

---

1) *Stoke* refert, se cum pluribus medicis experientissimis *Abercrombi* omnino consentire, qui veram gastritidem acutam idiopathicam se nunquam observasse declarat, neque in aliorum autorum operibus ullam hujus morbi observationem invenit, nisi fortasse illam, quam affert *Haller* de viro, qui aqua frigida incaute ingesta hunc morbum sibi attraxit: — "the stomach was found to contain a fetid ichorous matter, and the fundus of it was inflamed with gangrenous spots and ulcerations."

2) *Memoires de la société de med.* 1786.

3) v. *Becker*. 1. 1.

4) *Hufeland Journ.* 1811. M i.

stritides occultas — in quibus inveniantur aut crustæ nigrae gangrænosæ nondum solutæ, aut perforationes, quales observaverunt: *Helmont*<sup>1)</sup>, *Reil*<sup>2)</sup>, *Bonnet*<sup>3)</sup>, *Chaussier*<sup>4)</sup>, *Santesson*<sup>5)</sup> *Siebold*<sup>6)</sup> *Haviland*<sup>7)</sup>. Raro certe fit, docet *Becker*, ut gastritis phlegmonosa in suppurationem abeat; quod autem si accidit, prægressis solitis suppurationis ineuntis signis, formatur abscessus, qui secundum eundem autorem varios exitus habere potest: 1) aut extrorsum abscessus sibi aperturam parat et, agglutinato ventriculo parieti anteriori abdominis, exstat fistula ventriculi; 2) aut introrsum solummodo rumpitur abscessus — peritonæo integro — in quo casu ægrotus aut hecticè moritur, aut cicatrix formatur — exemplum cicatricis monstrat præparatum, in *Musæo Meekeliano* conservatum; — 3) aut in alia organa serpit inflammatio; 4) aut in cavum peritonæi extravasatur pus, rupto abscessu. Licet tales existere posse abscessus negare nolim, exempla tamen, quæ affert *Becker*, — inprimis illa, quibus ad cicatricationem, corrosionem aliorum organo-

---

1) v. *Swieten* comment: in *Boerhave* aphor. Tom 3 p. 146

2) *Reil* Arch. für Physiol B. 4 p. 379.

3) *Sepulchr* T. Hep. 23.

4) *Neue Saml. auserles. Abh.*

5) *N. S. Abh. der schwed. Akad.* 1790. B. XI Leipzig 1792.

6) *Journal der Geburtshülfe* IV B. St. I.

7) *Erorieps* Notizen B. 4. N. 5.

m et perforationem probandam utitur, — parum  
 conspicua mihi videntur, et plerumque ad ulcera  
 nostra referri possunt.

Symptomata gastritidis chronicæ a symptomati-  
 bus ulceris perforantis difficile dignosci, jam concessi;  
 neque negavi ulcus nostrum gastritidem chronicam  
 insequi posse; credo igitur gastrobrocin illam ulce-  
 ram, quam habet *Becker* gastritidis chronicæ  
 sequelam, ad morbum nostrum referendam esse.  
 permulta exempla affert, inter quæ nonnulla, e. g.,  
 quod a *Spitta* et *Strempe* observatum, solitum ulcus  
 nostrum monstrant; de aliis autem valent verba, qui-  
 bus de pluribus observationibus autorum ævi supe-  
 rioris utitur autor: "indessen sind sie zu oberfläch-  
 lich erzählt um gewisse Resultate daraus zu ziehen."

Dystrophiam ventriculi scirrhosam et tuberculo-  
 sam<sup>1)</sup> in ulcerationem abire posse, jamdudum con-  
 stat; plures observationes hujus generis affert *Becker*,  
 quibus ipse feci; neque et inter hæc ulcera et  
 nostra diagnosi difficilis; sæpius autem induratio  
 cellulosa, quæ ulcus simplex cingit, cum scirrho  
 confunditur. Uti in ulceribus reliqui corporis illa  
 cellulosa induratio, quæ chronica inflammatione  
 provocatur, haud scirrhus nominatur, ita in ulcere  
 nostro hoc nomen vix maxime accommodatum; scir-  
 rhum autem talem indurationem insequi posse, fa-  
 cere credo; sed tum necesse est, ut alius esistat pro-

---

<sup>1)</sup> Lèveillé: *Frorieps* Not. Bd. XV NIX v. *Becker*.

cessus morbosus, qui semper secretionē abnormi et productione telæ abnormis stipatur; ubi igitur simplicem telæ cellulosaē hypertrophiam videmus, ibi vix de scirrho loqui debemus, quod tamen fecerunt multi autores<sup>1)</sup>. Difficilior autem est diagnosi, ubi ulcus simul cum scirrho adest<sup>2)</sup>. *Rokitansky* hæc variis modis conjuncta invenit. Interdum intra margines scirrhuso-fungosos apparuit ulcus, quod ex forma singulari facile cognoscebatur; interdum quum margines, ut solent, erant simplices, callosi, fundus ulceris excrescentias scirrhuso-fungosas præbuit; interdum circumferentia ulceris simplicis, quod habebat margines solitos callosos et formam ordinariam, indurationem exhibuit scirrhusam. Indolem scirrhi invenit; *Rokitansky* plerumque encephaloideam — qua de causa, et quia ulcerationes scirrhusæ perforationem parietum ventriculi rarissime producere

---

<sup>1)</sup> *Andral*: — clique med. IV. Vol. p. 64 contendit nullam aliam inter simplicem indurationem et hypertrophiam telæ cellulosa ventriculi et scirrhum differentiam esse, quam eam, quæ ex gradu et progressu morbi oritur; infra autem concedit: Depuis que ceci a été imprimé (1re édition 1827) mon opinion sur la nature du squirrhe s'est un peu modifiée et l'on pourra voir dans le Précis d'Anatomie pathologique, que squirrhe ne me semble plus consister seulement dans un simple état d'hypertrophie du tissu cellulaire. Il y a encore, là où il se forme, travail de sécrétion morbide.

<sup>2)</sup> v. p. 95.



oleant, neque formam illam omnino circularem, aut margines læves et quasi ad perpendicularum excisos unquam habeant, ulcus simplex esse morbum primarium, non dubitat.

Dicuntur quidem perforationes ab attenuatione partiali arctaque circumscripta proficisci, sed neminem quidem inter multas, quæ ad hanc rem illustrandam afferuntur, observationem inveni, quæ ulla ex parte probet, perforationem ejusmodi unquam factam esse, vel fieri posse. Omnes enim observationes, quas huc pertinere censent autores, rupturas præsent ulceris simplicis, cujus margines solitam crassitiem non habent. Ita *Gistrén*<sup>1)</sup> in ventriculo, ubi nulla inflammationis aut gangrænæ signa præbuit, invenit foramen, cujus margines fuere "tenues." *Castellier*<sup>2)</sup> in ventriculo puellæ, quam colica septem horas durans interemerat, duo foramina invenit, quasi globulo sclopetario producta, nec usquam laterata, quorum margines interni monstrabant tunicas ventriculi hic attenuatas. *Coste*<sup>3)</sup> in ventriculo tunica mucosa fere omnino destituto duo foramina invenit, quorum margines admodum tennes fuere. *Rauck*<sup>4)</sup> in ventriculo prope pylorum invenit foramen circulare cum marginibus tumidis:

---

1) *Hufeland Journ.* 1811 Juli.

2) *Journ. de med. par Leroux.* 1815. Mai.

3) *Coste London med. repository by Copland*, XX B. 1823.

4) l. c.

"forma", inquit, "foraminis circularis, ejusdemque peripherica crassities attribuenda est substantiæ stomachi, quæ inter contractionem leniorem subsequentem constanter retro cessit." Omnia hæcce ulcera simplicia esse, censeo; attenuationem tunicæ mucosæ simul in nonnullis adesse, facile concedo; sæpe enim emollitiones ventriculi partiales, e. g. partem linealem vel fundum ventriculi solummodo occupantes, et sine ulcere et cum ulcere inveni—v. obs. XVI; -emollitiones autem adeo circumscriptas, ut spatium pollicis tantum diametri, vel minus occuparent, nunquam observavi.

Vermesne ventriculum aut intestina perforare possint, nondum satis probavit experientia. Haud desunt quidem observationes ad talem perforationem probandam ab autoribus ævi superioris citatæ. *G. U. Wedel*<sup>1)</sup> duodenum et intestinum ilium vidit lumbricis perforatum. *Lazare Rivière*<sup>2)</sup> narrat, vermes intestina, hepar, cor perforasse. Journ. de med. Juin 1819 inter alias affert hanc observationem: "un homme de cinquante ans, dont les digestions étoient habituellement mauvaises, éprouva les symptômes de l'ileus et succomba le lendemain. A l'ouverture du cadaver on trouva plus de soixante vers lombricoïdes dans l'estomac, dont les parois étoient percées en cent endroits." Quales autem sint formæ,

---

1) Dict. des scienc. med. T. XL. p. 315.

2) ibidem.

margines ceteraque harum perforationum signa, nusquam inveni descriptum; itaque si re vera inveniantur, præsentia vermium ad diagnosin constituendam sola valet. Recentiores autem observationes, ut concludit *Mondiére*<sup>1)</sup>, fide dignæ monstrant, vermes intestina perforare posse; nulla vero producant ulcera. Vermes enim, ope extremitatis anterioris erectæ et in hoc statu satis rigidæ et fortis, laxas variarum telarum fibras a se invicem separant et transeunt; apperturæ ita factæ propter contractilitatem fibrarum iterum clauduntur; abscessus telæ subcutaneæ formantur, e quibus vermes evacuantur.

Maximi autem interest ulcera nostra et perforationes inde fluentes ab illis, quæ *venenis* provocantur, distinguere. Quum casus ejusmodi est judicandus, meminisse debemus, venena irritantia ulcerationes quidem provocare posse, raro autem perforationes, quæ venenis corrosivis solis producuntur. Simul dein est observandum, hominem, qui venenum ingesserit, aut mox post ingestionem mori, ut nulla reactio vitalis in ventriculo oriri possit, aut longiore tempore post ingestionem vivere, quo in casu solita violentæ irritationis et inflammationis symptomata existunt. In priore casu major veneni ingesti pars post mortem in ventriculo invenitur, quum necesse sit, ut larga copia sit ingesta, neque vomitus tam frequens adfuisse po-

<sup>1)</sup> L' experience, T. II p. 65 1838. v. Ugeskrift for Læger, B. 2 p. 397.

tuerit, ut evacuatum sit omne venenum; alterum si accidit, larga injectio vasorum, echymoses vel extravasatio sanguinis circa foramen vel in ceteris ventriculi partibus statim monstrabit, perforationem non esse spontaneam. *Christison* quidem affirmat, ulcera venenis provocata omnino similia esse ulceribus idiopathicis, neque ab ullis, nisi forsitan a scirrhis, distinguui posse. Inter numerum permagnum cadaverum, quæ per decennium vel dissecui vel dissecari vidi duos modo ulcerum idiopathicorum species vidi<sup>1)</sup>,

---

<sup>1)</sup> Semel tantum et quidem hoc proximo autumnno ulcus ventriculi vidi ad neutrum illorum supra nominatorum generum referendum:

*Obs. XXV.* N. L., XLVIII annos natus, nosocomium intravit die VIII Augusti 1840. Excepto morbo præsentis simili, quo aute viginti annos laboravit, autea se omnino sanum fuisse confirmavit, duobus abhinc mensibus stomacho affectus ægrotare incepit, laborans: oppressione cardiæ, anorexia, indigestione, vomituritione, vomituque omnium ingestorum mox post coenam accedente cum larga muci evacuatione. Vires et carnes in dies decrevere, non obstantibus remediis derivantibus fortioribus, autispasmodicis etc; vomitus continuavit inprimis mucosus, ut muci mensuram vel amplius per nyctemerum evomeret. Sept. die vicesimo obiit — Sectione invenimus in pectore: Cellulosam mediastini antica siccam, quasi aëri fuisset exposita: cor magnum, flaccidum; in pleura pulmonali sinistra inveniebatur lamina ossea longitudine pollicis. Pulmone dextro remoto, apparuit fluidum saniosum, rubro-griseum, partim ex oesophago, partim ex ulcere pulmonis efluens; in abdomine: ventriculo simul cum oesophago remoto et dissecto apparuit ulcus magnum partem inferiorem oeso-



scirrhusa dico et simplicia perforantia; hæc omnia fuisse forma et habitu illo singulari, quem descripsi, neque facile cum venenatis confundi potuere. Singula præterea in singulis ulceribus venenatis ex variis venenis inveniuntur signa, quæ illis habentur propria. Ulcerationes, vel potius corrosiones, et perforationes acidis mineralibus productæ tam late manant, ac sigillis inflammationis vel corrosionis faucium, oesophagi ventriculique tam manifestis stipantur, ut ad ea digressenda vix opus sit observare colorem marginum ulcerationis, qui invenitur, ubi ingestum est acidum

---

phagi — II pollices fere adscendens — et cardiam ventriculi — in pariete ventriculi posteriore ad pollicem unum et dimidium circiter descendens — occupans. Oesophagus in duobus locis ulceratione perforatus, lobo medio pulmonis dextri concretus, unde profecta est exulceratio circumscripta — diametro pollicis — pulmonis, quæ substantiam ad pollicem circiter penetravit, et telas pulmonis in massam saniosam, friabilem mutaverat. Ulcus oesophagi irregulare, superficie inæquali cum prominentiis parvulis atro-griseis, quibus etiam obsessi fuerunt margines ulceris ventriculi. Tunica mucosa ventriculi incrassata mucolargo, maculis atro-fuscis, quasi ex sanguine coagulato ortis, intermixto tecta fuit. Tunicæ ventriculi ad pylorum inprimis incrassatæ similibus prominentiis atro-griseis et ecchymosis obsessæ fuere: nulla adfuere scirrhi nec tuberculorum vestigia. Num hoc in casu viderimus gastritidem chronicam folliculosam, decernere non audeo. Folliculos tamen sedem morbi fuisse, credo, quum loca affecta respiciamus; similia etiam erant hæcce ulceribus, quæ in intestinis observantur.



nitricum, flavus, ubi acidum sulphuricum (et alcalia), fuscus, ubi *Jodine*, aurantiacus. Erosio etiam, ubi acidis perforatus est ventriculus, ad organa vicina transferri solet. Cetera venena irritantia: arsenicum, mercurius sublimatus corrosivus, acidum oxalicum escharas producere solent gangrænosas, tumorem inflammatorium, extravasationes sanguinis in cavo ventriculi aut echymoses tantum; margines ulcerum sunt inflammati vel gangrænosi.

Qualia vero sint signa ulcerum venenatorum cicatricantium, si forte ægrotus longius tempus post toxicationem superstes fuerit, neque observavi, nec observatum inveni.

Varii autores, qui observationes perforationum ventriculi attulere, tunicam peritonæalem majore ambitu destructam invenere, quam mucosam; perforationem ab externa ventriculi superficie ortam esse ideo crediderunt. Talem vero majorem ulcerationis aperturam externam ex inflammatione et ulceratione telæ cellulossæ adjacentis oriri posse variis observationibus, infra citandis, ductus haud dubito.

*Progn.* Prognosis qualis sit, ex observationibus, quæ hucusque occurrerunt, pro certo statuere vix audeo. Quæ enim sit ratio inter ulcera sanata et illa, quæ infaustum habent exitum, ex observationibus nostris vix perlucet, nec perlucere potest, quamdiu tam manca est symptomatologia et morbi incipientis diagnosis. Quin sanari possint ulcera, nemo dubitat. Conditiones autem, quæ sanationi faveant, indicaturi, certas

ere nullas proferre possumus. De hoc morbo regula sine dubio valet generalis: causam tollere primam esse sanationis conditionem; nescii vero, in quibus rebus causa posita sit, prognosin semper habemus dubiam. An in junioribus facilius sanetur morbus, quam in ægrotis ætate magis provectis, necimus; observationes autem monstrare videntur, ulcus in junioribus citius progredi perforationemque producere; in senioribus ulcera, majore induratione circumdata, lentius videntur progredi, marasmoque ægrotos necare. An prognosis apud foeminas magis dubia sit, quam apud viros, dubito; ratio perforationis et cicatricationis eadem fere est in utroque sexu, — si quid ex parvo observationum numero concludere licet.

Utrum ulcus omnino sæpius sanetur, an mortem inducat, difficile est decernere; proprias observationes respiciens, ulcera sæpius esse lethifera, quam sanari, credo. In cadaveribus circiter CC, quæ per proximum annum et dimidium dissecui, quorumque ventriculos diligenter perscrutatus sum, cicatrices crebres inveni, dum viginti ægrotos vidi perforationi succumbere; id vero inde persuasum habeo, ulcera frequentius occurrere, quam hucusque crediderunt auctores; numerus enim XXVI satis magnus est ex toto mortuorum CC numero, neque dubitare possumus, ulcera sæpe sanari, antequam magnos fecerint progressus, ut leves modo relinquunt cicatrices tempore longiore præterlapso sectionibus haud facile

observandas. Sanationem, nulla cura adhibita, sponte perfici posse, observationes, quæ cicatrices monstraverunt in ægrotis, qui nunquam de affectione ventriculi questi erant, probare videntur. Licet ulcus jam sanatum sit, haud ideo omni periculo liberum esse ægrotum, monet *Rokitansky*, qui magnam ad recidivam propensitatem observasse sibi videtur; putat etiam ægrotum, sanato ulcere, per longum tempus laborare posse variis molestiis dyspepticis, quæ tum maxime occurrunt, quum deformitates ventriculi cicatricibus provocatæ erunt.

Mortem variis modis produci, jam vidimus. Quintuplicem enim ex propriis et aliorum observationibus exitum lethiferum invenimus: moriuntur ægroti aut: 1) tabe, aut 2) hæmorrhagiis, aut 3) peritonitide, aut 4) perforatione, aut 5) alius organi læsione.

Mortis *tabe* provocatæ exempla præbent obs. XV-XVII; similia attulerunt *Rokitansky*, *Abercrombie*, *Houghton*.

Permultæ sunt observationes, quæ mortem hæmorrhagiis productam monstrent — obs. XVIII —, similes retulerunt *Abercrombie*, *Cruveilhier*, *Rokitansky* multique alii autores; hæmorrhagia autem mox ab erosione vasis majoris, velut arteriæ coronariæ ventriculi, arteriæ splenicæ — *Cruveilhier* — arteriæ pyloricæ, gastro - epiploicæ, gastro - duodenalis — *Rokitansky*; mox a stillatione sanguinis e tota ulceris superficie — obs. XVIII — oritur; permulta orificia vasorum minorum

aperta, vel sanguine coagulato clausa, oculis solis, vel arte adjuvatis, in ulceribus tum conspiciuntur — *Cruveilhier*; hæmorrhagiam interdum coagulo sanguinis, quod orificium vasis occludit, inhiberi, sed coagulo soluto mortalem redire, monet *Cruveilhier*; idem refert, ulcera, ubi adsit erosio vasis sanguiferi majoris, interdum quidem sanari, illamque vasis aperturam solam restare coagulo clausam, sed hæmorrhagia, remoto coagulo, postea redeunte ægrotum mori.

Malo igitur omine semper sunt hæmorrhagiæ; etiam, etiamsi non tam vehementes sunt, ut mortem statim afferant, ægrotos tamen debilitant et funestum morbi exitum accelerant. — *Rokitansky* observavit, etiam alias canales corrosionis ulcerosæ subire posse, e. g. ductum pancreaticum, quo fit, ut, sanato ulcere, restet fistula pancreatica, quæ sine dubio etiam additæ tabem augendam confert.

*Peritonitides* quæ occurrere possunt lethales, antequam rumpitur ventriculus, monstrant obs. VIII-X - XI - XIII. Peritonitidem lentius decurrentem hisce lineis observavi:

*Obs. (XXVI.)* D.F., virgo, XLIV annos nata, in nosocomium recepta est die VIto Januarii 1841. Egrota surda et imbecillis, emaciata et valde pallida erat; retulit, se per annum circiter laborare vomitu, interdum ingestorum, interdum muci spissi, largi, qui stipabatur dolore fixo et continuo cardiæ; accusavit etiam segnitiam alvi pertinacem, dyspnoeam et sum-



mum, per proximum tempus incrementem, virium et  
 carnum defectum. Ante octo dies afficiebatur dolo-  
 ribus vehementibus hypochondrii sinistri et pectoris  
 sinistri, vomitu aucto, obstipatione alvi completa et  
 postea tussi cum sputis initio sanguine tinctis.  
 Inspiratio profunda dolorem provocabat pectoris si-  
 nistri pungentem. Abdomen durum, pressione ex-  
 terna quidem sensibile, ad sinistrum hypochondrium  
 attactu valde dolebat; exploratione invenimus per-  
 cussionem sinistræ pectoris partis obscuriorem; ad  
 regionem infrascapularem et in axilla respiratio de-  
 ficiebat; anteriora versus respiratio bronchosa et bron-  
 chophonia. Pulsus CXX, tensus; alvus per biduum  
 haud mota. Venæsectio, antea bis instituta, repetita  
 est; vesicatorium, emulsio communis cum camphora.  
 Dolor pectoris sinistri decrevit, ut etiam dolor abdo-  
 minis, tussis continuavit cum dolore pectoris dextri,  
 ubi invenimus; respirationem in parte inferiore defi-  
 cientem, in superiore bronchosam cum bronchopho-  
 nia et postea roncho mucoso. Dolores abdominis,  
 hypochondrio sinistro semper inhærentes, mox remi-  
 sere, mox increvere, quare pluries repetitæ sunt hiru-  
 dines, ungu. neapol. etc. Die decimo octavo Januarii  
 dolor violentior evasit cum febrilibus intensis et su-  
 dore insequente largo; accusavit dein rachialgiam,  
 sitim, siccitatem faucium; pulsus exilis fuit; diar-  
 rhoea accessit; abdomen haud tensum pressione valde  
 doluit; per biduum vitæ extremum stupore obruta, nil



erens jacebat; die XXVI mortua est. — Sectio  
ris XVI post mortem instituta est.

In pectore invenimus pulmonem dextrum pleu-  
costali per adhærentias vetustas, jam partim soli-  
ss, partim molles, oedematosas agglutinatum; pars  
terior lobi inferioris grysea, oedematosa, emollita;  
ni bronchiales in superiore pulmonis parte dilatati,  
eco spumante pleni. Pulmo sinister etiam costis  
glutinatus; lobus inferior oedematosus; in apice  
crementum calculosum; bronchiæ dilatatæ. Cor  
rmale.

In abdomine intestina invenimus aëre paullum  
pansa, exsudato puriformi flavo-griseo tecta; exsu-  
tum purulentum cavum pelvis minoris implevit.  
entriculus parvus, forma irregulari, concretionibus  
ormibus contractus, in media parte constrictus.  
iusquam e situ removebatur, a pyloro ad tractum  
us majoris dissectus est; effluxit fluidum atro-fu-  
um, grummosum et conspiciebatur, in media ven-  
culi parte constrictio illa annularis, foramen rotun-  
an formans. Ventriculo deinde simul cum oeso-  
phago et lobo sinistro hepatis et liene et pancreate e  
llavere remoto, oesophago et parte cardiaca ven-  
culi dissectis, ab altera parte conspiciebatur con-  
strictio annularis, apparuitque, quo modo formata es-  
t: adfuit enim in pariete posteriore ventriculi paullo  
ra arcum minorem, cardiam propius. quam pylorum,  
us ex longo rotundum, diametro longiore pollicis et  
midii, diametro brevior pollicis, cum marginibus

modice elevatis, acutis, albis, duris, lævibus, quorum in inferiore parte singulæ tunicæ manifeste apparuerunt; fundus ulceris albo-griseus, lævis, durus cum singulis prominentiis parvulis, granulosis, lævibus, duris, rubro-griseis; nulla vestigia ichoris vel alia suppurationis signa. Circumferentia ulceris valde rugosa ab omni latere centrum ulceris versus contracta, quo ex parte formata est constrictio illa annularis, retracto scilicet arcu majore ventriculi arcum minorem versus; sic exstiterunt duæ ventriculi cavitates per foramen annulare communicantes, illa pylorica major, altera cardiaca minor. Tunica mucosa ventriculi ceterum sana. Fundus ulceris pancreate visus est, quod paullum hypertrophicum fuit. Constrictio ventriculi partim etiam formabatur a concreto ventriculo cum margine sinistro lobi hepatis sinistri cumque apice lienis et crure sinistro diaphragmatis. — Ovaria magnitudine ovi gallini, oedematosa, hydatidibus plena. Cetera organa normalia fuerunt.

Peritonitides, ubi nondum plane perforatæ sunt omnes ventriculi tunicæ, sanari posse, haud dubito; exemplum tamen hujus generis certum proferre nequeo.

*Perforatio* omnium tunicarum ventriculi duplicem habet exitum: aut contentis ventriculi libera in cavitate peritonæi paratur via; aut connexus ventriculi et organi vicini obstat extravasationi. Extravasatione facta, nulla restat spes vitæ servandæ.

Si quod organum aperturam occludit, ulcus eundem sanari potest<sup>1)</sup>, sæpius tamen continuatur ulceratio, varias destructiones provocans mortemque eundem afferens.

Varia organa ventriculo annecti atque inflammatione et exulceratione affici posse, permultæ observationes monstrant.

Rarum casum, in quo ulcus a liene exulcerato occlusum fuit, vidit *Zeviani*<sup>2)</sup>; utrum in illo casu, quem offert *Coze*<sup>3)</sup> totalem lienis suppurationem monstrantem, exulceratio a liene orta ad tunicas ventriculi eam corrosas translata esset, an ab ulcere exoriretur, pro certo decernere non voluit *Becker*, qui tamen eundem morbi decursum potius adoptat.

Hepatis et ventriculi concretionem — inter omnes frequentissimam — observaverunt *Corriall*<sup>4)</sup>, *Monnet*<sup>5)</sup>, *Braun*<sup>6)</sup>, *Reil*<sup>7)</sup>, *Schmalz*<sup>8)</sup>, *Automar*<sup>9)</sup>, *Keppelhaul*<sup>10)</sup>; eandem plures observationes

1) *Reil* l. c.

2) *Weigel* Italienisch. Bibl. Bd. II, A. 2. p. 204.

3) *Jour. d. med.* 1790 Febr.

4) *Journ. des Sçavans* an 1688.

5) *Sepulchr.* lib. 3. sect. 7. obs. 3.

6) *Saml. aus. Abh.* Bd. 7. p. 622.

7) *Archiv. für Phys.* Bd. 4. p. 382.

8) *Zeitschrift für Natur und Heilkunde*, herausgegeben von den Professoren der chir. med. Akademie zu Dresden. B. II. H. 1 1820.

9) *Denkwürdigkeiten über die letzten Lebenstage Napoleons* Th. II. p. 92.

10) *Sect. cadav. pathol.* Lugd. Batav. 1805. p. 19.

nostræ monstrant e. g. II. VII. IX. Hæ tamen coagulationes erant recentes, et lymphæ plastica, quæ formabantur, nondum concretione veram produxerat; similes observationes commemorat etiam *Chaussier*. Exemplum ulcerationis hepatis postea sanatæ, quod attulit *Bonnet*, supra — p. 75 — commemoravi.

Organon, quod frequenter perforationi obstat, rarius vero ipsum afficitur, est pancreas: obs. VIII-XI-XIII; pancreas nunquam vidi inflammatione ulcerativa affectum, hypertrophicum vero et structura solito duriore; simile quid observavit Dr. *Farre*<sup>1)</sup>, *Stadthafer*<sup>2)</sup>, *Reil*<sup>3)</sup>).

Plura exempla ventriculi perforati cumque integumentis abdominalibus connexi et fistularum inde exortarum, per quas per seriem annorum alimenta effluerunt, ab autoribus citantur; omnesne vero talium fistularum observationes, quas affert *Becker* citatas a van *Swieten*<sup>4)</sup>, *Petro Borello*<sup>5)</sup>, *Aug. Wencker*<sup>6)</sup>

---

<sup>1)</sup> *Medico-chir. transactions* Vol. 8.

<sup>2)</sup> *Tübinger Blätter für Natur und Arzneikunde* Bd. 2. H. 2. p. 183.

<sup>3)</sup> l. c. p. 375.

<sup>4)</sup> *Comment.* in *Boerhawe aphor.* T. III. Hildburgh, 1754. p. 150.

<sup>5)</sup> *Observ. med. phys.* Cént. I. obs. 66.

<sup>6)</sup> *Dissert. inaug. med. sistens observationem rariorem de virgine ventriculum per annos XXIII perforatum amente.* Argentor. 1735.

urrou<sup>1)</sup>, Olberg<sup>2)</sup>, Helm<sup>3)</sup>, Lovell<sup>4)</sup> et dein  
*Miscell: German: Vol. III. Cap. 3. p. 170. —*  
*Waff und Friedländer französische Annalen für die*  
*gemeine Naturgeschichte Hest. 4. Hamburg 1802.*  
 70. — *Diction: des sciences medic. T. 40. —*  
*nostrum morbum pertineant, decernere non pos-*  
*sum. Fundum ulceris integumentis abdominalibus*  
*und perforatis annexum præbet obs. XVII.*

Ventriculi perforati cum intestino colon cohæ-  
 rentis exempla afferunt: *Abercrombie*<sup>5)</sup>, *Haller*<sup>6)</sup>.  
 Observationem attentione dignam citat *Becker a F.*  
*pascalis*<sup>7)</sup> allatam, in qua ulcus ventriculi perforans

---

1) Medical facts and observations Vol. V. London 1794.

2) *Reils Archiv für die Phys. Bd. IV.*

3) *Gesundheits Taschenbuch für das Jahr 1801. Nr. 12.*

4) *American Recorder 1825 Januar.*

5) l. c.

6) *Opuscula path. obs. 23.*

7) The medical repository by Mitchill, Pascalis and Akerley  
 Vol. III. H. III. New-York 1816. "Der Krauke be-  
 schäftigte sich als Maler und Glasirer viel mit metallischen  
 Giften. Er magerte in den letzten Jahren seines Lebens  
 sehr ab, und spürte anhaltende Uebelkeit und Neigung  
 zum Erbrechen. Späterhin fühlte man eine Geschwulst  
 in der Magendgegend, die, da sie sich genau mit dem  
 Pulse bewegte, für eine Aneurisime gehalten ward. Bey  
 der Leichenöffnung fand man den Magen um ein Drittel  
 grösser als gewöhnlich. Er hing leicht mit dem Colon  
 und Netze zusammen, und als man diese Verbindung trennte



tumore quodam oclusum, inventum est; jure autem addit *Becker*: "ungern vermisst man die nähere Angabe der Beschaffenheit der Geschwulst sowohl als der Magenhäute;" paullo diligentior est observatio, a *Becker* citata, "tumoris magni scrophulosi" perforationem occludentis <sup>1)</sup>. Duo exempla citat *Becker* casus illius rari, in quo perforatio in saccum membranaceum transit, quæ attulerunt Dr. *Henning* <sup>2)</sup> et *Portal* <sup>3)</sup>. Similes cavitates commemorat *Rokitansky* — cfr. p. 73 — duo afferens exempla: 4te Beobachtung: — "in der Mitte des kleinen Bogens fand sich ein fast kreisrundes bey 2 Zoll im Durchmesser haltendes Loch, welches umfasst von einem scharf-leistigen Rande zu einem enteneygrossen, von einer zellig-fibrösen Membran ausgekleideten, nach hinten an das Pancreas, nach oben an den linken Leberlappen stossenden cavum führte." — 5te Beobachtung: — "in der Mitte der hinteren Wand und des klei-

---

fand sich daselbst eine Oeffnung von der Grösse eines Dollars, die aber in der Tiefe von einer Geschwulst bedeckt war.

<sup>1)</sup> "In der Sammlung des Dr. *Farre* befindet sich ein Magen mit einem Geschwür, welches von einer grossen scrophulösen, zwischen seiner untern und hintern Seite gelegenen Geschwulst bedeckt ward; das Netz ist mit kleinen Knoten bedeckt."

<sup>2)</sup> *Hufeland Journ.* Bd. 24. St. 1.

<sup>3)</sup> *Cours d'anatomie med.* T. v.

im Bogens ein fast handtellergrösses, rundes,  $2\frac{1}{2}$  Zoll im Durchmesser haltendes, von einem faltig zusammengezogenen Rande umgebenes Geschwür, das mit einer vom Pancreas, dem linken Leberlappen und dem kleinen Netze verschlossenen, ein Gansey fassenden Höhle führte. Auf der von jenen Gebilden dargestellten  $3\frac{1}{4}$  Zoll im Durchmesser haltenden Basis klappte, nach oben und links hin, mit einer hanfkorngrossen angefressenen Oeffnung der Stamm derarter. lienal., in deren Mitte ein kleiner Zweig derarter. pancreat-duoden. Der Darmcanal enthielt schwartzerechähnliche Materie." —

Licet cum *Stoke*<sup>1)</sup> non omnino consentire possim, exitum gastritidis chronicæ frequentissimum esse inflammationis ad alia organa propagationem, persuasum tamen habeo, hoc persæpe accidere, ubi adsunt ulcera nostra. Pluries enim mihi contigit observare inflammationes organorum vicinorum ab ulcere ventriculi sine ulla dubitatione exoriri. In obs. XLVta vidimus partem sinistram diaphragmatis inflammata, exulceratione corrosam et abscessum formatum permagnum. Similis casus postea mihi occurrit:

*Obs. XXVII:* J. H., nauta, XXII annos natus, habitu corporis, ut videbatur, valido, sano, decem annis abhinc feбри intermittente et postea variis symptomatibus, ut retulit, pectoralibus: oppressione pectoris, tussi etc. sæpius laboraverat. Die decimo ter-

<sup>1)</sup> l. c. p. 36.

tio Maji 1840 in nosocomium receptus narravit, se per novem dies ægrotare, laborantem febrilibus cum phantasiis nocturnis, oppressione pectoris medii cum tussi sat dolorifica, dolore cardiæ, vomitu ingestorum. Alvus liquide aperta fuit, lingua albida, pulsus celer, C. — Stethoscopia inflammationem inferioris partis pulmonis sinistri indicavit. Larga sanguinis copia venæsectionibus evacuata est; adhibita sunt calomel, saccharum saturni, derivantia externa. Tussis continuavit cum sputis sanguine tinctis; alvifluxus continuus; lingua fuit rubra, nuda, sicca; sensibilitas cardiæ summa; stupor, deliria, facies collapsa, abdominalis; die XXIX Maji mortuus est.

Sectio: dissectis integumentis abdominalibus et elevatis, ut dissecaretur diaphragma, ruptura ventriculi orta est, e qua profluxit mucus tenax, spissus, viridis. Dissecto diaphragmate, superficies inferior lobi inferioris pulmonis sinistri inveniebatur illi annexa per pseudo-membranam flavam, densam, mollem. Inferior pulmonis pars — pollicem circiter ascendens — hepatisata fuit, diaphragmati et pleuræ costali firmiter annexa. Superficies abdominalis diaphragmatis pseudo-membrana flava, I-II lineas densa, fuit oblecta; vestigia adfuere adhæSIONIS diaphragmatis cum ventriculo in eo scilicet loco, ubi adfuit ruptura ventriculi. In superficie externa ventriculi dein vidimus similia adhærentiæ recentis vestigia circa foramen, quod IV-V lineas a cardiâ sinistrorsum fuit situm, magnitudine circiter ovi colum-

li, oblongum; color superficiei externæ ventriculi  
 iegatus, maculas enim habuit fuscas, lividas, sat  
 gnas, forma irregulari, haud distincte limitatas,  
 parte splenica ventriculi maxime conspicuas. Dis-  
 to ventriculo, superficiem internam invenimus muco-  
 sso, griseo-viridi obtectam, ceterum ad arcum mi-  
 eum et ad cardiam et in fundo rubris punctis obsi-  
 u. Tunica mucosa mollis fuit, ut digito posset  
 eergi; striæ hic illic apparuerunt lucidi-griseæ, quæ  
 ensione ventriculi augebantur; tunica enim mu-  
 a ibi et ad arcum minorem aut in massam gelati-  
 am, semiliquidam mutata esse aut plane deesse  
 eebatur; in fundo tunica mucosa densior et firmior;  
 æ sanguine turgidæ. Apertura interna foraminis  
 gines habuit superiores — sursum et cardiam pro-  
 s; sitos — tumidos, ceteros vero tenues, emolli-

Tunica mucosa oesophagi, duodeni reliquique  
 alis intestinalis normalis.

Videmus hic inflammationem ventriculi ulcerati,  
 sa qualicunque auctam, ad diaphragma et dein  
 organa pectoris propagari, inflammatione et emol-  
 ne fere totius ventriculi stipari.

Sæpius autem videmus partem hepatis ulceri  
 riculi vicinam ventriculo inflammatione exsudativa  
 iali annecti et postea exulcerari, nullis inflamma-  
 lis reliqui organi symptomatibus inde sequenti-

Hepatitis tamen sequi posse, et abscessus  
 tis formari, ex observatione sequente liquebit.



*Obs. XXIII:* C. S., ancilla, XXVIII annos nata, antea rite, per tres menses proximos haud menstruata, marcida, nosocomio recepta est die quinto Novembris 1840. Retulit se antea variis symptomatibus hystericis et tussi sæpius laborasse. Duodecim diebus ante, quam nosocomium intravit, affecta est febrilibus sat violentis cum cephalalgia, siti, anorexia, sapore depravato, nausea et vomitu, quibus mox accessit dolor fixus, continuus inæ partis pectoris sinistri, et sursum et deorsum ad hypochondrium sinistrum et abdomen manans, tussique frequenti, expectoratum sanguineum ejiciente stipatus; dyspnoea notabilis et decubitus in latus sinistrum prohibitus fuit. Stethoscopia pleuropneumoniam in inferiore parte pectoris sinistri indicavit. Lingua fuit sicca, pulsus CX. Venæsectio larga et dein hirudines sunt applicatæ: pulvis Calomellis cum opio porrigebatur. Dolor continuavit gravissimus inprimis epigastrii sub costas spurias sinistras et in hypochondrio sinistro, ubi levissimam pressionem reformidabat ægrota. Symptomata pectoralia decreverunt, ut etiam stethoscopia monstravit pneumoniam resolvi; crepitatio enim magis humida evasit et dein in ronchum mucosum mutata est; respiratio tamen in infima pectoris parte admodum bronchosa et percussio obscura fuit. Dolorem accusavit humeri dextri; diarrhoea, ab initio morbi præsens, continuavit. Die duodecimo Novembris accessere febrilia vehementiora ab horripilationibus et frigore incipientia; dolorem accusavit abdo-



nis levi pressione dolentis, haud vero tumescentis; percussio sonum edidit obscuriorem in epigastrio et regione hypochondriaca dextra. Vomitiones continue situ erecto præsertim provocatæ; ructus molesti; lingua humida, albescens; pulsus C, parvus, debilis; urina ruberrima, turbida. Sudor deinceps accessit largus, per plures dies continuans. Continuationibus vomitionibus, vomitu, singultu et ructu, dolore abdominis minuto, symptomata hectica in dies increverunt; — die vicesimo secundo Novembris mortua est.

Sectio cadaveris horis duodeviginti post mortem instituta est.

Dissectis integumentis abdominis universalibus, invenimus superficiem internam parietis anterioris abdominis parieti anteriori ventriculi adhærentem, qui connexus partim rumpebatur, partim cultro solutus est, quo facto foramen ventriculi apparuit.

In pectore dein invenimus pulmonem dextrum cor sanum; pulmo sinister lobum superiorem habuit sanum; infima lobi inferioris pars hepatisata, albo-grisea, pollicem dimidium vel pollicem circumdensa, pleuræ costali adhærens. Pleura, quæ habuit pulmonis investit, admodum incrassata lacunar formavit cavi, cujus fundus fuit pleura diaphragmatica. Cavum hoc parvum pleura incrassata, flavo-grisea, quasi exulcerata, investitum puris fœtidi, grana uncias duas vel tres continebat.

In abdomine vidimus infra marginem anteriorem lobi dextri hepatis foramen ventriculi, quod supra

nominavimus; concretionis ventriculi cum pariete abdominali anteriore vestigia, quæ foramen circumdebant, partim erant fibrosa, dura, partim emollita, exulcerata; infiltratio purulenta in tela celluloso-fibrosa adhærentiarum simul apparuit. Lobus sinister hepatis, colore atro-coeruleo, ita cum ventriculo concretus fuit, ut illæsus ab eo haud separari posset; inter illum et ventriculum et lien et diaphragma adfuit abscessus magnus pus foetidum fuscum continens. Lobus sinister hepatis inscissus abscessum monstravit permagnum vel, potius emollitionem purulentam, quæ in media lobi parte cavitatem pus liquidum continentem formavit.

Dissecto ventriculo, duo vidimus ulcera rotunda diametro circiter pollicis: alterum in pariete anteriore ventriculi paullo infra arcum minorem et pollicem circiter a cardia dextrorsum situm; hepate, quod ventriculo ibi annexum fuit, — ut supra diximus — ita clausum fuit, ut specillus per fundum ulceris in abscessum hepatis suprajacentem protrudi posset; substantia enim hepatis ibi quidem emollita et in massam atro-fuscam mollem mutata fuit, nulla vero communicatio inter cavitatem abscessus et ventriculum adfuit. Margines ulceris fuere duri, læves, quasi accurate excisi, ut singulæ tunicæ conspicerentur. — Alterum ulcus in pariete anteriore ventriculi prope arcum minorem a pyloro pollicem et dimidium distabat; margines tumidi, læves fuere; fundus ulceris mollis, griseus parieti anteriori ventris adhæsit, a

uo, ut jam diximus, inter sectionem separabatur.unica mucosa ventriculi ceterum nil præbuit ab-  
orme.

Præbet hæc observatio attentione dignissima  
arias ulcerationis ventriculi sequelas: nam quin *pneu-  
monia, pleuritis exsudativa partialis, abscessus* inter  
diaphragma et ventriculum situs, *hepatitis cum ab-  
cessu hepatis, exulceratio parietis anterioris ventris*  
eodem fonte — *ulceribus ventriculi* — profecta  
nt, dubitare vix possumus; quin etiam decur-  
m morbi, symptomataque respicientes, certius quid  
atuere possumus: marcor ægrotæ et symptomata,  
quæ ipsa nominavit hysterica, sine dubio ulceribus  
elbentur; symptomata inflammationis, quæ duodecim  
ebus, antequam nosocomium intravit ægrotæ, ex-  
ta sunt, partim ad abscessum inter ventriculum  
diaphragma, partim dein ad pleuropneumoniæ  
rtinere videntur; febrilia, quæ XIIIto die No-  
mbris accessere violenta, inflammationis ad hepar  
opagationem et abscessus hepatis originem indicare  
didentur. Abscessum hepatis haud prius adfuisse,  
que perforationem ventriculi dein provocasse, minime  
hium mihi videtur, quum signa utriusque phæno-  
enis respicimus: emollitio suppurativa hepatis ad  
sum ventriculum nondum plane appropinquaverat:  
ari et indurati margines et alterum ulcus vicinum  
anem dubitationem certe tollunt. Huncce esse ve-  
um horum phænomenorum nexum, etiam ideo demon-  
rare studui, quia similes observationes ab autori-

bus haud semper recte intellectas invenimus. — Videmus ita casum nostro valde similem descriptum in libro, qui inscribitur: "Praktiske lagttagelser, udgivne af Philiatrien, Kjöbenhavn 1839. p. 49.," quem paucis verbis hic commemorabo.

A. B., LVII annos nata, vidua, die quinto Maji 1837 in nosocomium recepta est. Per longius tempus laboraverat malis, ut dixit, hystericis, oppensione cardiæ, vomitu ingestorum; duobus autem diebus ante introitum in nosocomium, corpore subito flexo, percepit dolorem pungentem hypochondrii dextri, paullo post in hypochondrium sinistrum migrantem vomituque, qui mox sponte cessavit, stipatum. Dolor hypochondrii sinistri continuavit conjunctus cum flatulentia, vomituritionibus, rigiditate dolorifica dorsi, dolore humerorum constante. Motus corporis sat impeditus fuit; abdomen tensum, durum, dolorificum præsertim circa umbilicum; dysuria; urina parca, colore aurantiaco; alvus per quinque dies clausa, flatus retenti; pulsus parvus, celer; sitis intensa; sapor amarus; lingua alba. Methodo antiphlogistica per quinque dies strenue adhibita, symptomata inflammatoria decrescere videbantur; die nono Maji accessit diarrhoea foetida, per plures dies continuans; dolores regionis epigastricæ et hypochondrii dextri redierunt, hirudinibus et vesicatorio dein fugati. Pneumonia, quæ die XVlllvo post introitum ægrotæ in nosocomium cernebatur, fauste methodo antiphlogistica tractabatur; diarrhoea vero, quæ simul cum pneu-



onia iterum accessit, continuavit cum excrementis fetidis, flavis et dein lacti similibus. Symptomaticus hecticis in dies auctis, ægrota die Augusti XVII<sup>mo</sup> obiit. —

Sectio monstravit abscessum magnum inter diaphragma et marginem superiorem et posteriorem hepatis. Parietes abscessus, qui in duos saccos, quorum dexter oblongior et angustior, sinister magis dilatatus fuit, quasi divisus usque ad lien extensus fuit, duri, læves formabantur e concretionibus firmis inter diaphragma, hepar, arcum minorem ventriculi cunctumque minus. In sacco sinistro dilatato adfuit canalis infundibuliformis, qui aperturam habuit ad cavitatem ventriculi ducentem, per quam intrudi potuit digitus, pollicem circiter et dimidium pone cardiam et dextrorsum sitam. Dissecto ventriculo apertura interna conspiciebatur in duas partes quasi fronte divisa, margines habens cicatricatos, læves, in circumferentia paullum induratos. Magis ad dextram versus in arcu minore inventum est foramen coecum, profundum, diametro pollicis dimidii, margine duro, inæquali, calloso circumdatum, quod cicatrix esse videbatur perforationis prægressæ, sed sanatæ, quæ nullam tamen in superficie externa ventriculi cicatricem reliquerat. Tunicæ hujus ventriculi partis incrassatæ, ceterum normales videbantur. Postquam viscera e cadavere remota essent, inveniebatur in pariete anteriore abscessus apertura, quæ ad cavum



peritonæi duxit; quæ tamen apertura inter dissectionem verisimiliter orta est.

In hepate inveniebantur duo abscessus limitati; alter major, magnitudine pugni, in superficie superiore lobi dextri; alter minor in superficie inferiore marginem versus posteriorem ejusdem lobi. Uterque, antequam incidebantur, fluctuationem præbuit manifestam. Continebant pus largum, benignum, quod etiam in illo abscessu inveniebatur, qui cum ventriculo communicavit; ille autem fere vacuus fuit. Abscessus hepatis minor hoc præbuit attentione dignum, quod duas haberet aperturas parvulas marginem posteriorem versus sitas; peritonæum autem, quod diaphragma investit, aperturas adhærentiis incipientibus clausit. Peritonæum ubique solito crassius et firminus; vesica fellea normalis, bilem parcam continens; in cavitate pelvis minoris seri limpidi unciae XXIV inveniebantur.

Jure quidem queruntur autores — doctiss. *Bal-  
lin, Hornemann, Müller* — quod momenta anamnesticæ haud exactiora haberi poterant; falli autem mihi videntur, dum opinantur, destructiones, quæ inventa sunt in hepate, per plures annos jam exstitisse, symptomatibusque gravibus, læsionem bilis præsertim secretæ indicantibus, verisimiliter stipatas fuisse; dum putant, se nulla symptomata antecedentia observasse, parvi tantum æstumantes oppressionem cardiæ et vomitum ingestorum, quibus per hyemem superiorem laboraverat ægrota; dum opinantur

capturam abscessus verisimiliter tum accidisse, quum egrota corpore flexo primum percepit dolorem pungentem vehementiorem. Ulcera ventriculi haud satis respexerunt, quæ, me iudice, omnia symptomata sat facile explicant.

Abscessus tales magnos etiam prope ventriculum cum cavitate ejusdem haud communicantes formari posse, vidimus in obs. XII - XX. Quam cito formari possit abscessus, exemplum mihi communicavit collega experientissimus *Müllertz*: Puella, sedecim annos nata, nondum menstruata, quæ sæpius antea doloribus colicis laboraverat, die tertio Decembris 1836 vespere, quum ante et per totum hunc diem optime valuisset, subito correpta est doloribus abdominis violentis, qui vomitu pluries redeunte omnibusque peritonitidis symptomatibus stipabantur. Methodus antiphlogistica strenue adhibita nullum effecit levamen; dolores per sequentem diem interitum paullum remiserunt, vomitus recurrerunt vehementes; tertio die post mortua est. Sectione abscessus magnus, mensuram circiter puris benigni continens, inventus est inter arcum majorem ventriculi et intestinum colon transversum. Ventriculus et intestina aëre admodum expansa; ceterum nihil abnormie in cavitate ventris inveniebatur. Ventriculo pressione brevi collapsa, apertura apparuit in anteriore arcus minoris superficie; ventriculo dissecto alterum ulcus priori oppositum in superficie posteriore apparuit, parietes ventriculi, ceterum sanos, etiam perforans.

Quam diu duret morbus noster, indicare non possumus; eum autem solere lente decurrere, jam supra monui.

Perforatione autem facta, mors cito sequitur; *Gérard* ægrotos intra horas XXIV post rupturam semper mori putat. Proprias meas observationes respiciens, nihil habeo, quod huic sententiæ repugnet. Nam quum ægroti pluribus diebus post accessum symptomatum superstites fuerunt, puto, peritonitidem ante perforationem ventriculi perfectam existisse, atque hæcce symptomata, symptomatibus ipsius rupturæ similia, provocasse. *Becker* putat, signum esse rupturæ, si vomitus antea intercurrentes subito desinat, sed cetera symptomata continentur, vel augeantur. Vidimus autem ipsam rupturam accidere posse sine ullis signis singularibus, ubi jam adest peritonitis vehemens, quare nil inde concludere licet ad terminum vitæ post rupturam indicandum.

Extravasationem materiæ foecalis, quæ perforationes intestinorum insequitur, mortem haud tam cito afferre videmus in observatione, quam narrat *Chowne*<sup>1)</sup>: Puella quæ per duos annos ægrotaverat, tussi scilicet laborans cum doloribus pectoris, debilitate, omnisque motus tædio, nosocomio recepta habitum præbuit tabe mesenterica laborantis; abdomen extensum fuit, fluctuationem manifestam præbens;

---

<sup>1)</sup> The Lancet 14 Sept. 1839.

umbilicus admodum prominebat. Ex umbilico rupto contenta intestinorum effluxerunt, qui fluxus per XI dies continuavit. Sectione permultæ intestinorum perforationes inveniebantur.

Rupturam post mortem accidisse, ubi nulla extravasati vestigia adsunt, mihi est persuasum; pluries enim, quod etiam in exemplo nuper narrato (p. 171) accidit, ventriculum aëre extentum levissima pressione impividi, quod quidem, cum cadaver a chirurgo impeto secatur, facile accidere potest. *Morgagni*<sup>1)</sup> itaque et alios autores<sup>2)</sup> vehementer falli credo, qui rupturam ventriculi sine contentorum effusione ante mortem accidere posse opinentur. In cadavere foemineo ventriculus inventus est ulceratus et perforatus; nihil autem, affirmat *Morgagni*, diligentissima perustratione repertum esse in ventre, nisi quid seri in caava pelvi, quod fortasse e ventriculo dici posset effusum, quum tamen in muliere decumbente multum videretur effundi debuisse. Pergit deinde: "Ego vero etsi minus verisimile existimabam, si cultro cesus fortuito esset ventriculus, in ea potissimum sede læsum esse, quæ medio ulceri respondebat, nec forma et magnitudo foraminis, quod capax erat promodum apicis digiti minimi, eæ videbantur, quæ

<sup>1)</sup> de sed. morb. l. c.

<sup>2)</sup> *Merklin*: observatio *Morgagni* l. c. relata. Similis observatio invenitur in: *Comment: Acad. Petropolit. TIVII. - Salz. med. chir. Zeitung* 1816 Bd. 2. pag 29.



facile ad cultelli mucronem aut aciem referri possent, foraminis tamen oras quum viderem non modo callosas, sed etiam inæquales, et quo magis extrorsum foramen pergebat, eo minorem ambitum complectentes, quas dico certe ab exterioribus introrsum illapsus culter minime facere potuisse, non huic, sed morbo imputandum esse foramen censui; nam quod nihil effusum erat in ventrem, id inde fieri potuisse puto, quod paullatim quidem extenuata erat membranula extima, nec tamen nisi extremo tempore erosa, demum pertusa, quum videlicet contractus et corrugatus ventriculus moribundæ mulieris nil haberet, quod effunderet."

*Benj. Travers* <sup>1)</sup> de hac et similibus observationibus disserens censet, effusionem numquam deesse, sed interdum esse tam parcam aut cum ceteris ventris fluidis commixtam, ut vix observetur. Neque est obliviscendum, adhæsiones lymphæ plasticæ ope formatas adeo molles et leves interdum esse, ut levissimo motu rumpantur, neque semper, quum totum peritonæum tali pseudomembrana est obsessum, vestigia adhæSIONIS facile observantur.

*Therap* Restat jam, ut de therapia in morbo nostro adhibenda pauca disseramus. Pauca sine dubio meo jure dixerim, si ulcus solum respiciam, nam therapia, quæ ei convenit, eadem fere est, quam in gastritide chronica adhibemus. Uti igitur in ga-

---

<sup>1)</sup> Medico chir. transactions Vol. VIII pag 228.



ritide chronica, ita in morbo nostro medela regimine  
diæta præsertim constituitur, paucis autem medi-  
aminibus, si quibus opus est.

Regimen regulam plerisque morbis communem  
complectitur: omnia esse evitanda, quæ valitudini  
inimico nocent. Habitaculum ideo aëre pervium, sic-  
cum, soli expositum esse debet; mundities omni ex  
parte summa est servanda; omnia animi pathemata  
violentiora sunt evitanda. Motus corporis parcus  
esse debet, neque unquam agitationes vehementiores  
sunt permittendæ.

Maxima autem curæ pars in diæta est ponenda.  
Hic vero, si unquam, et medico et ægroto summa  
attentia opus est. Diætam enim certam a priori, ut  
dicatur, indicare non possumus; quæ uni convenit,  
alii fortasse nocet; unam regulam semper rectam  
proponere possumus: ægrotos ingerere debere, quæ  
bene ferunt, Quæ tamen diætæ ratio plerumque ob-  
servanda sit, indicare conabimur. Conditio primaria  
ulcus uniuscujusque corporis partis sanandum  
est quies; si ulcus brachium vel manum occupat, ad  
scias et alias vincturas refugimus, si extremitati-  
bus inhæret morbus, lecto tradimus ægrotum; ven-  
ticulo autem quietem parare haud aliter possumus  
si iis amovendis, quæ actionem ejus postulant, sci-  
et alimentis; omnibus igitur ægrotis nostris dosis  
alimentorum minima propinari debet; appetitu autem  
egregio, majorem quidem alimentorum copiam permit-

tere possumus, semper tamen parcam, sæpius repetitam ingerendam si postulant ægroti.

Quoad formam ciborum, fluida initio saltem semper sunt præferenda. Dosis modo sensim est augenda, etiam a fluidis ad solidiora simili modo est progrediendum. Indoles ciborum blandissima, omnibus, quæ irritare possunt, remotis, semper esse debet; utrum autem animalia, an vegetabilia sint præferenda, a vi, quam in ægrotum exercent, dependet. Lac a plerisque bene fertur, dosi uncia, vel unciarum binarum tertia vel quarta singula hora ingesta, nonnulli lac nuper muletum, alii frigidum, alii calidum desiderant; alii lac cum aqua, aut cum aqua selterana, aut cum aqua calcis commixtum præferunt. Nonnulli autem lac minime ferunt; farinacea tum porrigenda sunt: decoctum seminum avenæ, oryzæ, radicis saleb etc.; alii deinde jusculum e carne — avium, ovium, vitulorum — confectum præferunt; quin *Cruveilhier* narrat, foeminam quandam per longum tempus nihil aliud ingessisse, quam fluidum in ostreis contentum. Symptomatibus per longius tempus minutis vel desinentibus, ad alimenta solidiora est progrediendum; panis, puls, pisces, carnes leviores sunt porrigendæ; semper tamen monendum, symptomata post coenam largiorem haud raro rediisse. — Remedia, quæ adhibentur, ad tria spectant: aut ad ulcus sanandum, aut ad dolores mitigandos, aut ad symptomata periculosa amovenda. Inter remedia, quæ ad primum scopum diriguntur, illa, quæ

intrinsecus adhibentur secundum vix tenent locum. eorumque itaque, si adest dolor, vel cruciatus regionis epigastricæ, sanguinis missio localis — hirudinibus, scurbitis cruentis sæpius repetitis — donec omnis dolor desinat, est instituenda; copiam sanguinis extrahendi e viribus et habitu ægroti dependere, hoc opus est monere; sanguinis missiones universales interdum, raro tamen, indicantur. — Remedium deinde sine dubio efficacissimum est derivans quoddam regioni epigastricæ applicatum velut: unguentum tartaro stibiato paratum, moxæ, vesicatoria; nonnulli autores vesicatoria sæpe repetita quasi omnium efficacissima commendant. Balnea ab aliis auctoribus magnopere laudantur; *Cruveilhier* autem monet, ut ægrotus unam vel plures horas in balneo immorari debeat; idem autor narrat, se vidisse aquam calidissimam ad regionem epigastricam spongia adhibitam maximum parere levamen, quum pluries singulis diebus quadrantem horam, vel horam dimidiam constitueretur hæc lavatio.

Alvus quotidie est movenda; clysmata remediis laxativis sunt præferenda. Varia varii autores commendaverunt medicamina. *Abercrombie* magisterio smuthi, mercurio, arsenico, sulphate ferri, opiatum adstringentibus: gummi kino, radice ratanhæ, alumine uti suadit. Dr. *Malden* laudat boracem, cum granis decem, vel drachma dimidia aqua soluta ter die sunt ingerenda; guttam vel duas guttas lau-

dani singulis dosibus addit. Alii usum argenti nitrici <sup>1)</sup> magnopere commendant, quod etiam ex omnibus remediis optime convenire mihi plerumque videtur. Pluries enim vidi ægrotos variis ulceris symptomatibus: cardialgiis, oppressione, dolore fixo, circumscripto, ingestis alimentis et pressione externa provocato laborantes, usu hujus remedii per longius tempus, simul adhibitis sanguinis missionibus localibus, diæta restricta et derivantiis externis, omnibus illis molestiis liberari, neque anno post in easdem recidere. Liceatne, quum in hystericis et aliis cardialgiis cum summo fructu adhibitum esse illud dicitur remedium, ulcus suspicari, decernere haud audeo. Si ex ulceribus callosis externarum corporis partium analogiam fingere licet, cur in ulceribus ventriculi commendandum sit argentum nitricum, sat facile videmus.

Hæmorrhagiis remedia hæmostatica opponenda sunt: acida mineralia, alumen, saccharum saturni, gummi kino, radix ratanhæ etc. Frequentius autem ægroti remedia postulant, quæ dolores sopire, nauseam et vomitum sistere possint; levamen interdum percipitur ex infuso florum chamomillæ, herbarum melissæ etc.; magis efficacia sunt: magisterium bismuthi flores Zinci, acidum hydrocyanicum, nux vo-

---

<sup>1)</sup> Meminisse debemus, hoc remedium cum extractis plantarum commixtum facile destrui; optimum ad pillulas argenti nitrici formandas est extractum ferri pomatum.

ica, belladonna, cicuta, quorum extracta optime adhibentur; opium raro profuisse, observarunt *Rokin-sky* et *Cruveilhier*.

In postremo ulcerationis stadio medelam admi-nistraturi duplicium hujus formarum memores esse debemus. Utrum perforatio cum contentorum ven-triculi effusione, an peritonitis vehementissima sola adsit, ut supra vidimus, persæpe admodum difficile est decernere. Methodus igitur antiphlogistica rigo-risissima est adhibenda: Venæsectiones largissimæ, sæpe et parvis intervallis repetendæ; aut derivantia: causticarium vel moxa; aut revulsiva: epithemata glacie vel aqua frigida confecta epigastrio sunt ap-plicanda.

Situs ægroti supinus esse debet et omnino tran-quillus; parcissimam fluidorum copiam modo ingerat vel potius frustula parva glaciei in ore, donec sol-ventur, tenenda vel deglutienda; opiata, quæ ad cru-ciatum infelicium sopiendos, ruptura facta, faciunt, per anum, vel extrinsecus methodo endermatica po-nis, quam per os propinentur.

---







